

Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial
3.0 Unported (CC BY-NC 3.0) license.

Դու կարող ես.


պատճենել և տարածել նույը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

76 48



Տօսպկող Օրեր

ՄՏԱԾՈՒԹԻՒՆ

ԳԻՍԱԿԻ
F.


Դրատարակութիւն
Հյ Կրթական Հիմնարկութեան
ՆԻՀ-ԵՈՐՔ


Printed in France

281.6

գ - 59

ԳՏ. Ռ. ՇԵՂՄԱՆՅԱՆ





Հայոց

Ե. Հայոց անուն

Օրբելյան-Պետր և Արմենի Պանդուրի
թվական քայլք

Միսուր, 17-6-1975

Գևորգ Պանդուրի

ՏՕՏԱԿԱՆ ՕՐԵՐ

ՄՏԱԽՈՒԹԻՒՆՔ ԳԻՍԱԿԻ

ՀԱՏՈՐ Բ.

Kevork Pambukciyan
Arapzade Sok. № 13
⇒Kuzguncuk-İstanbul

Printed by H. Turabian, Paris France

For the government
of Canada
November 22 NOV 2009
Paragon - of Canada
Government of Canada


Sōuʌkʌq̥u ӨրԵր

ԱՆՁՈՒԹԻՇԱԲ
ԳԻՍԱԿԻ



S. J. Gray

Հրատարակութիւն
Հյու Կրթական Հիմնարկութեան
Նիւռ-Եղօք



19.03.2013

7648

ԵՐԿՈՒ ԽԾԱՔ

Հազար ինն հարիւր թուականը եզերող քանի մը տարիներու սեղմշը անին, «Գիսակ» ծածկանուան տակ՝ «Բիւզանդիոն» մեծ օրաթերթին մէջ սկսան երեւի կրօնաշունչյօդուածներու յաջորդական շարքեր, մասնաւրաբար տօնական օրերու եւ Մեծ Պահոց առթիւ, որոնք՝ իրենց ինքնայատուկ ոճովն եւ ներշնչիչ խորիուրդներով՝ լուսեղէննոր երանգ մը ներմուծեցին օրուան ընթացիկ գրականութեան մէջ:

Այդ յօդուածները «Գիսակ» անուան շուրջ արտասովոր հետաքրքրութեան համաճարակ մը ստեղծեցին ամենուրեք, ուր որ «Բիւզանդիոն» կ'երթար, Պոլսէն սկսեալ մինչեւ Գաւառները, եւ Արտասահման: Ո՞ւր էր, ո՞վ էր ակը այդ ներշնչեալ յղացումներուն — հարցում մըն էր սա որ բերնէ բերան կ'արձագանգէր եւ որուն սակայն միայն անստոյգ ենթադրութիւններով կամ կարծիքներով կը պատասխանուէր: Այդ նոյն հետաքրքրութենէն վարակուած, ոչ նուազ մեծ եկեղեցական մը քան նոյն ինքն Տ. Սելքիսեղեկ Արքեպիսկոպոս Մուրատեան ժամանակին Առաջնորդը Զմիւռնիոյ Թեմին, հարցում ուղղած էր «Բիւզանդիոն»ի ըսելով- «Ո՞վ է սա Գիսա-

4684-88

կը: եթէ աշխարհական մըն է թող գայ ու զինքը քահանայ օծեմ, եթէ սարկաւագ մըն է՝ վարդապետ ձեռնադրեմ, իսկ եթէ: արդէն վարդապետ է՝ ծայրագունութեան աստիճան տամ իրեն:» նոյն իսկ վեհ. Հայրապետը, խորապէս տպաւորուած այս անծանօթ յօդուածագրին գրութիւններէն, ինքնարերաբար բարեհանած էր օրինութեան կոնդակ մը դրկել թերթին խմբագրութեան: Գիսակ սակայն յամառեցաւ՝ գրեթէ մինչեւ իր մահի՝ իր իսկական ինքնութիւնը պահել ծածկանուան մը խորհրդաւորութեան մէջ, շարունակելով բղխեցնել իր գըշէն, որպէս վտակ մը՝ գաղտնի ակունքէ մը, ազնիւ եւ վսեմ խորհուրդներու կննդանարար հոսանք մը:

Քառորդ դար մը ամբողջ անցած է արդէն իսկ յորմիհետէ Գիսակի գրիչը լուած է իր վաղահաս մահուամբը. բայց իր անուան հմայքին հետ տակաւին կ'ապրի նաեւ իր սուեղծած գրականութեան սէրն ու ազդեցութիւնը անխտրաբար ամէն հաւատացեալ շայու մէջ:

Ներկայ հրատարակութեամբ մեր փափաքն ու նպատակն է Գիսակի խորհուրդներուն հոգեկան կազմոյը եւ ներշնչումը մատչելի ընծայել մեր վտարանդի ազգակիցներուն, որոնք, կը հաւատանք, կը կարօտին,

զիտակցաբար թէ՝ անգիտակցաբար, այդ կազդոյրին ու ներշնչումին, մանաւանդ իրենց ներկայ տառապանքին մէջ:

1901ին լոյս տեսաւ Գիսակի «Մտածութիւնք Տօնական օրերու Հայ. Սուրբ Եկեղեցոյ» զբոյկը որ կը պարունակէր նախընթաց տարուան, այսինքն 1900ին, «Բիւզանդին»ի մէջ իր հրատարակած յօդուածներուն մէկ շաբքը: Այդ գրքոյկը արդէն շատոնցէ ի վեր սպառած է: Փոխանակ նոյնը արտատպելու—ինչ որ հաւասարապէս օգտակար ձեռնարկ մը պիտի ըլլար անտարակոյս — նախընթացինք, նորութեան մը հրապոյըն ալ յաւելելու համար մեր հրատարակութեան արժանիքին վրայ, այս հատորին մէջ ամփոփել «Բիւզանդին»ի մէջ հրատարակուած համանիւթ յօդուածներու յաշորդշաբքը որ, ի բաց առեալ վարդապառի առթիւգրուածքը, մինչեւ այսօր ունէ ծեւի տակ հրատարակուած չէ, եւ որ Գիսակ ինքը հրատարակել ծրագրած էր, իբրեւ երկրորդ հատոր մը իր «Մտածութիւնք»ին, եթէ սակայն գէթ տարի մը եւս ապրած ըլլար:

ՀԱՅ ԿՐԹԱԿԱՆ ՀԻՄՆԱՐԿՈՒԹԻՒՆ

Նիւ եռք
Յունվար 1, 1925

ՊԱՐՈՒՆԱԿՈՒԹԻՒՆ

Հ

ԿԵՆՍԱԳՐԱԿԱՆ ԳԾԵՐ (Ա. Ա. ՊԵՏԻԿԵԱՆ)	15
ԳՐՅԻ Եւ ՍՐՄԻ Մարդը (Բ. ՔԷՅԵԱՆ)	22
ԱՄԱՆՈՐ	
ՃԱՄԱՆԱԿԸ	33
ՃԱՄԱՌՈՍ ԿԵԱՆՔ Եւ ԵՐԿԱՐ ԿԵԱՆՔ	41
ԾՆՈՒՆԴ	
ԱՍՏՈՒԱԺԱՅԱՅՏՆՈՒԹԻՒՆ	51
ՄՈԳԵՐԸ ԿԱՄ ՑՆԾԱՆՈԹ ՃԱՄԲԱՆ	65
ՄԵԾ ՊԱՀՔ	
ՑՆԱՌԱԿԻՆ—ՀԵՏՈՎԱՓՆԼՈՂ ՍԵՐԸ	81
ՑՆՏԵՍԻՆ—ՈՒՂԻՂ ՄԻջոց, ՑՆՈՒՂԻՂ ՆՓատակ	95
ԴԱՏՈՒՈՐԻՆ—ԱՊՈԹՔ	109
ԳԱԼՍՏԵԱՆ—Այսօրն Ու ՎԱԴԸ	124
ԾԱՂԿԱՁԱՐԴ	
ՊԱՐԳՈՒԱՃ ԳԱԴՄՆԻՔԸ	135
ԶԱՏԻԿ	
ԿԵԱՆՔ Եւ Մահ	151
ՏՕՆ ՀԱՄԲԱՐՁՄԱՆ	
ՎԵՐԱԳՈՒՄ	172
ՎԱՐԴԱՎԱՌ	
ԻՆՉ Է ՄԱՐԴԿԱՅԻՆ Այլակերպումը	180
ԽԱԶՎԵՐԱՑ	
ԽԱԶԻՆ ԽՈՐԲԻՈՒՐԴԸ	195

Առաքել կ. Պետիկեան, որ «Գիսակ» ծածկանունով հանրածանօթ դէմք մըն է չայ Գրականութեան մէջ, ծնած է ի Խարբերդ 1860 թուականին: Ծնողը հայախօս եւ հայկրօն Ասորիներ էին, նախապէս բարեկեցիկ՝ այլ ապա, երբ դեռ Գիսակ մանուկ էր, առեւտրական ձախողուածքի մը հետեւանքով՝ աղքատացած:

Գիսակ կարդալ գրել կը սորվի Ասորւց թաղային դպրոցին մէջ, որուն վարժապետը երբ կը հրաժարի, ատեն մը ինք կ'ըլլայ վարժապետ, երբ զեռ հազիւ տասնեւհինդ տարեկան էր: Այս թերոյս պատանին ապա վարժապետ կը կարգուի Խարբերդու մօտակայ զիւղերէն՝ Պաշաղակի դպրոցին: Հոդեւս երկու տարի պաշտօնավարելէ վերջ, ուսման սրած ախորժակով մը, կը վերադասնայ Խարբերդ ու կը մտնէ Սմբատեան Վարժարանը որ այդ ատենները՝ Պոլսեցի համբաւաւոր Բարթիկ վարժապետի տնօրինութեան ներքեւ՝ իր ամէնէն փայլուն շրջանը կը բոլորէր: Ասկէ վերջ տարիներ կ'անցնին երբ անդամ մըն ալ բաղդը կ'ունենայ, իբրեւ

հասուկ երիտասարդ մը, դպրոցի երես տես-
 նելու: Իբրեւ քսանեւչորս տարեկան երի-
 տասարդ մը, անգլիերէնի եւ այլ քանի մը
 դասերու կը հետեւի՝ տարի մը երկուք՝ Պար-
 տիզակի Բարձրագոյն Վարժարանին մէջ,
 ուր ինք ալ իր կարգին Հայերէնի դասեր
 կ'աւանդէ: Այդքան միայն կ'ըլլայ իր ամբողջ
 դպրոցական դաստիարակութիւնը: Հակա-
 ռակ սակայն իր դպրոցական դաստիարա-
 կութեան անբաւականութեան, յամառ եւ
 անխոնջ աշխատութեամբ, կը յաջողի ինք-
 զինքը զարգացնել իմացականապէս եւ ըն-
 դարձակ հմտութեան տիրանալ: Քաջ հայա-
 գէտ մըն էր եւ հմուտ՝ ազգային ու եկեղե-
 ցական պատմութեան, վարդապետութեանց,
 ծէսին ու աւանդութեանց, ինչպէսնաեւ հին
 ու նոր դպրութեանց: Հին լեզուներու մէջ՝
 ծանօթ էր Ասորերէնի, իսկ նորերու մէջ՝
 թուրքերէնի եւ անգլիերէնի, առաւելապէս
 սակայն սնանելով անգլիական դասական
 գրականութեամբ: Անյագ ընթերցող մըն էր
 եւ կազմած էր ընտիր գրադարան մը զոր
 իր ինքնազարգացման դպրոցը ըրած էր:
 Աստուածաբանական ընթացք չէր վարած,
 սակայն ինքնուառցմամբ հմտացած էր հին
 եւ ընթացիկ խորհուրդին՝ թէ՛ աստուածա-
 բանութեան եւ թէ՛ փիլիսոփայութեան:

Տասնեւութը տարեկան հասակին մէջ կը
 բաժնուի իր հայրենի տունէն եւ Կ. Պոլիս
 կուգայ ի խնդիր իմացական զարգացման, որ
 միշտ իր հոգին կրակող կիրքը եղած է: Բայց,
 հակառակ իր բուռն բաղձանքներուն եւ ե-
 րազներուն, կը ստիպուի, վոխանակ ուս-
 մամբ պարապելու, զրագրութիւն ընելու
 իր մօրեղօրը քով, որ տարիներէ ի վեր
 Կ. Պոլիս հաստատուած էր իբրեւ սեղանա-
 ւորյանձնակատար: Ատեն մըն ալ տպածոյի
 շրջիկ վաճառականի մը քով կ'աշակերտի,
 ստիպուելով զիւղէ զիւղ պտտցնել ուսամ-
 բարձ՝ տպածոյի ծրարներու ծանր բեռ
 մը: Այս հանգամանքով Եալովայի կողմերը
 շրջած միջոցին է որ կը հանդիպի Քարցի
 կոչուած հայաբնակ զիւղը ուր, զիւղին շա-
 հեկանութիւն ունեցող պարագաներու տակ,
 վար կը դրուի իբրեւ վարժապետ զիւղին
 դպրոցին: Իր նոր գործին կը նուիրուի իր
 ըոլոր կարողութիւններուն եւ զաղափարա-
 կաններուն ուժովն ու խանգովն, եւ քանի մը
 տարուան մէջ այդ յետամնաց ու անկեալ ժո-
 ղովուրդին կեանքին մէջ բարոյական, ընկե-
 րային եւ իմացական զարմանալի արթնու-
 թիւն մը յառաջ կը բերէ: Այդ խեղճ զիւղին
 մէջ Գիսակի կատարած գործը իր ամբողջ


կենսագրութեան մէջ կը կազմէ ոսկեղէն պլուխ մը: Թարցիի մէջ իր վարժապետութեան շրջանին է որ Պարտիզակ կուգայ ուսանելու, եւ իր ուսանողութեան վախճանին կ'ամուսնանայ Օր. Արուսեակ Յ. Գուրեանի հետ, որ մինչեւ վերջը կ'ըլլայ իրեն արժանի պատուական ընկեր մը:

Պարտիզակ գտնուած միջոցին քիչ մը աւելի ընդարձակ շրջանակի մը մէջ կը ճանչցուին իր մտքին ունկարազրին չքնազյատկութիւններն, եւ հազիւթէ իր հարսին հետ Թարցի վերադարձած՝ հրաւէր կ'ընդունի նիկոմիդիոյ Հայ Սւետարանական Եկեղեցւոյն քարոզիչը ըլլալու, Շատ մեծ դժուարութեամբ խզուելով, գրեթէ փախչելով, իր «սիրական» Թարցիէն, կուգայ ընտանեօք հաստատուիլ իր նոր պաշտօնավայրը, Նիկոմիդիա, որ ազգեցութեան ու գործունէութեան ընդարձակադոյն դաշտ մը կը բանար իր առջեւ: Հինգ տարի ալ հոդ արդիւնաւորապէս պաշտօնավարելէ վերջ, կը հրաւիրուի յաջորդելու մեծահամբաւ վեր. Մարտիրոս Շմաւոնեանի, որուն անակնկալ մահովը թափուր կը մնար Կ. Պոլսոյ մէջ «Լանկայի» Հայ Սւետարանական Եկեղեցիին բեմը:

Այսպէս խոնարհ ու անծանօթ գիւղի մը

վարժապետութեանէն, եւ առանց անձնական ոեւէ ցանկութեան կամ հետապնդումի, սասկ իր արժանեացը ուժովը, կարծ ժամանակի մը մէջ կը բարձրանայ մալրաքաղաքին ամէնէն կարեւոր ու պատմական Եկեղեցիներէն մէկուն հովուութեան պատասխանատու պաշտօնին: Այս Եկեղեցիին վրայ իր հովուութիւնը կը տեւէ տասը տարի, 1892էն մինչեւ իր մահը, 1902: Ոչ մէկ տեղ եւ ոչ մէկ հովիւաւելի սիրելի եւ օգտակար եղած է իր ժողովուրդին որքան Գիսակ եղաւ իրենին, շնորհիւ իր սրտազեղ եւ անձնուրաց վարմունքին, իր ներշնչիչ եւ հիւթեղ քարոզներուն եւ իր սրբակեաց կեանքին:

Սրգէն փափկակազմ եւ չափազանց ըպղածուած Սամուլ Հայկական Զարդերուն լուրերէն, ֆիզիքապէս կ'ընկճուի եւ կը տըկարանայ: Իր ժողովուրդը թոյլատուութիւն կ'ընէ իրեն ատեն մը հեռանալու թուրքիու ճնշիչ միջավայրէն եւ, օտար երկնքի մը տակ ազատօրէն շնչելով, կազդուրուելու եւ խորհուրդներով փոխուելու համար: Գիսակ ալ իր տարիներու երազը իրագործելու ժամանակը հասած նկատելով կ'անցնի Անգլիա, աշխարհք տեսնելու, ուսանելու եւ վերջապէս օգտուելու համար քաղաքակիրթ եր-



կրի մը ընծայած զարդացման պատեհութիւններէն: Հաղիւ թէ երկու ամիսներ պահոված Լոնտոնի մէջ, ծանրապէս կը հիւանդանայ եւ կը փոխադրուի լընտըն շօսքի. Թըլը ուր կը մնայ ճիշտ վեց ամիս: Հակառակ նոյնիսկ զինքը խնամող բժիշկներուն ակնկալութեան կ'ապաքինի եւ կարող կ'ըլլայ վերադառնալու իր ընտանիքին, որ այդ միջոցին Սօֆիա (Պոլկարիա) կը գտնուէր: Ութն ինն ամիսի չափ իր ընտանեցը քով անցնելէն ու կատարելապէս առողջանալէն, զօրանալէն վերջը անդամ մը եւս կը դառնալ Սնգլիա իր կիսկատար մնացած փափաքները գէթ մասամբ իրագործելու բուռն բաղձանքով: Նիւթական անձկութեան պատճառաւ հազարումէկ ինքնազրկումներով կը յաջողի ութ ամիս անցնել մեծ մասամբ. Լոնտոնի մէջ, ուսանելով, ուսումնասիրելով, պտտելով, եւն.: 1897ի աշնան վերջերը կը վերադառնայ Կ. Պոլիս եւ կը վերսկսի՝ բարոյական ու իմացական նոր ուժերով, նոր փորձառութիւններով, նոր տեսիլներով հարստացած՝ իր քարոզութեանց եւ հոգուական պաշտօնին:

Լոնտոնէ վերադարձն վերջը, իր կեանքին վերջին հինգ տարուան ընթացքին է որ

իր կարողութեանց լոյսը իր զենիթին վրայ կը փայլի: Այդ կարճ ըրջանին է որ ազգային դէմք մը եւ սեփականութիւն կը դառնայ Գիսակ թէ՛ իր զրչովը մշակած զրականութեամբը եւ թէ՛ իր յափշտակիչ քարոզութիւններովը: Անանկ որ 1902, Յուլիս 10ը, երբ Գիսակ իր աշքերը կը փակէ յափտենական քունով, ոչ միայն մէկ ժողովուրդի կամ մէկ յարանուանութեան մը՝ հապա ամբողջ ազգի մը համար սուզի օր մը կըլլայ: Այն գեղեցիկ յուշարձանը, որուն ներքեւ կը հանգչին Գիսակի ոսկորները, Կ. Պոլիս, Ֆէրիգիւլի Գերեզմանատանը մէջ, ապացոյց կը կրէ իրեն հանգէտ տածուած համազգային սիրոյն եւ յարգանքին:

Գիսակ իր զրական գործունէութիւնը սկսած է իր պատանեկան տարիներէն: Եւ սակայն իր առաջին հասուն զրութիւնները, ուտանաւոր եւ արձակ, հրատարակուած են Աւետարերի մէջ ութսունական թուականներուն: Իբրեւ խորհող եւ զրող մը սակայն իր համրաւը շինած ու հաստատած է իր կեանքին վերջին տասը տարիներուն ընթացքին երբ Կ. Պոլիս կը պաշտօնավարէր: Գրականութեան մասնաւոր սեռ մըն էր որ ստեղծեց ու մշակեց Գիսակ իր հրապարա-

կապրութիւններովը: Կրօնա-բարոյականնեւ-
թերը ժողովրդականացուց շնորհիւ իրյան-
կուցիչ լեզուին եւ ինքնատիպ խորհուրդ-
ներուն: Նիւթեր՝ որոնք պայմանագրական
տափակութիւն մը ենթագրել կուտային եր-
բեմն, եւ որոնց դէմ նախապաշարուած
էին ստքերն, իր գրչին տակ անդիմա-
զրելի հրապոյրով ու հմայքով օժտուե-
ցան: Իր գրութիւնները այնքան ախորժով
եւ հաճոյքով կը կարգացուէին սկեպտիկ-
ներու կողմէ որքան հաւատացեալներու
կողմէ: Սնոնց կոչումը տիեզերական էր ա-
մէն դասակարգի համար հաւասարապէս:
Ասոր ապացոյց մը սա է որ ամէն անգամ
որ Գիսակի սէկ յօդուածը կերեւէր թիւգան-
դինի մէջ այդ համարէն հարիւրաւոր թիւեր
աւելի կը սպառէին, պահանջ մը՝ զոր գո-
հացնելու կանխահոգութեամբ՝ թերթին
տնօրինութիւնը այդ համարներէն սովորա-
կանէն աւելի մեծ քանակութեամբ կը
տպագրէր եւ հրապարակ կը հանէր:

Իր գրութիւնները մեծաւ մասամբ տար-
տղնած է լլւետաթերի, Բիւրակնի եւ Բիւ-
րակնդինի մէջ: Տարբեր թերթեր ալ տաեն
ատեն իր աշխատակցութիւնը վայելած
են: Համիտեան շրջանին, երբ ամէն տե-

սակ թուղթ եւ գրութիւն կասկածելի վա-
ւերաթուղթի տեղ կը գրուէր, անակնկալ
խուզարկումի մը ենթարկուելու վախէն,
բազմաթիւ անտիպ գրութիւններ, ոտանա-
ւոր եւ արձակ, փճացուցած է: Սնտիպ կը
մնան տակաւին բազմաթիւ քարոզներ,
կարգ մը բանաստեղծութիւններ, նամակ-
ներ, եւն: Հեղինակն է երեք հատորէ բաղ-
կացեալ Աշխարհաբար Քերականութեան մը
որ իր մանկավարժական դիւրուսոյց մէ-
թուին համար ատեն մը որդեգրուե-
ցաւ բոլոր գպրոցներէն: Հրատարակած է
«Մոտածութիւնք Տօնական Օրերու Հայ. Սուրբ
Եկեղեցւոյ» անուն գրքոյկ մը, որուն մէջ
ամփոփուած են Բիւզանդիոնի մէջ իր հրա-
տարակած յօդուածներուն մէկ շարքը: Իր
գրական աշխատութեանց շատ մը ծրագիր-
ները ու ձեռնարկները զիբախտաբար ան-
կատար մնացին կանխահաս մահուամբը որ
զինքը առաւ տարաւ երբ գեռ՝ իբրեւ քա-
ռասուներկու տարեկան երիտասարդ մը՝ իր
հոգւոյն ու մոքին ուժի հանքերընոր սկսեր
էր շահագործել յօդուտ այն ազդին որուն
կեանքին հետ նոյնացուց իր կեանքը եւ
դոր սիրեց անգերազանցելի սիրով մը:

ԱՆԴՐԱՆԻԿ Ա. ՊԵՏԻԿԵԱՆ

Գիսակի անունին Հայ Լրազրութեան մէջ
սիրելի յիշատակներու կարգն անցնելէն ա-
ռաջ, կ'փափաքէինք երկու խօսք ըսել, այլ
եւ այլ տեսակէտներով շահեկան այս դէմ-
քին յատկանշական քանի մը գիծերուն
վրայ:

Առերեւոյթհակասութիւններու շարք մ'էր
գիսակի էութիւնը: Նախ, ինք ցեղով Ասորի
էր: Ասորի հօրմէ եւ Հայ մօրմէ (2) ծնած, քաջ
տեղեակ ասորերէնի, միշտ գիտակցութիւնն
ունէր իր Ասորի ծագումին, եւ շատ լաւ
յարաբերութեան մէջ էր Ասորի բարձրաս-

(1) Ամբողջ Հայ Մամուլը դրուտական յօդուած-
ներով լեցուեցաւ Գիսակի վրայ իր մահուան առթիւ:
Այս մէկն, որ իրեն խմբազրական երեւցաւ Բիւզան-
դիոնի մէջ—Ցուլիս 19, 1902—նու կ'արտատպննք
իրեն լրացուցիչ մաս իր կենսազրութեան նուիր-
ուած նախընթաց յօդուածին:

(2) Յօդուածագիրը կը սխալի: Գիսակի թէ՛ հայրը
եւ թէ՛ ՄԱՅԹՈՅ Ասորի էին:

Միհճան հոգեւորականութեան հետո Բայց ո'չ
մէկ Հայ, Գիսակի աւելի տոգորուած էր
ընիկ տրամադրութիւններով, ո'չ մէկ Հայ
մտքով ու գրչով աւելի նախանձախնդիր
դանուած էր իր համայնքին իմացական ու
բարոյական գարգացման ու բարգաւաճման:
Իր մօր կաթն եւ իր հայեցի դաստիարա-
կութիւնն ի Խարբերդ եւ ի Պարտիզակ՝
զինք կերպարանափոխ ըրած էին իբրեւ
մէկ անդամը մեր համայնքին: Իր մտքով
կ'պատկանէր Խարբերդցի այն քաջուսումն
եւ բարեկիրթ սերունդին որ այսօր պատ-
ուաւոր տեղ մ'ունի կրթական ու գրական
ասպարէզին մէջ: Եւ ինք նոյն այն Խար-
բերդցիներէն նուալ օժտեալ մէկը չէր:

Ուրիշ հակասութիւն մը: Գիսակ ինչ-
պէս ցեղով օտար էր մեզմէ, դաւանութեամբ
ալ մեզմէ չէր: Հայ բողոքական հասարա-
կութիւնն երբեք աւելի համոզեալ անդամ
մը չէր ունեցած: Բայց նաեւ ո'չ մէկ Հայ
բողոքական աւելի մօտ եկած էր Հայ Մայ-
րենի Եկեղեցիին, աւելի համակրած էր ա-
նոր, աւելի գնահատած էր զարուց ընթաց-
քին մէջ անոր անգին ծառայութիւններն
Հայ համայնքին. ո'չ մէկ բողոքական ա-
ւելի զերծ գտնուած էր Կալվինական նեղ

ըմբռնումներէ: Հայ բողոքականներու այն յուսատու հատուածին կ'պատկանէր որ կը ցաւի 60 տարի առաջուան պառակտումին համար, եւ կ'աշխատի ըստ կարի մոռցնել զայն, լաւագոյն յարաբերութիւններ մշակելով տոհմիկ Եկեղեցիին հետ, եւ որդեգրելով Հայ բողոքական դաւանութեան ու պաշտամունքին մէջ ինչ որ՝ համաքրիստոնէական եւ բնիկ կրկին զբոշմովը՝ պարձանքն է Հայ Եկեղեցիին ժամերգութեանց եւ հոգեւոր գպրութեանց:

Վերջապէս, Գիսակ մեզմէ հեռի էր նաև միջավայրով, զի եթէ իր նախակրթութիւնն Հայ դպրոցի մէջ առած էր, իր բարձրագոյն դաստիարակութիւնն եւ իր ասպրած միջավայրն ամերիկեան կամ անվլիական եղած էին, եւ ինք աւելի ժամանակ անցուցած էր Ամերիկացիներու եւ Հայ բողոքական շրջանակներու մէջ, քան իսկապէս տոհմային շրջանակներու մէջ: Բայց թէպէտ ցեղով, միջավայրով ու դաւանութեամբ մեզմէ բաժնուած՝ այլ իր գրիչն առէն պատուար խզեց, եւ զինք ա'յն աստիճան նոյնացուց Հայ Եկեղեցիի դաւակի մը հետ որ Սուրբ Հայրապետը բարեհաճեցաւ իր քաջալերական գոհունակութիւնն յայտնել Գի-

սակի Բիւզանդիոնի մէջ զրածներուն համար, եւ Տ. Մելքիսեդեկ Սրբազան զրեց մինչեւ անգամ որ եթէ այս անանուն յօդուածակիրն աշխարհական մ'է, ինք պատրաստ է քահանաց ձեռնադրել զայն. եթէ ամուրի է, կ'յօժարի վարդապետ ձեռնադրել, եւ եթէ արդէն վարդապետ է, Ծայրագոյն աստիճանին արժանի կ'տեսնէ զայն: Երբ խնդիրը կրօնական զրուածի մը արժէքը, տարողութիւնը, ուղղափառութիւնը դատելու վրայ է, ո'չ ոք Ն. Ս. Օծութենէն կամ Մելքիսեդեկ Սրբեպիսկոպոսէն աւելի ձեռնասս կրնար ըլլալ: Եւ այս ու այսօրինակ պատուաբեր գնահատումներ՝ որոնց առարկայ կ'ըլլային Գիսակի զրուածները մեր կղերին եւ խելահաս զրագէտ դասուն կողմէ, կ'ցուցնեն թէ անոր գրիչն ո'ր աստիճան Հայ-քրիստոնէական ներշնչում ունէր:

Եւ հիմա կարգն է ի վեր հանելու Գիսակի բուն արժանիքը. Ոմանք գրիչն ունին — գեղեցիկ աշարհաբար մը՝ կատարելապէս քերականական, բայց ներշնչումէն զուրկ են: Ուրիշներ կ'կրեն կրօնասէր հոգի մը, ներշնչումը կ'զգան իրենց մէջ, բայց գրիչն է որ կ'պակոի իրենց: Գիսակի

վրայ հաւասար աստիճանով կ'ստուգուէին
նրկու ձիրքերն ալ: Եկեղեցւու հին Հայերու
քրիստոնէական լայն շունչն էր որ կ'ոզե-
տորէր իր կրօնական-բարոյական գրակա-
նութիւնը: Կը կենար այն հաստատուն
կոռուպնին վրայ որ հասարակաց է համայն
Քրիստոնէութեան, եւ որ առ յաւէտ պիտի
մնայ, երբ ձեւերն ու ձեւաբանութիւնները
պիտի կորսնցնեն ամէն գրգոիչ նշանակու-
թիւն, պիտի դադրին կիրքերն յուզելէ
Աստուածաբաններու հակընդդէմ դպրոցնե-
րուն մէջ: Այնպիսի կոռուպն մ'է այն ուր
չայ համայնքը բաժնող երեք դաւանու-
թիւններն ալ հաւասարապէս մտիկ կ'ընեն
կրօնի յաւիտենական ճշմարտութիւններուն,
անոնց՝ որոնք ամէնէն աւելի կ'ներգործեն
մարդուս նկարագրին վրայ, եւ կը նալաս-
տեն բարձրացնելու ընկերային մակար-
դակը:

Բայց — յաճախ գրուցուած խօսքերու
համար մանաւանդ — խօսքը չէ այնչափ որ
կ'ազդէ որչափ լսելուն կամ գրելուն ձեւը:
Եւ շատեր հրապուրուած էին գիսակի մա-
նաւանդ գրելու ձեւէն: Սյն ի'նչ սքանչելի
հայերէն, պարզ այլ ներդաշնակ, գրական
բայց առանց ծեքծեքումի, նոր բայց ոչ

«անկապաշտ»), ընտիր օրինակ քերականա-
կան աշխարհաբարի, ինըն եւս ըլլալով հե-
ղինակ աշխարհաբարի ամէնէն աւելի ըն-
դունուած եւ զործածուած Քերականութեան
մը, սիրելով, խնամելով իր զրած լեզուն,
հաւատալով անոր ոյժին, իբրեւ հրաշալի
զործի մը մտքի ամէնէն գեղեցիկ յղացում-
ները մարմնացնելու: Կը յիշէք, օրինակի
համար, իր «Ծաղկազարդ»ի յօդուածը Հայ
Սուրբ Եկեղեցւոյ Տօնական Օրերուն (1) նուի-
րուած իր զրքոյկին մէջ, արտատպուած
Յիւզանդիւնէն: Սյնքան սովորական, յեղ-
յեղուած նիւթ մը՝ իր թէ՛ հոգեբանական
եւ թէ՛ նկարագրական կողմովն՝ որչա՛փ
ներշնչող, ոզեւորիչ կենդանութիւն մ'առած
էր գիսակի գրչին տակ: Դիւցազներգութեան
մը պէս կ'կարդացուէր Յիւուաի մուտքն
յերուսալէմ — եւ մեր հոգիներուն մէջ: Ահա'
զուտ կրօնական նիւթերն հասարակութեան
հրապուրիչ ներկայացնելուն ձեւը: Հապա,
նոյն Մէծ Պահքին, Անառակ Որդիին (2)
վրայ զրածին անուշութիւնը, մեղմ դիւթու-

(1) «Մտաժութիւնը Տօնական Օրերու Հայ Սուրբ
Եկեղեցւոյ, հատոր Ա. էջ 79—89:

(2) Նոյն — էջ 34—51,

թի՞ւնը, որ ամէնէն անզգայ սիրտն ալ կ'կա-
կուզցնէր, եւ արցունք մը կ'խլէր ամէնէն
սկեպտիկ աչքերէն:

Ինչէն էր այս «Մեծ Պահքի» յօդուած-
ներուն անսահմանելի ոյժը: Աստուածաբա-
նութենէ՞ն, զրականութենէ՞ն, աշխարհա-
բարի հեղինակութենէ՞ն, քարոզելու վար-
ժութենէ՞ն: Բայց այս ամէն յատկութիւնք
զատ զատ ուրիշներու մէջ աւելի հարուստ,
աւելի կարկառուն կրնայ գտնուիլ: Հայ
տարրն դիսակէն աւելի հմուտ զլուխներ
եւ աւելի քաջ հայկաբան զրիչներ կ'պա-
րունակէ: Որչափ մենք կրցինք վերլուծել,
ընթերցողը՝ առանց ճանչնալու դիսակին
ո՛վ եւ ինչպիսի մարդ ըլլալը, զրուածին
ընթերցումէն կը հասկնար թէ հաւատքով
զրուած էր ան, թէ՝ զրողն իր ըսածներուն
հաւատալու անզին արժանիքն ունէր: Եթէ
ուրիշ կրօնական հրատարակութիւններ նոյն
տպատրութիւնը չեն ըներ մեր վրայ, թե-
րեւս անոր համար է որ զրողին հոգին ան-
խուափելի կերպով կ'մատնուի, եւ թերա-
հաւատ հոգի մը կարող չէ զերել ընթեր-
ցողին զգացումը:

Եւ այս տպաւորութիւնը աւելի կը շեշ-
տուէր անոնց քով որ դիսակը նաեւ անձ-

նապէս ճանչնալու բախտն ունեցած էին:
Ճշմարիտ Քրիստոնէի ոչ հասարակ տի-
պար մ'էր նա, հազուատեսիլ մեր օրերուն,
երբ զիտնականն յանուն մտային զարգաց-
ման կ'թերահաւատի, եւ երբ ոչ-զարգաց-
եալը նիւթական զետնաքարշ կեանքի վրի-
պումներէն ու տուայտումներէն լլկուած, ո՛ր
երկրի մէջ ալ ըլլայ, ամէնէն առաջ հա-
ւատքէն կ'ուժանայ զուցէ: Իր անհատական,
ընտանեկան եւ ընկերային կեանքն ըստ
կարի մօտ կուզար իր նկարազրած հոգեւոր
իտէալին: Իրեն համար լոկ վերացական
տեսութիւն մը չէր «Գաղափարական կեան-
քը» (1): «Պարկեշտ, պատուաւոր, ուզդամիտ
մարդ մ'էր» հասարակ բացատրութիւնը
բաւական պիտի ըրլլար զինք պատկերա-
ցնելու: Քրիստոնէական պարզասիրութեան,
համեստութեան, փափկասրտութեան եւ
անձնութրութեան հով մը կար վրան զոր
դժուար է ցտիւ որակել: Զկայ մէկը որ կա-
րենայ ըսել թէ դիսակի բերնէն ծանր խօսք
մը լսած է, կամ տեսած է անոր ո'եւ է վի-
րաւորիչ մէկ վարմունքը: Գովասանքէն,

(1) Կանարկէ այս խորազրով յօդուածներու շարքի
մը, զոր Գրսակ հրատարակեց «Թիւզանդիոնոի մէջ»
1900, չոկտեմբեր 20էն Դեկտեմբեր 8:

ցուցագրութենէն, փառքէն, պարծանքէն ա-
ւելի խուսափող մէկը կարելի չէր երեւա-
կայել:

Համեստ Հայ ընտանիք մը կազմած էր,
եւ ամէն մոլութենէ, շոայլութենէ գերծ,
դրամական շահախնդրութենէ բոլորովին
հեռի, իր անձին օրինակովը կ'ուզէր շեշ-
տել այն բարի խրատները զոր տունէ տուն
կ'պտտցնէր, իր հովուական պարտաւորու-
թեան էական մէկ մասն համարելսվ այցե-
լել իր հոգեւոր խնամքին վստահուած ըն-
տանիքներուն, տեղեկանալ անոնց վիճակին
ու պէտքերուն, սփոփել անոնց վիշտերը,
հիւանդներուն քով գտնուիլ, ու կարօտնե-
րուն օգնութիւն հասցնել ամէնէն լոին եւ
խորհրդապահ ձեւով: Մեր անձնական հայ-
եացքով, փոյթ չէր թէ Գիսակ ի՞նչպէս կը
կ'հասկնար ինչ ինչ վարդապետութիւններ
ու ծէսեր, ցորչափ իբրեւ Հայ քրիստոնեայ
իր վարք ու բարքն անբիծ, անարատ, օրի-
նակելի էին, եւ դրական ապացոյց մը Քրիս-
տոնէութեան ոյժին՝ իբրեւ գործնական կա-
նոն կեանքի:

Վեր. Առաքել Կ. Պետիկեանի կեան-
քէն ու գրական գործունէութենէն դաս մը
կայ մեղ համար, դաս մ'ալ' մեր Հայ Բողո-

քական եղբայրներուն համար: Մեղ համար
դասն է՝ մշակել «Առողջ Գրականութիւ-
նը» (2), եւ ծառայեցնել զայն նոր սերուն-
դին բարձրացմանը, ընտանեկան եւ ընկե-
րական կեանքին ազնուացմանը, գարգա-
ցնել նաեւ աւելի բարձր իտէալ մը կրօնա-
ցին պարտաւորութեան, եւ կեանքի մէջ ի-
րականութիւն մը դարձնել զայն՝ պատկա-
ռուտ ոճով մը ներկայացնելով զայն ընթեր-
ցողին, եւ ո'չ թէ սկեպտային թելադրում-
ներով քայլայել ինչ կրօնային հաւատք որ
մնացած է մեր մէջ: Իսկ մեր Հայ բողոքա-
կան ազգակիցներուն համար, կրօնային
լայն ներողամտութեան ոգոյն, բուն հայե-
ցի քրիստոնէական զգացման, եւ Մայրենի
Եկեղեցւոյն նկատմամբ յարգանքի ու պատ-
կառանքի ճշմարիտ տիպար մը պէտք է
ներկայացնենք զԴիսակ, յուսալով որ հե-
տզհետէ կ'շատնան Հայ. Սուրբ Եկեղեցւոյն
նկատմամբ անոր պէս խորհողներն ու զգա-
ցողներն Մայրենի Եկեղեցիէն բաժանեալ
հատուածներուն մէջ:

ԲԻՒԶԱՆԴ ԹէՇԵԱՆ

(2) Այս խորագրով եւս յօդուածաշալք մը հրա
տարակած է «Թիւզանդիոնի մէջ, 1901, Նոյսմբեր
16էն 19:

ԱՄԱՆՈՐ

σ u v u i u y l (1)

Մարդիկ կ'խորշին «անձանօթ»էն, չեն
ուզեր հաւատալ զաղտնիքի, միստիքի, բայց
ո՞վ կընայ ազատութիւն անոնցմէ. անոնք են
որ մարդուս կեանքը կը բաղկացնեն:

Ահա անծանօթ մը, իրական անտեսա-
նելի մը — ժամանակն: Գիտե՞ս զայն:

Զենք գիտեր ու չենք տեսներ այս ըս-
պէին յաջորդող բոպէն։ Ամէն երկվայրկեան
սեւ վարագոյրի մը ետեւէն դուրս կուգայ
կեանքի բեմին վրայ։ Ամէն ժամու, ամէն
օրուան ետեւ սեւ զիծ մը քաշուած է։ Ան-
համբեր հոգին, որ դարելու բոլոր գաղտ-
նիքները կ'ուզէ կարդալ, յուսահատ հա-
ռաչանքով կը կայնի ժամանակին անողոք
անծանօթութեան առաջ, եւ կ'ըսէ ինք ի-
րեն, «պէտք է խոնարհիլ, պէտք է համբե-
րել»։

Ժամանակն հոգիին դաստիարակն է, ան

(1) Գրուած՝ Յունվար 12, 1901:

կ'ուսուցանէ մեզի կեանքին մեծաբոյն դա-
սը — համբերութիւն։ Մարդ չէ կարող ապ-
րիլ առանց համբերութեան։

Յաջորդ բոպէն, անծանօթ ժամանակն,
մեր մտքին շոգին է։ Յիրաւի կեանքը շո-
գի մ'է վաղանցուկ, այլ յառաջ քշող շոգի
մ'է։ Ժամանակն միշտ բաց ու տնկուած
կը պահէ մեր ականջը, լարուած կը
պահէ մեր ուշադրութիւնը։ Աչքը միշտ
յառաջ կը նայի։ Սյու է դաղանիքը կեանքի
դարձացումին, Սստուծոյ կրթական եղա-
նակն։

Ժամանակն խոստում ունի միշտ։ Սպա-
սել անոր, նայիլ, ակնկալել. այս է որ հա-
ւատք կ'կոչուի։

Սպագայ ժամանակն՝ բնութեան մեծա-
զօր օրէնքներուն պէս՝ ազգեցութիւն ունի
կեանքին վրայ։ Վայ անոր որ հեռաւոր ա-
պագայ մը չունի աչքին առջեւ, որուն «ա-
պագայ»ին հորիզոնը մինչեւ ցուրտ մար-
մարի մը, կամ հողերու կոշտի մը կ'երկարի։

«Վաղուան համար մի՛ պարծիր»։ Ա-
նիկա քուկդ չէ։ Կնքուած, անթափանցելի
գաղտնիքն է ան։ Շուտով մ'ըսեր «վաղը»։
Անոր Տէրը դայն քեզի չի վստահիր, չի

յանձներ կանխաւ։ «Վաղը չես պիտեր, եթէ
պիտնաս՝ ա՛լ վաղը չէ ան»։

«Վաղը շատ մօտ կ'երեւի, այլ կայ բան
մը աւելի մօտ քան վաղը, յաւիտենակա-
նութիւնը»։ Ամէնէն մօտը մեզի՝ ու ա-
մէնէն հաւանականը ան է որ ամէնէն
հեռի, ամէնէն անհաւատալի բանը նը-
կատուած է, որ տիսուր բառով կ'կոչուի
մայի։ Մէկ քայլ կայ քու եւ գերեզմանին
միջեւ։

Ժամանակի գանձարանէն մէկ օր միայն
արուած է քեզի — այսօր։ Ա՛ն զայն, «այս
օր»ը, ու սիրոյ եւ պարտականութեան գոր-
ծերով շահեցուր, ճոխացուր զայն ու դար-
ձուր իրեն, ժամանակի Սստուծոյն։ Թերեւս
օր մը եւս վստահի քեզի, թերեւս քու հա-
ւատարմութեանդ յաւիտենաւան դարերը
վստահի։

Ժամանակի մատեանին մէկ էջը միայն
իշխանութիւն ունիս բանալու։ «Սյո օր»ն
է այն։ «Վաղը» միւս թերթն է, որ կըն-
քուած է։ Մաքուր պահէ բաց էջը, որ ճեր-
մակ, անզիր թուղթ մ'է. զրէ անոր վրայ
ի՞նչ որ կ'ուզես, բայց զիտցիր որ զրածդ
ա՛լ չ'աւրուիր։

Ի՞նչպէս կ'ուզես ողջունել զալիք ժա-

մանակը, նոյնպէս գործածէ ներկայ ժամանակի: Ներկային մէջ ապագան կը շինենք մենք: Ուրեմն լաւ անցուր «այսօր»դ, լաւ «վաղը» ունենալու համար:

Մենք ամէնքս պիտի ծերանանք կամ պիտի մեռնինք. այս ուղիղ է ֆիզիքական կեանքին համար: «Բայց, ըսած է հեղինակ մը, ճշմարիտ իոգին դէպի երիտասարդութիւն կ'թեւակոխէ»:

Ի՞նչ է կեանքը: — Դիտէ՛ ամպերը՝ զըգուած բուրդի պէս երկինքի կապոյտ դաշտին երեսը. դիտէ՛ սպիտակ կը կնոցը որ դրացի լեռներուն վրայ ձգուած է. մի՛ յափշտակուիր: Ահա կ'հալի, հետքը անգամ չի մնար «տեսիլ»ին: Այս է կեանքը, այսինքն, «շոգի մը»:

Մեր կեանքի աւագ ժամացոյցն արագ կ'հոսի ու շուտ կ'սպասի: Ամէն մարդու օրերն համրուած են: Այս արեւն միշտ չի ծագիր վրադ. օր մը անոր ճառագայթներն պիտի թափին նորուկ կերեզմանի մը վրայ, որուն տակ դուն կ'ննջես: Նոր Տարին ոմանց համար մահուան անկողինը փոելու կուզայ: Իմաստուն եղիր, եւ մեծագոյն իմաստութիւնը — «սրտի իմաստութիւնը» — «օրերը համրելն» է:

Դժուար չէ յիշել անցելոյն մէջ գործուած սխալները, այլ դժուար է նոյն սխալները չի կրկնել յառաջիկային մէջ: Եթէ միտք ունիս մարդ ըլլալու, սակայն, դժուարութիւնը բաւական պատճառ չէ կրկնելու համար կեանքին սխալները: «Երկու անգամ գայթակղիլ միեւնոյն քարին վրայ՝ յայտնի շնորհազրկութիւն կ'նշանակէ», ըսուած է:

Գիտե՞ս ի՞նչ է «Օգոստինեան Սանդուխը», որուն ակնարկեց Լոնկֆէլլօ իր քնարին բարակ թելովն: Սուրբն Օգոստինոս կ'ըսէր թէ սխալները սանդուխի մը աստիճաններուն պէս են: Մեծ մարդիկ անոնց վրայ կոխելով վեր կ'ելլեն:

Ապագան անստոյգ է, բայց մենք ենք կերտողներն ապագային: Բարիք գործէ, ուշքեղ կ'ըլլայ ան: Ամէն մարդու ճակտին վրայ «մեծ» գրուած է, եթէ մենք մեր ձեռքով չի ջնջենք զայն:

Կուզե՞ս նոր որոշում մը ընել այսօր, նոր Տարուան մը մուտքին վրայ: Կան երկու բաներ որոնցմէ պէտք չէ զատուխ կեանքիր մէջ — Աստուծմէ եւ խղճէր:

Մեր զրամական կորուստներուն համար արցունքով կուլանք, բայց ո՞վ կ'ողբայ կորսուած պատեհութիւնները: «Ո՞վ մարդ, ը-

ոած է Սեսեկա, վայելէ ներկայ հաճոյք-
ները, բայց աղէկ նայէ որ ապագայ վայել-
քիդ չի վնասես»։ Մի՛ լսեր նոյն իսկ հրեշ-
տակային նուազը, եթէ անով բուն իսկ լը-
սողութիւնդ պիտի կորսնցնես. մի տեսներ
նոյն իսկ գեղուհիներու դշխոյն, եթէ անով
տեսնող աչքերդ վրայ պիտի տաս, եթէ ա՛լ
չպիտի տեսնես. մի՛ ճաշակեր՝ մինչեւ իսկ
դրախտի քաղցրագոյն պտուզը, եթէ համը,
հոտը իսպառ պիտի մեռնի քեզի համար —
ահա այս է հոգին կորսնցնել ու բոլոր աշ-
խարհը շահիւ։

Ետ նայէ՛ անցեալ հոգեւոր ցաւերուդ
վրայ, որ ապագայ ցաւերէն բարիքներ քա-
ղես, ճիշտ ինչպէս ծաղիկները կ'քաղես
փուշերու մէջէն։ Յաւերն պատղամաքեր
հրեշտակներ են։ Հասկցիր անոնց նշանա-
կութիւնը, ամէն վիշտ ինօսք մը ունի բե-
րանը, ուշադիր եղիր, սորվէ անոր լեզուն—
վշտին լեզուն։

Կեանքը պատուական է, ժամանակն
թանկ, քանզի անոնք շուտ կ'անցնին։ Պայ-
րըն ըսած է, «Լոյսն յայնժամ սիրեց մարդ,
երբ լսեց թէ ան կ'երթայ ու ա՛լ ետ չի
դառնար։ Կեանքը յայնժամ պաշտեց նա,
երբ մնուաւ իմացաւ»։ Ու ծաղիկն այն

ատեն վնատուեցաւ, երբ արեւին ներքեւ
խամրեցաւ։

Մի՛ ցաւիր որ, սակայն, կեանքը կարծ
է. ան կ'տանի ցաւերը շուտ, ու կ'բերէ
փառքը շուտ։ Եթէ սեղանիդ շուրջ պղտիկ
կամ մեծ աթոռ մը գատարկ է, մանաւանդ
եթէ սիրտդ գատարկած է եւ քու էութիւնդ
քաշած տարած են անոնք, որ հիմա հեռի՛ն
ձիւներուն տակ կ'քնանան, ո՛հ, յիշէ, սի-
րելիս, թէ նոր Տարին քիչ մալ մօտեցուց
քեզ անոնց։

Սրբէ՛ արցունքդ, թերահաւատ մարդ։
Այս կեանքը չէ ամէնը, Ո՛չ, բոլոր կեանքը
չէ՛ այս, այլ մի մասն է — փոքրիկ մասը —
կեանքին։ Մկիզբն է այն կեանքին —
կեանքին՝ որ չունի վախճան։ Ի՞նչ որ
ալ ըլլայ մեր ներկայ կեանքին գիրքը —
վէպ մը կամ սաղմոսարան մը, ողբերգու-
թիւն մը կամ կատակերգութիւն մը — սա
ստոյգ է թէ մահու հրեշտակը, որ ճամբայ
հանուած է Բարձրելոյն աթոռէն, թոչելով
կուգայ ու կ'կնքէ անոր վերջին գլուխը։

Կ'ըսուի թէ «Կեանքն անստոյգ է, ստու-
դապէս անստոյգ», ու մահն ստոյգ է։ Բայց
մահը չէ վախճանը։ Մահը զարթնումն է,

սթափումն է երազ կեանքէն իրական
կեանքի:

Այլ կեանք մը կայ — կեանք մը որ բնաւ
չի մեռնիր, կեանք մը՝ որ կցուելով կեան-
քիդ՝ խաւար անցեալդ կ'լուսաւորէ, արա-
տաւոր անցեալդ կ'սբբացնէ թողութեամբ,
եւ ապագայ կեանքդ կ'քեղմնաւորէ, կ'ազ-
նուացնէ, կ'փառաւորէ, կ'անմահացնէ։ Այս
կեանքը կը գտնուի անոր մէջ, որ ըստ,
«Ես եմ կեանք»։

ԱՄԱՆՈՐ

Հ Ա Մ Ա Ռ Օ Տ Կ Ե Ա Ն Ք

ՈՒ

Ե Բ Կ Ա Բ Կ Ե Ա Ն Ք (1)

Ունայն — այս է առաջին բառը որ մեր
բերնէն կ'թոչի այսօր Ամանորի առիթով։
Այս սարսուն բառով յատկանշուած կամ
ստորոգուած է կեանքը սա երեւելի պատ-
ճառով՝ որ անոր օրերը համրուած են։ Կար-
ճատեւ կեանքը ունայն, ի զրւը, երազ հըռ-
չակել մարդկային փիլիսոփայութիւնն է։
Այլ փիլիսոփայութիւնը Անոր, որ մեծ «Ես
եմ» կ'կոչուի, կեանքը ունայն կամ իրա-
կան չի վճռեր անոր տեւողութենէն դատե-
լով։ Երկար կեանքը էական նկատուած է
մարդուն կողմէ՝ գոհացում տալու իր բնա-
կան ձգտումներուն, յուսախաբութեանց
դէմ վերջնական յաղթանակը շահելու, իր
երազած դղեակներուն աւարտումը ողջու-
նելու, կամ անհրաժեշտ պարտականու-

(1) Դրուած՝ Յունուար 14, 1902։

թեանց հատուցումով կատարելութեան վերջին եզրերուն հասնելու համար: Աստուծոյ երկայնը շատ հեղ մեր կարճն է, ինչպէս մեր կարճը Անոր երկայնն է: Մեր եւ Անոր քառերը կեանքին նկատմամբ համանշանակ չեն: Անոր նպատակներուն մէջ հարկաւոր տարր մը չէ օրերուն երկարատեւութիւնը: Մեր վաղանցուկ բողէները յաճախ դարեր են Աստուծոյ համար: Յաչս Աստուծոյ հազար տարին մէկ օրուան պէս է, ու մէկ օրը՝ հազար տարուան պէս: Միրոյ արցունքի կաթիլ մը երբեմն Աստուծոյ ծովը կ'էցնէ: Պայծառ ու սիրելի արեւի մը մէկ անգամ ճառագայթումէն Ան գոհ կ'մնայ, մինչ մենք անոր շիջումին դէմ դժգոն՝ կ'հառաչենք, կը բողոքենք: Ո՛հ, մինչ մենք յաճախ «Դեռ չ'սկսաւ» կ'գոչենք, Նա «Լմնցաւ» կ'ըսէ:

ՀԱԿԱԾԱԿԱՆ ՃԵՄԱՐՏՈՒԹԻՒՆՆԵՐԸ

Ո՞րքան կ'ապրի մարդը — այս է մեր հարցումը: Ի՞նչպէս կ'ապրի մարդը — այս է Աստուծոյ հարցումը: Տարբերութիւնը մեծ է այս երկուքին միջեւ: Կեանքը ունայն է: Կեանքը յաւիտենական է: Այս երկու հա-

կասութիւնները կատարեալ ճշմարտութիւններ են: Մաթուսաղայի կեանքեր կան, ու եթէ ըլլային նոյի օրերէն մինչեւ հիմա ու մինչեւ յաւիտեան ապրող կեանքեր, տակաւին անոնց ամենուն համար պիտի կընալինք ըսել յաւիտենական ունայնութիւն»: Սխալ իմաստով կ'գործածենք «ունայն»ը: Մէկ օրուան մէջ դար մը ապրող կեանքերն ունայն են:

ԱՊՐՈՂ ՈՒ ՄԵՌՆՈՂ ԵՐԱԶՆԵՐ

Կան մարդիկ, որոնց վրայ անցուղարձ գործող երկարատեւ, ազդու պատահարներ հետք մը չեն ձգեր: Բոլոր իրերը ու պատեհութիւնները լաւագոյն հետեւանք մը յառաջ չեն բերեր: Ժամանակին ու փորձառութեանց յորդահոս գետերը կ'անցնին, այլ անոնք կը մնան չոր ու ծարաւի: Կան մարդիկ որ օրացոյցներու պէս են, օրը կ'զրուցեն քեզի, առանց անոր նշանակութիւնը հասկնալու: Անոնք բոլոր իրականութեանց դէմ խստացած սրտեր են: Եղանակներն ի զուր կուգան ու կ'երթան, ո՛չ դարնան անձրեւները, ո՛չ ամրան արեւները

կանանչ բոյս մը կ'արտադրեն անոնց մէջ,
տպառաժներ են: Սատանաներու պէս են,
որ չեն փոխուիր, ու եթէ քանի մը ան-
գամ աշխարհ գային, տարբեր բան մը չ'պի-
տի ուղէին ըլլալ: Այսօրինակ կեանքերը, եր-
կայն ըլլան կամ ոչ, ունայն են — ապրող ու
մեռնող երազներ: Այս կարգէն են նաեւ

ՈՒՆԱՅԻՆ ՄՏՔԵՐԸ

Կան մտքեր, որոնց վրայ արդարապէս
կրնայ դրոշմուիլ «ունայն»ի կնիքը: Հանդի-
պած չէք երբեք մտքերու, երբեմն շտե-
մարանի պէս ընդարձակ, մթերուած մըտ-
քերու, որոնց համար, սակայն, գիտութիւնը
սնունդ մը, մաս մը չի կազմեր կեանքին,
այլ անոնք կուգան արուեստակում մը կամ
ուկեզօծեալ դրուագում մը գործելու ար-
տաքին կեանքին վրայ: Անոնք գիտութիւնը
կ'զիզեն, ինչպէս ժլատ հարուստը իր ոս-
կիները՝ միայն անոնց վրայ նայելու ու
խենդի քրքիջ մը արձակելու համար: Կի-
տութիւնը չի փոխակերպեր զիրենք, չի
տարրանար իրենց բարձրագոյն էութեան
մէջ: Անոնք ամբարներ են իրօք փայտէ
շինուած՝ որ իրենց պարունակած բերքերէն

ոչինչ կը վայելեն: Գիտութեան ծովին մէջ
ընկղմած քարեր են, ու ոչ երբէք ծծող
սպունդներու պէս: Ամէն լեզու կը խօսին,
այլ չեն գիտեր չոգիին լեզուն: Կ'ուսանին,
գիտութեան խորքերուն մէջ կ'սուզին, բայց
աւելի իմաստուն չեն ըլլար բան յառաջա-
գոյն: Գիտութիւնը կենդանի ճշմարտութեան
պէս չի թափանցեր իրենց ներքին կազ-
մութեան մէջ, չազնուացներ, չի վսեմա-
ցներ, չի զեղեցկացներ կեանքը: Ահա ա-
սոնք են որ իրաւունքունին ըսելու: «Ի զ՞ո՞ր
ատեղծուած ենք»:

ԵՐԿԱՐ ԿԵԱՆՔԸ ԿԱՐՃՈՒԹԵԱՆ ՄԷՋ

Ընդհակառակն՝ կան կեանքեր, որոնց
համար այս աշխարհի մութ ամպերն, ար-
տասուալից, մոայլ մթնոլորտն կ'բերեն
նկարագրի վերանորոգումին առտուան ցո-
ղերը: Եւ որոնց մէջ փչող հովերն աստուա-
ծային կրակը կ'հրահեն: Անոնց համար
կեանքին ամէն փոփոխումները սրբազան
են: Վայրկեաններն այսպիսի հոգիներուն
համար երկայն են ու ոչ կարճ, հարուստ
են ու ոչ՝ աղքատ: Անոնք իմաստուն են
նոյն իսկ առանց ընդարձակ գիտութեան:

Օրերու անբաւական տեւողութեան մէջ նոխացուցած, հարստացուցած սրտեր ունին: Ունայնութեան տխուր ողբը անոնց երգը չէ: Անոնց կեանքը երկայն է կարճութեան մէջ: Վասնզի մէկ տարին անոնց մէջ բարյական ու հոդեւոր իմաստութիւնը կ'ուռացնէ: Անոնց մէջ միայն մեքենական, զործարանաւոր տարրը չապրիր. չեն նմանիր ծովու մը՝ հաւասարապէս անզզայ լուսնին արծաթահալ կաթկթութիւն կամ ամպի խոշոր թափթփուքներուն ներքեւ: Անոնք չեն մշակեր միայն այն յարաբերութիւնը՝ որ կեանքը ունի բնութեան հետ, որուն կ'ազդէ ժամանակին շունչն փթթեցնելով կամ փտեցնելով զայն. այլ այն մասն՝ որ իրենց մէջ բարձրագոյն «բնական»ը կամ Աստուծոյ բնութիւնը կը կազմէ՝ անկախ ժամանակին բոլոր փոփոխումներէն:

ՔՆԱՅՈՂ ՀՈԳԻԻՆ ԿԵԱՆՔԸ

Թէ՛ կեանքին կարճութիւնը, թէ՛ տարիներու առատութիւնը ժամացոյցի կամ տարեցոյցի հաշիւներով չեն չափուիր: Թուականներն չեն ճշտեր կեանքին տեւողութիւնը: Հոգին է որ կ'ապրի. հոգին է որ

կ'զպայ, կ'կշռէ, կը չափէ զայն: Եթէ հազին արթուն չէ, կեանքը միլիոնաւոր տարիներէ վերջ ունայն է: Ժամանակի երկարութեան չենք կարօտիր այնքան՝ որքան զգայուն, հսկող, ընդունակ, արթուն հոգիի մը, որ ամէնէն պղտիկ բացուածքներէն երկրի՝ կրնայ կաթիլ մը խմել, կրնայներշնչումի ծաղիկ մը քաղել: Ցորչափ մենք կ'կծկուինք, կ'քաշուինք անձնասիրութեան ինքնահած ցանկապատին ետեւ, ուր ոչինչ կ'տեսնենք, ոչինչ կ'զգանք, ոչինչ կ'խորհինք, մեր բաժինը պիտի ըլլայ այնքան դատարկ, այնքան ունավն որ ամբաւ դարերը բաւական պիտի չժուռին մեզի, ու մեր զանգատը ժամանակին կարճութեան դէմ վերջ պիտի չունենայ: Երբ հոգին կ'մրափէ, ժամանակին ամենէն երկայն հոսանքը վար պիտի թափի արագաբար, եւ մենք պիտի հաշուենք սոսկ նուազիլը տարածութեան կեանքին ու մահուան միջեւ: Ննջող հոգիին կեանքը ամէնէն կարծ կեանքն է այս աշխարհիս մէջ:

ԵՌԱՄԵԱՅ ՅԱԼԻՑԵՆԱԿԱՆՈՒԹԻՒՆՆԸ

Կեանքին մեծութիւնը, ընդարձակութիւնը, վսկեմութիւնը կախում չունին օրի-

րու եւ տարիներու շատութենէն: Մ'եր փութ-
կոտ անհամբերութենէն է որ երբ կ'մօտե-
նանք երկրաւոր կեանքի արեւմուտին,
դառնապէս կ'բողոքենք թէ Աստուած ի զուր
ստեղծեր է մեզ: Ո՞հ, հաւատարիմ, բարի,
սուրբ, օգտակար կեանքի մը օրերը համ-
րանք չունին: Արևել ու լուսնի տարիներով
չեն հաշուուիր: Երկայնութեան գծերը չեն
կարող չափել զայն: Ատենօք աստուածա-
յին կեանք մը մարդկային կերպարանքով
երեցաւ մեր աշխարհին մէջ դերաշխար.
հիկ լուսաւորի մը պէս, որ եկաւ փայլեցաւ
մեր հորիզոնին վրայ: Այլ խաչին ստուերը
այնքան շուտ ինկաւ անոր վրայ, որ կեան-
քերու ամէնէն ունայնը կրնար համարուիլ
մեր չափերով ու հաշիւներով: Սակայն մէկ
երկու տասնեակ ամիսներու մէջ սիրոյ եւ
ցաւերու յորդ զեղումներով մարդկային
պատմութեան բոլոր դաշտերը թրջեց: Ո՞վ
աւելի երկար ապրած է ու պիտի ապրի
քան զԱնիկա: Հազիւ եռամեայ շրջանի
մը մէջ անվերջ յաւիտենականութիւն մը
ապրեցաւ նա:

Մօտ գացէ՛ք Անոր, որ բոլոր դարերը
կ'պարփակէ իր մէջ, որուն բայերը ժամա-
նակ չ'ունին, որուն միակ մակբայն է միշտ,
որուն բառգրքին մէջ «անակնկալ»ը գոյու-
թիւն չ'ունի: Անոր կցեցէ՛ք ձեր կեանքը՝
մինչեւ որ մէկ վայրկեանը «հազարամեայ»
մը արժէ, եւ վաղանցուկ ժամը մեծ հոգիին՝
ըլլայ աւելի երկարատեւ քան սկզբիկ հո-
գիներուն յաւիտենականը: Թող կեանքդ
դպչի այդ ապրող Յաւիտենականին՝ այն-
պէս որ ժամանակագրական հաշիւներով՝
կարձ ըլլայ այն կամ երկայն, քու մէջ սկսի
այն կեանքը, որ գեր ի վեր է բնութենէն ու
ժամանակներու հասողութենէն: Պահէ՛ հո-
գիդ մաքուր, զգայունն՝ Աստուծոյ սիրոյն, եւ
ընդունակ՝ Հոգիին ներկայութեան, ու քու
մէջ ոչինչ կ'մեռնի հողին բաժինէն զատ:
Ունայնութիւնը ժամանակի տեւողութենէն
չի բղխիր: Ունայնութիւնը քու մէջ է: Թօ-
թափէ՛ զայն, ու հազի՞ր յաւիտենականու-
թիւնը: Մի՛ վհատիր եթէ յուսախաբութեան
գաղտնի խարակներուն վրայ փշուած է
արդէն բարոյական կեանքիդ նաւը: Ժողվէ՛
ցրուած բեկորները, վերաշինէ՛ ջախջա-

խուած նկարագիրգ: Ուշ չէ: Բարին ապրելու
ժամանակամիջոցին մէջ ուշ չ'կայ: Սկսէ՛
հաւատալով Աստուծոյ լոյսին: Հոգեւոր հա-
ւատքին կեանքը սկսող է ու ոչ՝ վերջացող,
ծնող է ու ոչ՝ մեռնող: Սկսէ՛ ապրող կեանքը,
տեւական կեանքը, նոր կեանքը նոր Տա-
րիին հետո: Սկսէ՛:

ԾՆՈՒՆԴ

Ա Ս Տ Ո Ւ Ա Ծ Ա Յ Ա Յ Տ Ն Ո Ւ Թ Ի Ւ Ն (1)

Մեր մոլորակն հանդիսաւես եղա՞ծ էր եր-
բէք անցքի մը այնքան յուզիչ, այնքան բա-
նաստեղծական, այնքան իրական ու այնքան
հոգեւոր, քան այն եղական, հրաշափառ
գէպքը, որ կոչուած է Աստուածայայտնութ-
իւն: Երկիրն ունկնդրա՞ծ էր երբէք Աստու-
ծոյ երաժշտութեան, լսա՞ծ էր «Երկնային
զօրաց բազմութեան» յաւիտենական երգը
—«Փա՛ռք ի բարձունս Աստուծոյ, յերկիր խա-
ղաղութիւն, ի մարդիկ ի հանութիւն»:

Ի՞նչ խլրտում վերը, երկնքի մէջ, ու
ի՞նչ խռովք, վրդովում վարը, երկրի վրայ,
Ո՞ւր կ'երթան

ԴԱՇՏԻՆ ՀՈՎԻԻՆԵՐԸ

Ո՞ւր թողած են իրենց հօտը, եւ ո՞վ կը
փնտոեն զիշերանց գեղէ գեղ անցնելով եւ
դուռ դուռ թափառելով: Օ՛հ, հովիւնե՞րն են

(1) Գրուած՝ Յունվար 18, 1901:

անոնք՝ թէ մարդոց աննշան, հասարակ դա-
սերը, որ ի խնդիր են Փրկչի մը, որ է միակ
կարօտութիւնը, լրացումը ու ակնկալու-
թիւնը անոնց:

Եւ ովքե՞ր են

ՄՈՒԵՐԸ

Անոնք՝ որ Արեւելից ճեռաւոր ծայրերէն
աստեղագիտական լոյսերու առաջնորդու-
թեամբ կ'քալեն զիշերավ ցերեկով, ու մէկը
կ'փնտուեն: «Ո՞ւր է նա, ո՞ւր է», կ'հարցնեն
Մոգե՞րն են այս յամառ հետապնդողներն
թէ նոյն իսկ իմաստութիւնը: Մոգերը չե՞ն
միթէ ներկայացուցիչները իմաստութեան:
Անոնք իրենց փնտուուքով չե՞ն հոչակեր
թէ բոլոր զիտութիւնը, բոլոր փիլիսոփա-
րութիւնը կ'առաջնորդուին Քրիստոսով ու
կ'առաջնորդեն Քրիստոսի, ինչպէս բոլոր գե-
տերը կ'երթան, կ'թափին ծովը: Աստօւած
կ'պաշտուի ամէնուրեք, ու նաեւ զիտու-
թեան վեհապանծ տաճարին մէջ:

Եւ է՞ր կ'փնտուեն անոնք այդ երկինքի
ծնունդը — «Բանզի ... եկաք երկրպագանել
նմա»:

Եւ ահա այլ ոք եւս չերովդէս անուն, որ
իրեն կանչելով մոգերը, կ'ըսէ անոնց, «Եւ

ես եկեալ երկրպագից նմա» — երկու հա-
կընդէմ ներկայացուցիչներ երկրպագու-
թեան, կեղծ ու ճշմարիտ:

Ո՞րն է կեղծ երկրպագութիւնը: Հարցու-
ցէք չերովդէսի — Խանձարուրքին մէջ մա-
հացնել անմահը:

Եւ ովքե՞ր են

ՄՈՒՏ ԵՐԿՐՊԱԳՈՂՆԵՐԻՆ

Այն քրիստոնեաներն՝ որ յանուն Սուրբ
Ծննդեան կ'փառաբանեն իրենց յոռի եսը,
ու կ'մարեն հոգիին լոյսը: Անոնք՝ որ կ'ծուեն
իրենց մարմինը Անոր առջեւ, այլ ոչ սիրտը.
անոնք՝ որոնց բերնին մէջ կ'օրհնուի Քրիս-
տոս, այլ կ'անպատուուի, կ'անարգուի ի-
րենց վարմունքին մէջ. անոնք են կեղծ
քրիստոնեաներն, սպաննիչ երկրպագող-
ներն Քրիստոսի:

Եւ որո՞նք են

ՃԵՄԱՐԻՏ ԵՐԿՐՊԱԳՈՒՆԵՐԻՆ

Հարցուցէք մոգերուն — «Եւ բացեալ
զգանձս իրեանց, մատուցին նմա պատա-
րագս ոսկի, կնդրուկ եւ զմուռս»: Անոնք՝ որ
կ'բանան իրենց սրտի գանձերը, կ'նուիրեն
իրենց ամէնէն թանկագին ընծաները, կ'զո-

հեն իրենց եսասիրութիւնը, սնափառութիւնը, իրենց պաշտած կուռքերը, ու բարոյական պատարագին հետ նաեւ՝ նիւթականը: Ճշմարիտ աղօթքն է՝ վրցնել սրտէն ու տալ Աստուծոյ, եւ տալ կարօտին, բան մը խլել մեր հաճոյքէն, մեր երջանկութենէն, կորզել մաս մը մեր հարազատներուն վայելքէն եւ նուիրել որբին, սրբել արցունքը խեղճին, հացը ըլլալ անօթիին, կերակուրը դասնալ այլոց: Նուիրել, ընծայել, պատարագուիլ — ահա՛ ճշմարիտ, անկեղծ երկրպագութիւնը:

ՅԱՅՑՆՈՒԹԻՒՆԸ ԵՒ ՅԱՅՑՆԻՋԸ

Քրիստոնէութեան ամէնէն յատկանշական, ինքնուրոյն գերազանցութիւնը կ'կայանայ սա զարմանալի իրողութեան մէջ՝ որ այն չի ներկայացներ սոսկ յայտնութիւն մը գերբնական, այլ ցոյց կուտայ նաեւ գերագոյն Յայտնիչը, կ'բերէ պատգամն ու միանգամայն պատգամատուն: Ո՞վ բերաւ հաղորդեց Աստուծմէ դրկուած բանը — նոյն իսկ Բանը, «Ի սկզբանէ էր Բանն... եւ Աստուած էր Բանն»: Աստուծոյ յայտնութիւնն ու յայտնողը միեւնոյնն էր: Քրիստոնէութեան յայտնութիւնը, ու միայն Անոր յայտ-

նութիւնը կոչուած է «Աստուածայայտնութիւն»:

Յիսուս Քրիստոս, որ Ս. Աւետարանին յայտնութիւնն է, ըստ, «ԵՍ ԵՆ ԵՄ»: Խօսքն ու խօսողը, յայտնութիւնն ու յայտնողն Ինք էր: Ինք իրեն համար միայն կ'վկայէր: Նա չըսաւ. «Ես ճշմարտութիւնը կ'խօսիմ», այլ՝ «Ես Եմ ճշմարտութիւնը»: Ո՛հ, ասոր պէս ճշմարտութիւն չի կայ. ասոր պէս խօսք կամ յայտնութիւն տրուած չէ: Մեր ընդունածը կրօնական սկզբունք, հաւատալիք, դաւանանք կամ վարդապետութիւն չեն սոսկ: Մեր պաշտած յայտնութիւնը ինքն է, նոյն իսկ Յայտնողը: Փա՛ռք Աստուածայայտնութեան:

ԱԻԵՏԱՐԱՆԻՆ ՀՐԱԵՔԸ ԵՒ ՀՐԱԵՔԻՆ Ա.ԻԵՏԱՐԱՆԸ

Աստուծոյ յայտնութիւնը Ծնունդն է, յայտնութիւնն է Քրիստոսի անձին: Ո՛հ, ո՞վ է Ան: Աւետարանին ստեղծած, յօրինած հրաշքն է: Բայց նոյն իսկ հրաշք չէ՝ Աւետարանը — այս զարմանալի, անօրինակ, աննման գիրքը, որ արժանապէս կ'կոչուի Գիրքը՝ գեր ի վեր ամէն մտքէ, ամէն յղացումէ, ամէն երեւակայութենէ: Ո՞վ ըրաւ այս անհուն յայտնութիւնը, ո՞վ արտադրեց

այս գերբնական, գերերկրային ու գերսրկային ապշեցուցիչ հեղինակութիւնը; ո՞վ գործեց այս աւետարան հրաշքը; Բայց եթէ Ան միայն՝ որ պատմուեցաւ անոր — Աւետարանին — մէջ. Ան, միայն Ան, որ յայտնեց զայն, յայտնութեանց յայտնութիւնը:

Զէք հաւատար Աւետարանին պատմած հրաշքներուն: Մի՛ հաւատաք: Բայց ի՞նչ պիտի ըսէք, կ'աղաշեմ, այն հրաշքին, դոր ո՛չ Աւետարանը կրնայ յդանալ, ծնիլ, եւ ո՛չ ուրիշ զօրութիւն մը, եթէ ոչ Ան՝ որ նոյն իսկ հրաշքն է: Հրաշք մ'է նա, հրաշալի հրաշք մը, որուն հրաշագործն միայն նոյն ինքն կրնայ ըլլալ: Ո՛հ, Ի՞նք, Ի՞նք, այդ մարմին եղած հրաշքը, այդ գաղտնեաց գաղտնիք կեանքը, Աստուծոյ ամէնէն խորունկ իմաստութեան ու իր հոգւոյն ամէնէն գերազանց զեղեցկութեան յայտնութիւնը: Կարելի է մերժել առանց Քրիստոսի՝ բայց հրաշքներով լի Աւետարան մը, այլ առանց հրաշքի՝ սոսկ Տէր Յիսուսի գերահրաշ կեանքը ներկայացնող մատեան մը իմ սրբազան Աւետարանս պիտի ըլլար:

ՅԱՅՏՆՈՒԹԵԱՆՑ ՅԱՅՏՆՈՒԹԻՒՆԸ

Բոլոր տիեզերքներուն, բոլոր երկինք-

ներուն ու երկիրներուն ամէնէն մեծ ու մեծափառ յայտնութիւնը, բոլոր յայտնութեանց յայտնութիւնն է Ծնունդն Որդւոյն Աստուծոյ, Աստուածայայտնութիւնն է այնտեղիւղածութեամբմօտեցէք Բեթլէհէմի այրին, ուր նորածին մը մարմինով կոյս, սըստով կոյս, հոգիով կոյս կնոջ մը զրկին մէջ կ'մրափէ դողահար: Ո՞վ ծնունդ տուաւ ու պատեց այդ խանձարուրքին մէջ երախայ մը, որ նաեւ «Անպարազրելի»ն է, մանկիկ մը, որ նաեւ լոյսն է, պղտիկ անձնաւորութիւն մը, որ նաեւ մեծութիւնն է, ճշմարտութիւնն է, ու կեանքն է:

ԱՐԵՒՆԵՐՈՒԽՆ ԱՐԵՒԽԸ

Ու տակաւին չ'պիտի՝ հաւատաք թէ «Փառք Տեառն ծագեցին», թէ լոյսը իջաւ հոն, Անոր վրայ, լոյս ընդունելու Անկէ, թէ հրեշտակաց խումբեր եկան ու երգեցին երկինքի հրաշակերտ, նոր մեղեղին — «Փա՛ռք ի բարձունս Աստուծոյ»: Մօտեցէք Անոր, ու տեսէք որ արեւներուն Արեւին կ'մօտենաք, ու կ'այրիք: Հպեցէք այդ մանկան, ու պիտի գոչէք — «Ահա Աստուծոյ Գառը, ահա Մեսիան, ահա Ինք, յաւիտենական Անծանօթը, յայտնուած Աստուածը»:

Եւ հարցուցէք, «Ինչո՞ւ յայտնուեցաւ Ան»:
Ինչո՞ւ

ՄԱՐԴԱՅԱԻ ԳԵՐՄԱՐԴԿԱՅԻՆԸ

Մարդ անօգնական էր, կ'կորսուէր: Նա կարող էր կորսնցնել ինքզինք, այլ ոչ երբէք փրկել: Կը կարօտէինք կեանքի մը, որ կարող ըլլար փրկել մեր բարձրագոյն կեանքը: Ու, փա՛ռք Աստուծոյ, այդ կեանքն յայտնուեցաւ մեր մէջ յանձին «Որդոյն Մարդոյ»: Նա կատարեց արդարութիւնը, զոր մենք չէինք կարող կատարել: Նա, ինք Մարդն, հնազանդեցաւ իրեն, եւ Անով մենք հնազանդեցանք, զի այդ «մարդ»ն մենք էինք: Անա այս կերպով Անիկա եղաւ

ՄԵՐ ԱՐԴԱՐՈՒԹԻՒՆԸ

Ի՞նչ որ Քրիստոս ըրաւ փոխանորդութիւն մը չէր միայն: Մենք արդար չհամարուեցանք, այլ արդարացանք: Անոր սքըսութեամբ սուրբ չի համարուեցան մեր պիղծ սրտերը, այլ սրբուեցան, վերանորոգուեցան: Ու այս ամէնը տեղի ունեցաւ սոսկ հաւատքով: Քրիստոս մեր արդարութիւնը եղաւ հաւատքի միջոցով: Կ'հաւատա՞ս: Թէ որ հաւատաս, կ'փրկուիս, կ'սրբուիս, կ'ար-

դարանաս, կեանք կ'ստանաս — կեանք՝ որ կ'կոչուի «յաւիտենական կեանք»:

ՔՐԻՍՏՈՍ ՄԱՐԴԸ

Կ'ըսես թէ «Մէկը չի կրնար ապրիլ Աւետարանի ողիով, Քրիստոսի կատարեալ կեանքին համանման»: Ճշմարիտ է: Բայց ահա ամենակատարեալ էակը, որ կուգայ կ'ընակի քու մէջ, կ'ըլլայ նոյն իսկ մարդը ու կարելի կ'ընէ ապրիլ իր կեանքը: Եթէ ընդունինք Զինք — չէ թէ զմեղ — իբր մեր Փրկիչը, եթէ փարինք իրեն, յուսանք, ապակինք, հաւատանք իրեն, պիտի ապրինք իր մէջ: Եթէ մեզ ցոյց կը տրուի ելլել ամէնէն անմատչելի բարձունքները հոգեւոր աշխարհին, Անոր թեւերուն վրայ կ'թռչինք, կ'ելլենք մինչեւ երկինք: Մեր մեծագոյն թշնամին եսն է, եւ ահա մեծ ԵՍ մը — Քրիստոս մարդը — կուգայ ու կ'գըրաւէ անոր տեղը, ու մեզ կ'կարողացնէ ապրիլ իրեն նման:

Փա՛ռք մեր Աստուծոյն զի մեզի յայտնուած Աստուածը միայն արքայութեան, երկինքի Աստուածը չէ, այլ նա է մեր

ԿԵԱՆՔԻՆ ԱՍՏՈՒԱԾԸ

որ հոս մեր հետ կ'երթայ կեանքի մութ

ճամբաներուն մէջ, մեզ մինակ չի ձգեր մեր
հոգեւոր ճակատամարտներուն մէջ։ Ոչ ալ
միայն բնութեան Աստուածն է Սն, բայց
Աւետարանով յայտնուած Աստուածն Բեթ-
լէհէմի տղան է, Դաւիթի քաղաքին մարդը,
մեր բարեկամն է, բաժանորդն է մարդուն
ճակատագրին։ Սն կ'ընակի մեր ցաւերուն,
խոցերուն, յուզումներուն կեդրոնին մէջ,
կը մասնակցի մեր մեղքերու ցաւին, պա-
տիժին ու դատապարտութեան, վերջա-
պէս մեր մահուան։ Կը կենակցի մարդուն
հետ։ Սնոր անունն է Էմմանուէլ—Աստուած
մեզի հետ ու, ի՞նչ կ'ըսեմ, մարդուն
մէջ — «Բանն մարմին եղեւ եւ բնակեաց
ի մեղ»։ Կը կնեցէք, ուրեմն, բարձրագուչ
հռչակեցէք հրեշտակներուն տուած

ՄԵԾ ՈՒՐԱԽՈՒԹԵԱՆ ԱԽԵՏԻՍԸ

Ըսէք թէ անտեսանելի, անմերձենալի Աս-
տուածը մարմին եղած է, մանկացած ու մար-
դացած է որ աներկիւղ իրեն դիմեն պըզ-
տիկները ու մեծերն, աղքատները ու հա-
րուստներն, ծառաներն ու տէրերն, որ մա-
նաւանդ իրեն դիմեն վիրաւորուած, խոց-
ուած սրտերն, բոլոր անյօյս մեղաւորներն,
ինկած, կորսուած հողիներն, ու բոլոր

մարդոց անարժաններն, ու նաեւ անօթի-
ներն ու ծարաւներն՝ արդարութեան, կեան-
քի եւ փրկութեան։ Քարողեցէք թէ մեր
գիրկը ինկած է Մանուկ մը — Աստուածոյ
ամենաթանկ պարզեւը, որուն պղտիկ ձեռ-
քին մէջ կայ պղտիկ բանալին ամէն սրտի,
ամէն փակ դրան։ Բաէք որ կառչին Սնոր։
Ո՞հ, գրկեն, սիրեն վինք, քանզի Սն փառքն
է, սէրն է, արդարութիւնն է, փրկութիւնն
է, լոյսն է, ու աղբիւն է ամէն բարու-
թեան, ամէն շնորհքի եւ օրհնութեանց։

ԻՄ ՍԻՐԱԿԱՆՍ ԻՄՍ Է

Ո՞հ, ալ չեմ փախնար, չեմ քաշուիր
իրմէ։ Իմ զլուխս, իմ մեղապարտ, յոզնած
զլուխս, իր բարախուն լանջքին վրայ կը
զնեմ, իմ արցունքս Սնոր զրկին մէջ կը
թափեմ, իմ բեռներս Սնոր ուսին վրայ
կ'բարդեմ, իմ թշուառ անձս Սնոր ծով
անձին մէջ կ'նետեմ։ Սն իմս է — «Իմ սի-
րականս իմս է ու ես իրն եմ»։ Ինք ինծի
պէս եղաւ, իմ փուշերովս խոցուեցաւ, իմ
մեղքերովս զարնուեցաւ, իմ պատիժովս
դատապարտուեցաւ։

Ուրեմն թրթուացնենք Վիքթօր Հիւկոյի
բամբիոին ամէնէն աւետարանաշունչ մէկ

թելը — «Ո՞վ լացողներ, եկէք այս Աստուածոյն որ կուլայ: Դուք, ո՞վ ցաւած՝ մարդեր, եկէք իրեն, զի ինք ցաւ քաշեց: Ո՞վ դոդու ջուն վարանուներ, եկէք, զի Ան ողորմութիւն կ'պահէ: Եկէք դուք ամէնքդ՝ որ կ'մեռնիք, զի Ան կ'ապրի»

Ու, մանաւանդ այսօր, ուժգին հնչեցը նենք մեր սրբազն բանաստեղծին, մեր Ս. Եկեղեցւոյ երկնազեղեղեղ սոխակին, հոգետաւիդ քնարը: Եկէք միաբերան երգենք մեծ եւ սքանչելի խորհուրդին մեծ եւ սքանչելի երգը —

«Խորհուրդ մեծ եւ սքանչելի,
Որ յայսմ աւուր յայտնեցաւ . . . : »

ԾՆՈՒՆԴ

Մ Ո Գ Ե Ր Հ
Կ Ա Մ

ԱՆ Ծ ԱՆ Օ Թ Ճ Ա Մ Բ Ա Ն (4)

Երեք ականաւոր անձեր, 19 դար առաջ, Արեւելքի հեռաւոր ծայրերէն երկար ճամբորդութիւն մը կատարեցին: Հոչակաւոր Անտոէի բեւեռախուզական արշաւանքին չափ դժուարին, արկածալից ու յանդուզն ձեռնարկ մ'էր այս նոյն դարուն մէջ: Քանի մը ամիսներ դէպի Արեւմուտք անձանօթ երկիրներ պիտի թափառէին նորածին Մանկիկ մը գտնելու համար: Շատ տարտամ, անորոշ նշաններու վրայ կը հիմնէին խոշոր ու վտանգաւոր ծրագիր մը: Լսողը վրանին խնդաց: Անոնց իմաստուն բարեկամները լրջօրէն համոզեցին ետ կենալ այսպիսի երազային, ցնորական խորհուրդէ մը: Գոնէ անստոյդ չըլլար ճամբանին: Անձանօթ

(1) Գրուած՝ Յունվար 18, 1902:

Երկրի մէջ, անծանօթ մըփն տռել, անծա-
նօթ ճամբով — ի՞նչ անտրամաբան գործ:

ՑԱՄԱՐ. ՄԱՐԴԻԿԸ

Անդրդուելի մնացին իրենց համոզումին
մէջ: Ելան, գացին ուղտերուն ծանրաշարժ
ընթացքով: Հին օրերու մէկ նահապետին
պէս կ'երթային ու չին գիտեր թէ դէպի
ո՛ւր կ'երթային: Երկայն էր ճամբան, անա-
պատներ կտրեցին, անցան: Ամիսներույող-
նութեանց, տաժանքներու, յուսախաբու-
թեանց շարքին մէջ ամէնէն ծանրը ու վեր-
ջինը տեղի ունեցաւ իրենց ակնկալութեանց
լրման մէջ: Քանզի, վերջապէս, եկած ին-
կած էին երուսաղէմ, Հրէութեան կեղրոնը,
բարբիներու, դպիրներու, օրինաց վարդա-
պետներու բնավայրը: Հոն կ'յուսային աչ-
քերնին գոց գտնել փնտուածնին: Այլ հոն
էր որ իրենց յոյսերը կ'լորտակուէին: Աղ-
բերին դիմած՝ այլ ցամքած գտեր էին
զայն: Իրենց հարցումներուն ի պատասխան
ամէն մարդ ուսերը թոթուելով կ'անցնէր,
կ'երթար: Խեղճ, շուարած մոգերը քաղա-
քին հրապարակներուն մէջ մինչեւ երեկոյ
դէմերնին ելլողին նոյն հարցումը կ'ուղ-
ղէին — «Ո՞ւր է որ ծնաւ Արքայն Հրէից»:

որուն իբր պատասխան կ'ընդունէին չոր
ծիծաղ մը դառն հեգնութեան, կամ արհա-
մարհոտ լուոթիւն:

ԱՊՈՒԵՆԵՐ

— Դո՞ւք էիք միայն աշխարհի խելացի-
ները. ո՞վ ըսաւ ձեզի թէ Խորայէլի մէջ
Մեծ մը ծնած է: Ետ գարձէք, ետ. չարա-
չար խարսուածէք, ո՞վ առաջնորդեց ձեզ հոս:

— «Բայց մենք Անոր աստղը տեսանք»:

— Ա՛ստղը. ուրեմն երկինքի անկեղու,
անխօս մէկ լուսաւո՞ը բերաւ, հանեց ձեզ
հոս տեղ: Հէ՛, մեղք որ մոգեր էք, ու աստ-
ղաբաշխութիւն ուսած էք: Աստղը իր սո-
վորական ընթացքը չի փոխեր: Բնութեան
օրէնքին մէջ շեղում չի կայ: Երեւակայա-
կան է այդ տեսիլը: Բնւեռին աստղն է մի-
այն, որ ցոյց կուտայ նաւորդին ճամբան
հեռաւոր ջուրերուն վրայ, բայց Բեթլէնէմ
տանող աստղ չի կայ երկնակամարին վրայ:
Գիտութիւնը գտած չէ, յայտնած չէ զայն:

Սակայն մոգերն իրենց սրտի հորիզոնին
վերեւ կ'տեսնէին ուրիշ

ԼԱՅՍ ՄԸ

Հոյն Աստղը խորհրդանշող: Այս լոյսը

կ'առաջնորդէր զանոնք, ու իրենք կը շարու-
նակէին խուզարկումը, մինչեւ տարածայ-
նութիւնը ընդարձակուելով Հերովդէսի պա-
լատը հասաւ, ուր կատարուած խիստ քըն-
նութիւն մը ստոյգ իրողութիւնը երեւան
բերաւ Բեթլէհէմի լոյսը խաբած չէր զա-
նոնք, Յաղթանակը այն ոգիինն էր, որ
աշխարհ կ'կոչէ

«ԿՈՅՐ ՀԱԽՍՔ»

Կոյր հաւատք. այո՛, քանզի այն կ'եր-
թայ, կ'քալէ անծանօթ միջոցին մէջ, ուր
զիտութեան լոյսը իսկ կանգ կ'առնէ: Զի
զիտութիւնը ոտք չի դներ մինչեւ չի տեսնէ:
Հաւատքը կ'յառաջանայ մութին մէջ: Գի-
տութիւնը հետքեր կ'փնտոէ կոխել անց-
նելու համար. մինչ հաւատքը ձեռքի մը
մէջ կ'դնէ իրենը, կ'յանձնուի անոր որ
զինք կը քշէ, կ'տանի ոտք չի դպած բար-
ձունքներու վրայ: Գիտութիւնը կ'ուզէ ճամ-
բուն միւս ծայրը տեսնել, ապա քա-
լել: Սակայն իր լուսով քալելու մարդուն
փառասիրութեան հանդէպ Աս տուծոյ մէ-
թուն է առաջնորդել այն ճամբաներուն
մէջ զորս միայն ինք զիտէ: Մարդ դըժ-
կամակ է վստահիլ հաւատքի ձեռքին: Զի

խուզարկուած գետնի վրայ ոտք դնել չ'ու-
զեր: Շանթի ճախրանքներով կ'փախչի հա-
ւատքի տիրապետութեան սահմաններէն
դուրս: Կ'խորշի, կ'խուսափի չի տեսնուած,
չի հետազօտուած ապագայէն: Ինչո՞ւ զբա-
ղիլ, կ'առարկէ ան, այնպիսի գործերով որք
կ'կոչուին

«ԱՆԴՐԵՒՐԻՄԵԱՆ»

Ինչո՞ւ տագնապիլ ապագային համար,
զոր չենք զիտեր: Բաւ է այս օրուան
հոգը. հանգերձեալը թող իրեն համար հո-
գայ: Թող տուէք որ ապրինք ներկային մէջ,
զոր կ'ձանչնանք, կ'հասկնանք: Բաւական չէ՝
որ այս կեանքի չարիքները դարմանենք,
բարիքները վայելենք: Լաւ չէ՝ որ առող-
ջութեան, արուեստի, մտքի, բնութեան օ-
րէնքները սերտենք, զիտութիւնը մշակենք,
որոնք փորձով զիտենք թէ յուսախար չեն
ըներ մեզ, այլ աշխարհ աւելի բարելից ու
ընակելի կ'ընեն: Ներկայ ժամանակը փոխել
ապագային հետ, որ ծածկուած է մեր աչ-
քերէն, ուրիշ բան չէ բայց միայն զոհել ծա-
նօթը նուազ ծանօթին կամ անծանօթին: Ու
վնասել չէ՝ այս ներկայ հարցերու լուծման,
գործերու յաջողութեան. վրդովել չէ՝ մար-

դուն անդորրութիւնը: Թողէք չի տեսնուած
իրերը. ետ դարձէք չի կոխուած, ան.
յայտ ճամբաներէն: Մի վատահիք հաղիւ
նշմարելի լուսաւոր կէտի մը, որ Բեթլէհէմի
աստղ կ'կոչուի, եւալին:

ՀԱԻՍՏՔԻՆ ՓԻԼԻՍՈՓԱՅՈՒԹԻՒՆԸ

Այս շոնդալից փիլիսոփայութեան ըսե-
մք կա՞յ: Միայն թէ նախ՝ որ հաւատքը
ըսած չ'ունի, «Ի՞նչ որ ձեռքդ ունիս նետէ»,
ու աչքերդ անկէ՛ հետին մի միայն անտե-
սանելի կէտի մը»: Հաւատքին քարոզած
փիլիսոփայութիւնը այս է — ահա ժամա-
նակը, ահա աշխարհը. գործէ՛ քանի որ ցո-
րեկ է. բնչ ծառայութիւն որ կ'պահանջէ
գարը, կատարէ՛ հաւատարմութեամբ: Ժրու-
թեամբ գործէ՛. գործը ո'չ ներկայ ունի, ո'չ
ապագայ: Գործի տաճարին մէջ ո'չ ներքին
գաւիթ կայ, ո'չ արտաքին: Այս օրուան
գործունէութիւնը, սէրը ու արցունքը, ա-
մէնն ալ վաղուան ու յաւիտենականութեան
կ'վերաբերին.

ԾԱՆԾԱՂ ՏՐԱՄԱԲԱՆՈՒԹԻՒՆԸ

Ու յետոյ իրա՞ւ է թէ հաւատալով ու
մտածելով հանդերձեալին վրայ՝ մեր ներ-

կայ զբաղումները կ'անտեսուին, այս օր-
ուան պարտքի հաշիւները կ'մնան բաց:
Կ'պատասխանեմ, ո'չ: Հարեւանցի ու ծան-
ծաղ տրամաբանութիւնն է այս նիւթա-
պաշտներուն որոնք, իբր թէ ամուր հիմե-
րու վրայ կոխուած, կ'առարկեն թէ «կրօն-
քին երազները» արգելքներն են աշխարհի
բարւոքումին, թէ «հաւատքին ցնորքը»
պատուար մ'է մարդկային յառաջդիմու-
թեան առջեւ: Այս քարոզութեան ստու-
թիւնը հաստատած են կեանքին իրակա-
նութիւնները եւ ամբողջ մարդկային ցեղին
ու մասնաւրապէս Քրիստոնէական պատ-
մութեան դարաւոր ընթացքը, սորվեցնե-
լով խորունկ փորձառութեամբ թէ եթէ կ'ու-
զէք բարւոքել աշխարհը, շինեցէք մար-
դեր, որոնց սրտերը կապուած ըլլան այլ
աշխարհի մը հետ: Եթէ կ'ուզէք լուսապը-
սակ մը զնել մարդուն զիխուն վրայ, մեծ-
ցնել կեանքը, պէտք է որ զերեզմանին
ցանկապատը քակէք, ու անոր սահմանը
ընդարձակէք մինչեւ հոն, զոր հեգնօրէն
«անդրշիրիմ» կ'կոչէք: Եթէ կ'ուզէք արգի-
լել արհամարհանքը մաքուր կենցաղին դէմ,
անտապբերութիւնը՝ գէպի տկար դասակար-
քը, պէտք է վարժեցնէք հոգին պաշտումի

մը, երկրպագութեան մը Անոր, որ անչափելի կերպով կ'զերազանցէ զինքն։ Եթէ կ'ուզէք որ տունը քնարանէ, բնակարանէ զեր բան մը ըլլայ պէտք է դնել հոն բան մը ու ըսել, «այս է սրբութիւնը»։ Պէտք է հոն, ինչպէս ըսած է ծանօթ եկեղեցական մը, օր մը զատել՝ իբր Աստուծոյ օրը զիրք մը զատել՝ իբր Աստուծոյ զիրքը. մարդ մը կայսեցնել անոր մէջ ու ըսել, «ահա Աստուծոյ մարդը»։

ԿՐՈՆՔԻՆ ՆԵՐՉՆՉՈՒՄԸ

Զկայ բարենորոգում մը քաղաքակութութեան բոլոր ընթացքին մէջ, որ իր ներշնչումը քաղած չըլլայ կրօնական սկզբունքէ մը։ Մարդասիրական հաստատութիւնները հիմնուած չեն զթութեան վրայ՝ սոսկ դէպի մարմինը։ Կ'կարծէ՞ք թէ Միսիս Հէրիւթ Սթօ 19րդ դարուն մէջ հնչող ամէնէն հզօր ձայնը պիտի բարձրացնէր գերեստացութեան դէմ առանց նայելու Ափրիկեցի գերիին կռնծած սեւ երեսէն անդին։ Ո՞վ պիտի յղանար զգաստարանի հաստատումը, բանտերութեափոխումը առանց ոչինչ տեսնելու ոճրագործին կախգլուխ, գողի անբարիշտ ակնարկին ետեւ եւ ի՞նչ գերազրգում պիտի

ունենար գիտութիւնը, եթէ իր գործունէութիւնը շրջափակուէր միայն մարմնեղէն իցերու օգտակարութեանը ասպարէզին մէջ։ Ի՞նչ ներշնչող, բորբոքող կրակ կայ այն գաղտնի, սրբազան հուրէն զատ, քան ծարաւն՝ Աստուծոյ համար։

Դի՛ք մատդ ներկային վրայ ու ըսէ. «ահա ապագան, ահա յաւիտենականութիւնը», ու այդ անմահացուցած ներկադ աւելի կ'պըստիկնայ։ Ո՛րքան փառաբանես, պաշտես մարդուն մեքենական, գործարանաւոր մասը, ոչինչ զաւանելով անկէ վեր, նո՛յնքան կ'ստորնացնես զայն։ Մի՛ ճանչնար ուրիշան անոր շահէն զատ, ու ծանրապէս կը վնասես անոր։ Դիւրին չէ աչքը գոցել, ուրանալ թէ մարմնի սահմանագծէն դուրս խորհուրդ մը կայ ներքին, մեր մտքէն անբաժան՝ որ ոսկի փոշի կ'ցանէ մեր էութեան մէջ ժամանակաւորը կազմող տարրերուն վրայ։ Եթէ միայն նիւթական կազմութիւն մը ըլլայինք, անընդունակ՝ կապ մը բռնելու Աստուծոյ հետ, ի՞նչ զօրութիւն զմեղ դէմ պիտի հանէր, մոնչել, բողոքել, լացնել տար հեշտութեանց խեղդումներուն դէմ։ Դիտեցէ՞ք կեանքին բոլոր երեւոյթները — համբերատար սէրը, համակ-

բութիւնը, կարեկցութիւնը, բոլոր այն ար-
 տայայտութիւնները ծննդեան, ամուսնու-
 թեան, յուղարկաւրութեան առիթներով,
 որոնք մեզի կ'ըսեն թէ ամէն տեղ աւելի
 բան մը կայ քան որչափ մենք կ'տեսնենք:
 Հանեցէ՞ք աստուածային դրոշմը մեր էու-
 թենէն, ու թող ընէ ան ի'նչ բարիք որ
 կրնայ՝ մնացած իրենին համար: Ո՛հ, ըսէք,
 ո՞վ պիտի ազատէ գինք անձնասիրական
 կապերէն: Վերցուցէ՞ք ի'նչ որ հաւատքի
 ճիւղին կ'երթայ, ու տակաւին պահեցէ՞ք
 տունը, սեղանը, գերեզմանը, պատիւր, մաք-
 րութիւնը, արդարութիւնը, դժութիւնը,
 սէրը, եւն, իրը կարեւոր կամ պայմանադ-
 րական տարրեր պարզապէս տնվրդով ապ-
 րելու, մարմինը առողջ պահելու, հանգիստ
 քնանալու, ախորժանօք ուտելու, լաւ մար-
 սելու համար: Ո՛հ, իրա՞ւ է, պիտի գոհա-
 նա՞ք, կրնա՞ք գոհանալ, ով դուք որ մարդ
 էք: Այս է ամէնը. ու այս տեսակէալ թեւ
 պիտի տա՞յ ձեզի կրիայի պատեանէն գուլս
 սիրոյ, լոյսի, մեծութեան հորիզոնները
 թռչտիւ երբէ՞ք: Մենք այս պղտիկ կաղա-
 պարին վրայ թափուած չենք: Մեր բազա-
 գրութեան մէջ խառնուած գոյներ կան, ո-
 րոնք այս երկրին, մեր նիւթին բնիկ չեն,

որոնք մեր կաւերուն օտար են: Խառնուածք
 մը կայ կեանքը ամբազջացնող գոյութեան
 մէջ, զոր կարելի չէ դուրս ձգել առանց
 վլուզում գործելու անոր մէջ:

Ո՛չ, մարդուն ամէնէն բարձրաթռիչներ-
 շնչումները ուրիշ աղբիւր ունին: Աւելի հե-
 ռաւոր նայուածքներն են որ կ'տեսնեն մօ-
 տակայ իրերը: Աւելի լայն, ամբաւութեանց
 եղբերուն դպչող ըմբռնումներն են որ կը
 գեղազարդեն այս աշխարհը, կը ծառայեն
 մարդկութեան ներկային համար: Հակա-
 յաքայլ կոչուած յառաջիւմութիւնը յե-
 տաղիմութեան պիտի փոխուէր, եթէ այդ
 ոգին պակսէր վարիչ ոյժերուն մէջ: Ու
 այն պանծալի ներկան, զոր այնքան սը-
 ղագին կ'արժեցնէք — այդ խնամոտ ձեռ-
 քով մշակուող սահմանաւոր գետինը, այդ
 կտոր մը հողը — եթէ արդիլուի յափտե-
 նականութեան ցօղերէն, չի կրնար ծաղ-
 կեցնել գրախտ մը ու չի կրնար բուսցնել
 պտղալից ծառ մը:

ԱՍՏՈՒԾՈՅ ՃԱՄԲԱՆ

Աստուած կ'տանի, կ'առաջնորդէ մեղ մեր
 գտած, մեր գծած ճամբաներէն տարբեր
 ճամբաներով — իր ճամբով: Ան կ'հասցնէ

մեզ կեանքին բուն վախճանին այլ միջոցներով, որոնք չեն նմանիր մեր մտքէն անցածներուն։ Որո՞նց ձեռքով աւելի ճոխացաւ, փառատրուեցաւ այս աշխարհը — ճշմարիտը խօսելով — քան անոնց ձեռքով որ արհամարհեցին զայն, աչքերնին անդին, հեռին ուղղելով։ Աստուծոյ ուղղութիւնն է այս եւ այս ուղղութեան վստահող ոգին Հաւատքն է։ Աշխարհի ոգին կ'ըսէ — Ապագային խօսքը մի՛ ըներ, ներկան ձեռքէդ չի հանելու համար, նախ խնդրէ՛ այս աշխարհնը, հոգա՛ այս կեանքը, Հաւատքը կ'անդէ հակառակը — նախ խնդրեցէդ Աստուծոյ արքայութիւնը, նախ հոգեւորը, նախ հանդերձեալը, եւ ամէն ինչ պիտի տրուի ձեզի։ Կորսնցուցէ՛ք անձերնիդ ու պիտի գտնէք։ Աշխարհիկ մարդը կ'ըսէ իր խելքով — Կ'ուզե՞ս բարւոքել այս կեանքը, ա՛լ ուրիշ բանի վրայ մի՛ խորհիր. այս է բնական օրէնքը, բանաւոր ճամբան։ Աստուած կ'խնդայ այս ամբարտաւան հայեցումին վրայ, այս ծրագիրը մարդուն զիտութեամբ շինուած՝ ծուէն ծուէն կ'ընէ առաջնորդելով նոյն վախճանին այլ ճամբով, հակառակ, անհաւատալի, մոլար, կոյր, անծանօթ ճամբով — հաւատքի ճամբով։ Աստ-

ուած մարդուն ուշադրութիւնը ուրիշ կողմ դարձնելով, ուրիշ զբաղումներ տալով անոր, աւելի հեռին քշելով զանիկա, կ'տանի նպատակակէտին։ Սնիկա կ'նետէ մեր զիրկը իր գործը, ցոյց կուտայ իր անդրաշխարհիկ դաշտը — հոս գործէ, կ'ըսէ, քումիտքդ, սիրտգ կեղրոնացու'ր իմ բաներուս վրայ. «վերի բաները մտածէ՛»։ Ու միւս կողմէ ինք կ'աւարտէ այն գործը որ ներկայինը կ'կոչուի։ Այս է Անոր տնտեսութեան սկզբունքը։ Վայելելու համար նոյն իսկներկային բարիքները, պէտք է հետապնդենք հեռաւոր բարիքները։ Պէտք է նայինք հեռակայ լուսաւորին, գտնելու համար ծնած բարիքը երկրի մէկ խորշին մէջ։ Աստուծոյ գծած ճամբան է այս — անծանօթ ճամբան հաւատքին — որ կ'ապշեցնէ մեզ մեր խորոնկ հաշիւներուն մէջ, որ մեզ կեանքի էն ճակատագրական կոռուին մէջ լքած, ալիքներու յիմար քմայքներուն յանձնած, կ'ներկայանայ իր անքննելի, գաղտնի խորհուրդներով։ Բայց անծանօթ ճամբան Անոր ճամբան է։ Ան կ'դողդղացնէ, կ'թրթուացնէ մեր բնութեան թելերը երբ իր հոգին կ'շնչէ, իր աղեղը կ'քսէ, մինչեւ որ հրեշտակային գեղօնները հիւսուին անոնց վրայ։

ԱՆԺՈՂՈՎՐԴԱԿԱՆ ՆԱԽԱՊԱՇԱՐՈՒՄԾԸ

Պատասխանատուութեան զիտակցութիւնը դէպի Ս. Աստուած մը, յարաբերութեան կապ մը Քրիստոսի անձնագոհութեան հետ են այնպիսի զգացումներ որք թէւ ամէն փառասիրական ձգտումներէ զուրկ՝ անժողովրդական նախապաշարուած կոչուցան, բայց անոնցմէ ծնունդ առին մեծագործութիւնները արդի քաղաքակըրթութեան: Ո՞վ կրնայ այնքան նուիրագործել անհատը, բարձրացնել զայն իր կարեւորութեան լրումին, որքան այն առանձին, լոիկ, դադունի, անմահ հաղորդակցութիւնը, որ կ'հաստատուի իւրաքանչիւր հոգիի եւ ամէնուն չոգիին միջեւ: Ըսէ՞ք, սակայն, ի՞նչ վնաս հասցուցեր է այս զգացումը կեանքին: Այս ոդին ի՞նչ ըրաւ աշխարհին. մարդը զատե՞ց մարդէն, ընկերը բաժնե՞ց իր ընկերէն, արդարը երեսը առաւ, փախա՞ւ մեղաւորէն, ընկերութիւնը տարտամց՞ւց, տարտղնե՞ց: Բարոյական, քաղաքական ո՞ր կազմակերպութեան դպաւ: Այս յարաբերութիւնը բարձրագոյն էակի մը հետ՝ ե՞րբ կտրատեց ընտանեկան, ընկերական եւ այլ օրինաւոր յարաբերութիւն մը: Ինքինք անհուն Աստուծոյ պատաս-

խանատուութեան ենթարկող մը տեսե՞ր էք որ մարդկային ամէն անհրաժեշտ պատասխանատուութիւն նետեր է վրայէն: Ըսկհակառակն, նոյն զգացումն յառաջ բեր է ամէնէն սերա համերաշխութիւնը, ամէնէն քաղցր դաշնակցութիւնը մարդոց միջեւ: Թող աշխարհ չ'ուրանայ որ ամէնէն հաւատարիմ ծառայութիւնը իրեն մատուցեր են Եկեղեցին կազմող «անժողովրդական նախապաշարեալները: Ո՞վ ամէնէն աւելի զարկեր, յաղթեր է ինքնապաշտութեան դեւը, դուրս նետեր է մարդէն անձնասիրութեան չար ողին: Ո՞վ գործեր է այնքան հրաշք ներսի աշխարհին մէջ մարմինին, այսահարներ խելօքցնելով, մոլութեան գերեզմաններէն մեռելներ յարուցանելով: Ո՞վ վերէն կրակ իջեցուցեր է, անձնուիրութեան հրձիգութիւնը կատարեր է սրտի սառնամանիքներուն մէջ: Ոչ մէկ շահազրութիւն, կազմակերպութիւն, մեքենական, արուեստական ճիւղ, ոչինչ բոլոր տիեզերքին մէջ երբեք կեանքին կազմութիւնը հիւսած է այնքան ճարտարօրէն, այնքան յաջողապէս ու իմաստութեամբ քան այդ զգացումը — Քրիստոնէական սէրը:

ԿՈՅՔ ՀԱԽԱՏԱԿՈՐՆԵՐ

Խեղճ, կոյր հաւատաւորները սակայն

այսօրինակ բաներու վրայ չի խորհեցան.
ծրագիրներ չի շինեցին այս կեանքի գոր-
ծերուն համար: Այլ անոնք իրենց աչքերը
վերցուցին դէպի երկինք ու անոր Աստու-
ծոյն: Մարզիկ խնդացին անոնց վրայ որ
տեսնուած իրերը չեն տեսներ, ու անտեսա-
նելի մթնոլորտներուն մէջ կ'թեւածեն: Ա-
նոնք, այս կոյր հաւատաքին փարող հան-
դերձեալի զաւակներն, ուրիշ հիմնագծերով
չ'զբաղեցան, այլ մտածեցին մէկ անորոշ
քայլէն յետոյ ուրիշ քայլ մը առնել մութ
տեղը՝ այն ճամբուն մէջ, որով կ'յուսային
վերի Քանանը առաջնորդուիլ: Յանձնուե-
լով անսխալ Առաջնորդի մը ձեռքին մէջ,
անոնք տարուեցան այնպիսի անցքերու
մէջէն, զոր չէին զիտեր, չէին տեսներ,
բայց, զարմանք, անոնց «կուրութիւն»ը—
անոնց հաւատաքը — լոյսը դարձեր էր այս
խաւար աշխարհին: Ընկերութեան ներ-
դաշնակութիւնը, նիւթական բարգաւա-
ճումը, ներկայ կեանքին ամէնէն օգտակար,
շինիչ ու հոյակապ գործերը ծնունդ առած
էին հանդերձեալը յդացող «կոյր» հաւատ-
աքին արգանդէն:

ԴԵՊԻ ԲԵԹԼԷՀԵՄԻ ՄԱՆՈՒԿԻ
Նախախնամութիւնը դէպերու ընթաց-

քը կ'վարէ իր փորած ներքնուղիներէն, ու
ոչ մարդուն ինքնակամութեան կառուցած
հսկայ կամուրջներուն կամ ջրանցքներուն
վրայէն: Հոգիներուն գնացքը կ'կատարուի
հաւատաքի ճամբուն վրայ: Հոգին ուրիշ ճամ-
բայ չունի. անոր ճամբան հաւատաքին ճամ-
բան է: Զի տեսնող կարծուած հաւատաքը
մտքին յայտնութիւնն է, անոր՝ ուրիշ արեւէ
մը ընդունած հզօր լոյսն է: Ո՞հ, սիրտդ բաց
պահէ անոր մուտքին առջեւ: Մի վախնար,
մի՛ մերժեր հաւատաքը: Անոր առջեւէն միշտ
ճշմարտութեան, լոյսի, կեանքի ձիաւոր
սուրհանդակը կ'երթայ: Աստուած իր ճայնը
կուտայ հաւատաքի մառախուղին մէջ: Եթէ
չես սպասեր, բայց հետեւէ երբ հաւատաքը
կ'այցելէ. թէեւ ան քեզ ծոէ արդէն բացուած,
կոխուած, բանուկ ճամբէն, ու տանի, ձղէ
անկոխ աւազներուն վրայ, անծանօթ արա-
հետներու մէջ: Աջ ու ձախ մի՛ խոտորիր,
զնա՛. մի՛ նայիր տեսնելու թէ այլք նո՞յն
ուղիին մէջ են, թէ ո՞ւր կ'երթան ամէն
կողմերնին աչք ունեցող, նորահնար լոյսեր,
ճրագներ բռնող ճամբորդներ: Հաւատաքը
մինակ կ'ճամբորդէ — միայն Աստուծոյ հետ:
Գնա՛. ետեւէդ կանչող ձայներուն դէմխցէ՛
ականչդ: Հետեւէ՛ մեղմ կոչին, որ հակա-

ուակ կողմէն կուգայ: Ու եթէ չի հասնիս
բաղձացեալ դալարագեղ նպատակակէտիդ,
քալէ՛ սակայն. զիտցի՛ր որ Սն պիտի տանի
քուկինէղ տարբեր եւ յոյժ վեր՝ իր տու-
ջադրած նպատակին: Օ՛հ, եթէ Սնոր ճամ-
բան այնքան ճամածուռ, անել թուի, մին-
չեւ աներեւութանայ անծայրածիր տարա-
ծութեանց մէջ, ծածկուի աչքերէդ երբ նոյն
իսկ ոտքդ զբած ես վրան, յառաջացի՛ր
դուն, այդ վայրկենական մթութեան թանձ-
րացումը անոր համար է որ աւելի փառա-
ւոր լոյս մը պիտի ծաղէ հոգիիդ առջեւ:

Քալեցէ՛ք, արևելցի մողեր, արդ «ծուռ»
ճամբան ուղիղ ճամբան է. այդ «անստոյգ»
ճամբան ստոյգ ճամբան է. այդ «անճանօթ
ճամբան» ճանօթ ճամբան է: Քալեցէ՛ք Ս.ս-
տուծոյ ճամբան է այդ, որ կ'ատանի շիտակ
դէպի ԲեթլէջէՄի ՓՐԿԻՉ ՄԱՆՈՒԿԻ:

ՄԵԾ ՊԱՀՔ

Ա Ն Ա Ռ Ա Կ Ի Ն

Հ Ե Տ Ա Պ Ն Դ Ո Ղ Ս Է Ւ Հ Հ

Հայ. Սուրբ Եկեղեցին անդամ մը եւս
կ'կարդայ Աւետարանի այն մասը, զոր անց-
եալ տարի կարդաց, ու շատ դարեր կարդա-
ցեր է եւ պիտի կարդայ ցվերջ նոյն հանդի-
սաւոր շեշտերովը: Կ'կարծէ՞ք թէ տաղտուկ
աղդէ ունկնդիր ժողովուրդին կրկնումը, յեղ-
յեղումը միեւնոյն հատուածին: Կ'սխալիք:
Մէկ երեւելի առանձնայատկութիւնն է այս
Սուրբ Գրքին, զոր կրնանք միշտ կարդալ,
միշտ լսել նոյն ախորժով, նոյն տպաւորու-
թիւններով որպէս թէ բնաւ լսած ու տե-
սած չէինք: Մեր ամէն օրուան սնունդն է
այն, սեր շնչած օդին պէս է, որ չ'հիննար.
Լոյսին պէս՝ որ միշտ նոր է: Քանի՞ անդամ
կարդացեր էք ձեր ամէնէն աւելի սիրած
զիրքը: Մէկէ աւելի կարդացե՞ր էք ձեր
ամէնէն հետաքրքրաշարժ վէպը: Նոյն աշ-
խուժով զիտա՞ծ էք քանի մը անդամ թա.

տերական ներկայացում մը: Միակ Գիրքն
է այս, գիրքերուն Գիրքը, որ միշտ թարմ
է. միակ աղքիւրը՝ որուն կ'զիմենք այնքան
յաճախ որքան կը ծարաւինք: Աւետարանը
չի կարծէք մոմի լոյս մը որ վերջապէս վասի
հատնի: Զէ՛. արեւին լոյսն է այն. ու հոգին
որչափ ատեն որ լոյսի պէտք ունենայ, ա-
նոր մօտ պիտի գայ ու պիտի ընդունի ամէն
բարիք զոր արեւ մը սովոր է տալ:

Ուրեմն չի կրկնե՞նք, մանաւանդ այս
առակը՝ «Անառակին», որ Աւետարանին
ծաղիկն է, երկինքի պարտէզէն քաղուած.
փունջ մը՝ հրեշտակներու ձեռօք կապուած
ու վար ձգուած, միշտ հոտաւէտ, միշտ
գունագեղ ու միշտ թարմ: «Անառակին» —
անհաճոյ անուն մը որ միայն այս Գրքին
մէջ աղուորցած, սիրունցած է. կարծես թէ
բարիցած, սրբացած բան մը դարձած է Ա-
ւետարանի ջուրերուն մէջ լուացուած, սպի-
տակցած, գեղեցկացած դէմքը՝ «Անառակին»:

Պարզ պատմութիւն մէ՛, այնպէս չէ՞,
կամ յաւէտ վիպակ մը՝ առակ կոչուած:
Ուս չէ՞ ամէնը: Ո՛հ, ո՛չ. ի՞նչ որ կ'ընդգըր-
կուի անոր մէջ չի սղմուիր բոլոր աշխար-
հի հատորներուն մէջ: Աւետարանին սոյն
էջը կը ծրարէ իր մէջ Սստուծոյ սիրտը ու

Անոր սէրը — սէր մը՝ որ կ'հալածէ, կ'հե-
տապնդէ յամառաբար՝ կորսուած, մեղաւոր
մարդը. կ'փնտոէ իր սիրելի անառակը, որ
սիրոյ կոիւը կ'մղէ, կ'զօտեմարտի անոր հետ,
ինչպէս Եհովան գոտեմարտեցաւ Յակոբի
հետ: Երկնցած սանդուխէն, խաչի սանդու-
խէն վար իջնելով կ'զրկէ իր մոլորած, իր-
մէն չ'ախորժող, իրմէն փախչող որդին ու
կ'կրկնէ, ի՞նչ որ ժամանակաւ մարգարէի
մը բերնով խօսեցաւ — «Քեզ ի՞նչպէս տամ,
ո՛վ Եփրեմ. քեզ ի՞նչպէս յանձնեմ, ո՛վ Իս-
րայէլ. իմ սիրոս ներսիգիս կ'խռովի, կա-
րեկցութիւններս ալ միանդամայն կ'բռն-
կին»: Ո՛հ, սէրը, այս՝, որ կ'բորբոքի, կ'բը-
ռնկի, կ'պայթի որդիի մը համար, որ ա-
նարժան է, որ չէ «պատուական»: «Միթէ
Եփրեմ իմ պատուական որդին է, կամ սի-
րական զաւա՞կ մըն է. վասն զի քանի որ
ես անոր վրայով կ'խօսիմ, շարունակ զա-
նիկա կ'յիշեմ. աս պատճառով իմ աղիքս
կ'գալարի անոր համար, անշուշտ անոր ո-
ղորմութիւն պիտի ընեմ,» եւն. (Երեմեայ
ՀԱ. 20):

★
★

Նոր չէ՞ այս զաղափարը: Յայտնութիւն
մը չէ՞, ըսէ՛ք: Բժիշկի մը — Ղուկասի —

գրչէն ելաւ այս առակը, անոր բերնի՞ն
ինկեր էր: Բոլոր դարերու հեղինակներուն,
հսկայ մտքերուն ո՞րը յղացաւ, ո՞վ կրնար
երբէք յղանալ ասանկ գաղափար մը: Ո՞ր
հզօր, վառվուն երեւակայութիւնը պիտի
յօրինէր ասանկ պատմութիւն մը, յորում
Աստուած մարդուն՝ ու մարդը Աստուծոյ
սրտին մէջ նետուած է. յորում սէրը այս-
քան գաղափարականացած, ու նոյն ատեն,
այսքան խտացած, մարմնացած, իրակա-
նացած է. սէրը այսքան յայտնած է ինք-
զինք: Ո՞վ, ո՞ր արարածը երկինքին տակ
այսքան յառաջ գացած է, ու պիտի եր-
թայ, մինչեւ դպչի անմերձնալի Աստու-
ծոյ կուրծքին, ծակէ զայն ու հոսեցնէ անոր
բովանդակ սէրը, քամէ բոլոր արիւնը, ու
հոն Անոր սրտին մէջ դնէ ցաւը, սիրոյ հետ
քով քովի:

Եթէ զտնէք հեղինակ մը՝ այս պատմու-
թեան, գիտցէք որ անունը Քըլիստոս է: Ոչ
այլ ոք կրնայ ըլլալ. քանզի ան որ ծնունդ
կուտայ այս զարմանալի գաղափարին, պէտք
է որ իրագործէ զայն, պէտք է որ կարող ըլ-
լայ իրագործել զայն ապա թէ ոչ հիանալի
բնագանցութիւն մը կ'ըլլայ այն եւ ոչ այլ
ինչ: Ու Ան որ այս առակը զրուցեց, ըստ

նաեւ, «Ես եկայ որ կորսուածը վնատուեմ»:
Կենդանի առակն էր Ինք, իրականացումը
անոր ոգւոյն:

Այս առակն է, աճա, սիրոյ, կամ, ինչ-
պէս կ'ըսուի, «Ծնորհքի առակը, որ ան-
դամ մը եւս կ'հնչուի մեր ականջին իբր
սրտաշարժ, աղղու ջատագովականը Քրիս-
տոսի, համոզելու համար մեզ, Հօրը տունչն
հեռացող, թշուառացող զաւակներս, թէ
Անոր սիրած բաց է դեռ, ու կարօտով կ'ըս-
պատէ մեր դարձին:

*

Այս հոգեյոյզ առակը մին է առակներու
երրորդութեան մը — կորուսեալ Ոչխարը,
կորուսեալ Գրամը, ու կորուսեալ Որդին:
Երեք հեշտալուր եղանակներ՝ որք իրարու
միացած խաչին նախերգանքը կ'յօրինեն:
Երեք թելեր՝ որք իրարու հիւսուած կ'կազ-
մեն միեւնոյն գաղափարի շղթան — ոսկի
շղթան սիրոյ:

**

Առաջինը, «Կորուսեալ Ոչխար»ը, Հովուին
յարատեւութիւնը կ'շեշտէ իր վնատուոքին
մէջ — ... մինչեւ որ զանիկա գտնէ: Ի՞նչ

յամառ հետապնդում. շուտով չի յուսահատիր Ան — «մինչեւ որ զանիկա գտնէ»։ Ո՞հ, Աւետարան մը չէ ինքնին։ Ո՞ւր գրուած է ասանկ խօսք. ո՞վ ըրած է ասանկ բան։ — «Ու երբ կ'գտնէ իր ուսերուն վրայ կ'զնէ զանիկա»։ Ինչո՞ւ. կ'վախնայ որ նորէ՞ն կ'փախցնէ ձեռքէն, կը կորսնցնէ գանձը, գայլե՞րը կ'խլեն, կ'տանին։ Այլ գուն, ո՞վ կորսուած գառնուկ, եթէ յանձնուիս քեզ փնտող սիրելի չովուին, Քրիստոսի, Ան սրտին մէջ պիտի պահպանէ քեզ, ու ո՞չ գաղան, ոչ մարդ պիտի յափշտակէ քեզ երբէք։ Եթէ գուն յօժարիս նորէն իրենը ըլլալ, նա պիտի դնէ քեզ տեղ մը, յորում կարենայ ըսել «իմ աչքիս բերը»։ Ո՞հ, ո՞վ պիտի դպչի Անոր։ Քրիստոսի վերէն բերած ու հոս ձգած քնարն է այն, ոսկի Քնարը։ Ո՞հ, թողէ՛ք կրկին ու կրկին թրթռացնենք — «Ու երբ կը գտնէ՝ ուրախանալով իր ուսին վրայ կ'զնէ զանիկա»։ Ի լուր այս ձայնին հրեշտակները վրանիս կ'թափին, կամ մենք հոն՝ անոնց մէջ կ'թռչինք։ Ո՞վ չի նախանձիր այսքան փառքի ու սիրոյ շոայլումք։ Ո՞վ ենք մենք որ այսքան կ'շփացուինք։ Աստուծոյ գգուա՞նքը, Յաւիտենականին փայփայա՞նքն է այս — «ուսին վրայ կ'զնէ»։

Ինչո՞ւ, ո՞վ չովիւ բարի։ Վասնզի յոգնած, պարտասած ու վիրաւորուած է. վասն զի նիշարցած, մաշած, սպառած է խեղճ ոչխարը. աշխարհի փայլուն ծաղիկներու թուփերուն տակ պառկող դարանակալ օձերն խալթեր, թունաւորեր են զանիկա։ — Բայց ուսերդ չե՞ն ցաւիր. երկար է ճամբան ու փշոտ, չե՞ս յոգնիր, չովիւ անձնուէր։ — Ո՞չ, սէրը չի յոգնիր, սէրը չիյնար, «սէր ոչ անկանի», սէրը կ'թեթեւցնէ բեռը, կ'կարճեցնէ ճամբան։ Ու ես, վայ ինծի, արդեօք ո՞րքան ծանրութիւն եմ Քեզի. օրհնեա՛լ Յիսուս, իմ կուրութիւնս, իմ սոսկալի յիմարութիւններս, իմ անտարբեր կեանքս հանդէպ Քու սիրոյդ՝ ո՞րչափ կ'սեղմեն, կ'ճնշեն սիրտդ։ Բայց եթէ ուսերուդ վրայ չի կըս զիս, ես քայլ մը չեմ կարող առնել կեանքի ուղիին մէջ, որ կ'կոչուի «ճանապարհ անձուկ»։

*
**

Այլ, տեսէ՛ք, Անիկա իր գտած ոչխարը ուսին վրայ կ'կրէ ուրախութեամբ։ «Ու երբ կ'գտնէ՝ ուրախանալով իր ուսերուն վրայ կ'զնէ»։ Ո՞հ, այս ուրախութիւնը, խորունկ քան ամէն խորունկութիւնները, ո-

ըուն ծանծաղուտներուն մէջ իսկ կ'ընկդմիմ
ես: Ան աւելի կ'ուրախանայ մէկ կորսուա-
ծին վրայ երբ կ'գտնէ, քան իննսուեւիննին
վրայ: Ինչո՞ւ Ո՞րքան մեծ է փրկութիւնը
հոգիին, եւ ի՞նչ ապագայ ունի ան: Հարցու-
ցէք Անո՛ր որ կորսուածի մը վրայ «կ'ու-
րախանայ»:

Այս տարօրինակ ուրախութեան մէջ
չէ՞ք տեսներ անկեղծութիւնը, սուրբ ինք-
նամոռացումը Անոր: Հըեայ Փարիսեցիներ,
հպարտ արդարներ, կ'ուրախանային որ ի-
րենք աւելի լաւ էին — եթէ էին — քան ուրիշ-
ները, եւ աւելի արդար՝ քան մաքսաւորնե-
րը: «Ո՞վ Աստուած, կ'զոհանամ քեզմէ որ ու-
րիշ մարդոց պէս չեմ... եւ կամ այս մաք-
սաւորին պէս»: Աւ նա կ'ուրախանայ, կ'գո-
հանայ որ խեղճ մեղաւոր մը կ'արդարանայ,
կորսուած մը կ'գտնուի: Անառակ որդւոյն
«բարի» եղբայրը չէ՞ր որ սրդողեցաւ իր
դարձի եկող եղբօր ցոյց տրուած ընդունե-
լութեան համար: Բայց Հայրը, փա՛ռք
Անոր, կ'ուրախանայ կորսուած որդւոյն
վրայ երբ կ'գտնուի: Ու երբեմն, չէ՞ք կար-
ծեր թէ մէկ կորսուած մը, որ այնքան ու-
րախութեան առարկայ կ'ըլլայ, իրօք ին-
նսունեւինն հատ կ'արժէ, ու իր ետեւէն

քանի մը պատիկը կ'քաշէ, կ'տանի փա-
րախը: Սուրբն Օգոստինոս, այդ մոլորած
կորսուած ոչխարը, իդարձինքանի հարիւր-
ներ ու հազարներ տարաւ Վարդապետին
ուոքը Հապա Տարսոնացի հալածիչ Սո-
ղո՞մը: Ո՞վ կրնայ հաշուել անոր ըրած հոգե-
ւոր հունձքը: Ո՞վ կորսուած մեղաւոր, դար-
ձիր, անխորհուրդ ոչխար, քու առաջնորդդ
գայլն է որուն բերնին պատառը պիտի ըլ-
լաւ: Ո՞հ, մի՛ համոզուիր, մի՛ վստահիր ա-
նոր: Դուն չես զիտեր քու արժէքդ, չես զի-
տեր թէ ի՞նչ է որ պիտի կորսուի քու ան-
ձիդ կորստեամբը, եւ ի՞նչ է որ պիտի զըտ-
նուի: Ան միայն զիտէ որ արիւնլուայ՝ անա-
պատները ինկած, մահուան մթին զետերէն
անցած՝ անդադրում քեզ կը փնտոէ: Ո՞հ,
կայ ուրախութիւն մը, զոր Աստուած չունի,
զոր գուն միայն կրնաս տալ Անոր Կարօ-
տալիր սրտին: Պիտի զլանա՞ս:

* *

Մոոցա՞նք, մանաւանդ մեր սիրելի «ա-
նառակ որդի»ն: Բայց այս առակներու ան-
բաւութեան մէջ ո՞վ չի կորսուիր, ո՞վ կրնայ
պահել սահման, կանոնաւորութիւն, եւն,,
եւն: Թոյլ տուէք, կ'աղաչեմ, որ չի ինա-

յենք ակնարկ մը սա «կորսուած դրամ»ին:
Այս առակը «ջատագովական» մը չէ,
այլ կշտամբանք մէ յաւէտ նետուած փա-
րիսեցի երեսներու, կամ յարձակում մը ա-
նոնց վրայ որոնք կ'անարգէին, կ'արհա-
մարհէին աննշան դասակարգը, ոչինչ կ'հա-
մարէին խեղճերը, անարժէք դրամ մը
կ'նկատէին մեղաւորը: Այլ օրհնեալ Յի-
սուս արժէք տուաւ անոր — «կորսուած
դրամ»ին. ճրազը վառեց, աւել զարկաւ,
«զգուշութեամբ փնտոեց», փնտոեց մինչեւ
որ գտաւ:

Ու երբ գտաւ, ոչ միայն ինք ուրախա-
ցաւ այլ բոլոր իր բարեկասները: Ի՞նչ,
մարդիկ առ ոչի՞նչ կը գրեն քեզ, որովհե-
տեւ ո՛չ դրամ ունիս, ո՛չ անուն, ո՛չ դիրք,
ո՛չ կարողութիւն եւ ո՛չ մի փայլուն, ու-
շագրաւ կողմ: Այլ հաւատա՛, թշուառ մարդ,
եւ ուրախացի՛ր, զի Մէկը կայ, բոլոր ցան-
կալի, սիրելի, շքեղ բաներուն Տէրը, որ
կ'ճանչնայ իրերը իրենց իրական արժէ-
քով. Մէկը՝ որ կ'փնտոէ քեզ, որ պէտք
ունի քեզի, ճիշտ ինչպէս դուն պէտք ու-
նիս դրամի: Ունի կարեւոր ու բարձրագոյն
նպատակ մը որուն գործադրման համար
կ'կարօտի դրամի մը եւս, ու այս դրամը

դուն ես. կ'հասկնա՞ս արժէքու: Թողյլ տուր
որ Ան շահի քեզ. մի՛ զրկեր զինք իր վաս-
տակէն: Նա կ'տրտմի — ճշմարիտ կ'ըսեմ —
եւ դուն շահ մը չես ըներ քեզի: Դուն Անոր
ձեռքին մէջ միայն արժէք ու զին ունիս:
Անկախ Անկէ, հաւատա՛, չես կրնար ծառա-
յել նպատակի մը, գէթ վեհ նպատակի մը:

Ո՞վ դրած է անիրաւ խտիրը մարդոց մի-
ջեւ, որ վաճառականին աչքին մեծ երեւայ
հարուստը, փիլիսոփան մեծ նկատէ զի-
տունը, արդարն անարգէ անարդարը, եւն:
Յիսուս կ'ըսէ թէ երկինքին մէջ անոնց
պինդ պատիկը մեծ է, ու թէեւ փոշի-
ներու մէջ իր փայլը կորուսած, այլ իր ձեռ-
քին մէջ ան կ'ստանայ իր փայլը ու արժէքը:
Լաւ չէ՞ որ մարդոց վրայ նայինք այս տե-
սակէտէն: Ի՞նչ յուսահատութիւն, եթէ մա-
մոնայալաշտ մարդոց կամ անաստուած
փիլիսոփաներու տեսութեամբ նայինք ա-
նոնց վրայ, որ մարդոց աննշան դասակար-
գը կ'կազմեն:

* *

Գլխաւոր դասը զոր երրորդ առակին,
առակներու թազին ու պսակին, թէեւ տղեղ
անուամբ յորջորջուած՝ «Անառակ Որդ-

ւոյն», մակերեսին վրայ կ'գ տնենք սա է
թէ՛ ինքնասէր, կամապաշտ կեանքին վախ-
ճանը անկում է, թէ՛ մեղքը անպատիժ չի
մնար: Անառակ որդին հեռացաւ հօրմէն,
ամէն յարաբերութիւն խղեց տունէն որ-
պէսզի ա'լ մեռած ըլլայ անոնց համար,
թէեւ յետոյ, ինք «մեռած» եղաւ իրեն
համար:

Կ'թողուս աղօթքը, յարաբերութիւնդ
կ'խզես երկնաւոր Հօրմէդ, ոտքդ կ'դար-
ձնես Աստուծոյ տունէն: Ո՞վ զիտէ քեզմէ
դուրս թէ ո'ր անծանօթ ճամբան կ'ծոփա
կ'գոցես Աւետարանը, ականջդ ալ, սիրտդ
ալ՝ անոր դէմ: Կամացուկ մը կ'փափսաս
տանջող ու տանջուսդ խղճիդ — «Ես անհա-
ւատ եմ, կրօնքը սուստ է, դուն լուռ կե-
ցի՛ր»: Զե՞ս հաւատար, հա՞: իրա՞ւ է: Զե՞ս
հաւատար թէ Հայր մը ունիս, Հօր տուն մը
կայ: Զե՞ս հաւատար Հօրը սիրոյն եւ Հօրը
տան երջանկութեան: Անմիտ տղայ, չե՞ս
զիտեր որ «Եղջիւր»ները փորը չեն կշտա-
ցներ: Մարդս կ'ապրի այն ամէն խօսքով
որ Աստուծոյ բերնէն կ'ելլէ: Շատ չի քշեր
կ'հասնի սովը քսակիդ, մտքիդ, սրտիդ,
կեանքիդ, առողջութեանդ: Ու վերջապէս,
կ'յիշես հացալից տունը՝ քու Հօրդ:

Այս հանք առակը յատակ չունի: Անոր
դասերը չեն հատնիր: Շատանանք միայն
դպչելով անոր բովանդակութեան:

Սոյն առակով Աստուծած կ'ներկայանայ
իրը Հայրը «անառակ» կոչուելու աստիճան
ինքինքն կորանցնող մարդուն: Անոր նկատ-
մամբ կ'յայտնէ իր հոգիին ցաւը, Աստու-
ծոյ ցաւը, ու կը զեղու, կ'ճեղու իր սէրը,
սէր մը՝ որ չի զիտեր Թոյլտուութիւն խըն-
դրել, այլ լոյսին պէս հօր է ու կ'ճեղքէ,
կ'անցնի ո'ւր որ կամի: Դուն կրնաս ամէն
սիրոյ զգացում մարել դէպի նա: Քու սէրդ
տկար է: Բայց չես կրնար խափանել, ար-
գիլել Անոր յակտանական սէրը, որ կուզայ,
կ'իշնայ մինչեւ խորը քու էութեանդ:

Ապաշխարելդ չի՞ գար նայելով սա ա-
պաշխարութեան, սա ընդունելութեան եւ
գիրկընդիսառնումի պատկերին՝ Հօրը ու
Որդոյն, թէեւ այդ պատկերը գծուած չէ Փի-
լիստիայութեան եթերային երանդներովը:
Բայց յուզիչ չէ՞, խրախուսիչ չէ՞, սիրտ չի՞
տար, յոյս չի՞ ներշնչեր քեզի որ ելլես, եր-
թաս Հօրը: Նետուիս Անոր զիրկը, որ ան-
հուն կարօտով կ'սպասէ քու դարձիդ, չէ
թէ շահագործելու սիրտդ անձնասիրաբար,
այլ երջանիկ ընելու թշուառ հողիդ, մեռ-

Նող հոգիդ: Ո՞հ, տե՛ս, ահա՛ կը դառնայ
անառակը, հալած մաշած, վրալի հանդերձ-
ներուն պէս, երեսները այրած, խանձուած,
բոլորովին անճանաչելի դարձած: Այլ հայրը
կ'ճանչնայ զինքի հեռուատ: Խսկոյն կ'վազէ,
երկու թեւերը կ'բանայ ու կ'իյնայ պարա-
նոցին վրայ, եւ ի փոխարէն որդւոյն խոս
տովանանքի խօսքերուն, համբոյր համ-
բոյրի վրայ կ'զրոշմէ, լզելով անոր սեւցած,
աղտոտած երեսը, եւ իր զթութեան մա-
կնթացութեանը ներքեւ կը թաղէ խսպառ
անոր տիսուր անցեալը:

Զարէն հրաժարելու եւ բարիին յարելու,
մահէն կեանքի անցնելու, ազնուանալու,
փրկուելու միտք ունեցող մարդուն համար
ասոր պէս ապահովիչ գրաւական, ասոր պէս
սիրալիր, համոզիչ հրաւէր չ'կայ: Մեծա-
գոչ փողն է այս Աստուծոյ հրաւէրին, զոր
եկեղեցին անընդհատ կ'հնչեցնէ: Ո՞վ որ չի
դառնար, չունի բանաւոր պատճառ, եւ կը
կորսուի կամաւ: Ո՞վ որ չի հաւատար,
սուտ է, չունի առարկութիւն, հապա որով-
հետեւ չի սիրել զԱստուած, կամ այն
ամէնը որ Աստուած կ'սիրէ, որովհետեւ
չուզեր բաժնուիլ խոզերու ընկերակցու-
թենէն: Մե՛զք իրեն:

ՄԵԾ ՊԱՀՔ

ՏՆՏԵՍԻՆ

ՈՒՂԻԴ, ՄԻՋՈՅ, ԱՆՈՒՂԻԴ, ՆՊԱՏԱԿ

Նախորդ հոյակապ առակով Տէրն մեր մի
անդամ ընդ միշտ հոչակեց յաւիտենական
ճշմարտութիւն մը թէ Աստուած ոչ միայն
չայրն է ու կ'սիրէ արդարները, հապա, ու
մանաւանդ, մեղաւորները: Ու ոչ միայն մե-
ղաւորները՝ այլ եւ մեծ մեղաւորները, նոյն
իսկ «անառակ»ները: Եւ այս բառը—անա-
ռակ—ինք՝ չայրը՝ բերանը չ'առաւ, բայց
միայն «կորսուած»—«որդի իմ կորսուալ»:
Յանցապարտ մարդուն երեսին ի՞նչ կ'փչէր
աշխարհ, եթէ ոչ՝ վրէժխնդրութիւն: Փոր-
ձուած, ինկած հոգիի մը դիմաց ի՞նչպիսի
Աստուած մը կ'ներկայացնէր մարդկային կը-
րօնքը—բայց միայն «ծախիչ հուը»: Քրիս-
տոս եկաւ ու քարոզեց, կամ յայտնեց թէ
«Հօրը գովթը կ'շարժի» մեղքին ծախուած,
գերուած, ինքնակորոյս հոգիին վրայ: Ո՞վ

լսած էր ասանկ բան: Ի՞նչ անուն կ'վայելէ
ասանկ քարողութեան, եթէ ոչ՝ «Աւետա-
րան»:

★

Եթէ նախընթաց առակը կրնայ կոչուիլ
սիրոյ կամ Շնորհիքի Առակը, ներկայ առակն
ալ, թերեւս ներելի ըլլայ կոչել Սրբութեան
եւ Պարտականութեան Առակը: Ու այս
երկուքը — սէր եւ պարտականութիւն, ինչ-
պէս նաեւ շնորհք եւ սրբութիւն — իրարմէ
անբաժան են: Աստուծոյ Սէրը եւ Անոր
Սրբութիւնը մի են, եւ նոյն բանը: Պէտք
չէ որ փորձուինք մոռնալ թէ Աստուծոյ
սէրը կ'ներգործէ սուրբ ընելու մեզ Դրեն
պէս: Անոր սէրը կ'վարի մաքրելու համար
հոգին իր բոլոր ժանգերէն:

Սոյն առակով Քրիստոս հաւանականա-
բար, ուզեց սորվեցնել մաքսաւորներուն
կամ մեղաւորներուն թէ՝ թէպէտ իրենց
անցեալը ներուած է այլ իրենք պարտա-
կանութիւններ ունին կատարելու նոյն իսկ
այն բաներով զորոնք անիրաւաբար շա-
հած էին. թէ պարտ էին իրենց հետ փո
խադրել Աստուծոյ թագաւորութեան մէջ —
փրկուած կեանքին մէջ — այն ամէն յատ-
կութիւնները որոնց միջոցով յաջողութիւն

գտած էին մամոնայի իշխանութեաններքեւ:
Անոնք պարտական էին զործածել աշխարհի
ընծայած պատեհութիւնները ու բոլոր մի-
ջոցները նոյն եռանդով ու նոյն արթնամը-
տութեամբ, բայց միայն բարձրագոյն վախ-
ճաններու համար:

★

Տնտեսին խելացի այլ անհամեստ ծրա-
գիրը՝ իր ապագան ապահովելու համար
հնարուած՝ թէեւ զովեց իր տէրը, բայց ոչ
Տէրը: Սակայն, հազիւ թէ հարկ է ըսել թէ
իմաստութիւն, ճարտարութիւն, կորովա-
մուութիւն մեծապէս զովելի եւ գնահատելի
յատկութիւններ են յաչս նոյն իսկ Տէրոջը:
Ամէնէն նշանաւոր յատկութիւնները — ժրու-
թիւն, յարատեսւութիւն, զործունէութիւն, եւ
այլն — կրնան ծառայել կատարելու չար
դիտում մը, ինչպէս նաեւ ազնիւ զործ մը:
Ի՞նչ որ կ'յանձնարարուի, կրնայ յանձնա-
րարուիլ մեզի տնտեսին օրինակով՝ «խելա-
ցութիւն»ն կամ «իմաստութիւն»ն է, ոչ թէ
անոր գծուձ նպատակը:

★

Մենք տնտեսներ ենք, ու պարտաւոր
ենք հաշիւը տալու մեր տնտեսութեան: Պա-

տեհութիւններն ժամանակին հետ արագութեամբ կ'անցնին: Առակին տնտեսն ամէնէն ազդու օրինակն է այս իրողութիւնը տպաւորելու համար մեր մտքին վրայ: Յիշեալ տնտեսը թէեւ անազնիւ ու անիրաւ, բայց իր դիրքին զիտակցութիւնը ունէր: Եւ այս հանգամանքով մեզ, լուսոյ որդիներս, ամէցընող, յանդիմանող օրինակ մը կ'հանդիսանայ: Նու չ'ըսաւ, «Ես մինչեւ հիմա ինքնիշխան մարդ եղած եմ, ո՞վ կ'խառնուի ինձի. Ես մէկուն տալիք հաշիւ չ'ունիմ. ո՞վ ըսաւ թէ ես անտես մ'եմ իմ բաներուա վրայ. պէտք է ապրիմ ըստ հաճոյս. իս տէրս մինչեւ հիմա հաշիւ պահանջած չէ. զիս բոլորովին ազատ ձգած է. երբեք չեմ կրնար հաւատաք ասանկ բանի»: Տնտեսը այսպիսի իմար մը չէր: Ան իրաց վիճակը լաւ հակըցած էր: Գիտէր թէ ինք չէր իր գործին տէրը, այլ՝ պատասխանատու ծառայ մը: Հետեւելի օրինակ մը չէ այս մեզի համար: Իրաւունք չունէ՞ր Տէրը զայն մատնանիշընելումեզի, ըսելով, «Նայեցէ՞ք անիրաւալնուեսին»: Ու եկեղեցին իրաւունք չունի՞ այս առակը զատելով ու մեզի ներկայացնելով՝ խրատ հանելու աշխարհիկ մարդու մը վար- մունքն:

Արդ, պէտք է որոշ տեսութիւն սննենալ այս մասին: Կեանքին մէջ կարեւոր է զիտնալ թէ ի՞նչ է մեր զիրքը: Տէրե՞ր թէ տնտեսներ ենք մենք: Յաւիտեանս պիտի մնա՞նք, հոս թէ՝ սահմանուած ենք ուրիշ բնակավայրի մը համար: Ճանչնանք, հակընանք ինքզինքնիմ: Եթէ բացարձակ անձնաւորութիւններ չենք, ուրեմն ճշմարիտ իմաստութիւնը կ'պահանջէ որ հաւատարիմ ըլլանք մեզի յանձնուած պատեհութեանց մէջ: Ապրինք իրը պատասխանատու էակներ: Կեանքին մեծազայն սկզբունքն է այս — պատասխանատութիւնը: Գործել այլ սկզբունքի վրայ՝ անմտութիւն է: Ի՞նչ օգուտ տուն մը կառուցանել սա հասկացողութեամբ թէ ո՛չ հով պիտի փչէ, ո՛չ անձրեւ պիտի տեղայ: Բնութիւնը կարեւորութիւն չ'ընծայեր քու համոզութիգ, քու հասկացողութեանդ: Օրէնքը եւ իրերը չեն փոխուիր, հազար տարի ալ աչքերդ գոց պահես ջայլամներու պէս: Դուն կոչուած ես պահպանել քու գոյութիւնդ — բարձրագոյն էութիւնդ — զիտնալով մարդկային կեանքին օրէնքը եւ հիմնուելով անոր վրայ:

«Օ՛հ, սա պատասխանատութեան գաղափարը, կ'ըսէ մէկը: Աստուծոյ հետ այս-

պիսի յարաբերութեան մը գաղափարին հետ
 երբեք չեմ կրնար հաշտուիլ: Չեմ ընդունիր
 թէ ցաւալի հետեւանք մը, տխուր վախճան
 մը կ'ծնի այդ կարգի յարաբերութեան մը
 անդիտակից կեանքէն»: Լա՛ւ. ուրեմն խզէ'
 ամէն յարաբերութիւն Բացարձակէ մը. մի'
 ճանչնար Տէրն. դնա՛, թաղուէ՛ անծանօթու-
 թեան մէջ, ու չե՞ս հաւատար թէ մահը¹
 պիտի գտնես, ու գժոխքը պիտի շինես
 ձեռքովդ: Փրթիլ Աստուծոյ սրտէն՝ կ'նշա-
 նակէ իշնալ տիեզերքներու դունեն դուրս,
 լոյսի, կեանքի, սիրոյ սահմաններէն անդին՝
 խաւարին գոգին մէջ: Աստուծոյ սրտէն
 դուրս չ'կայ այլուր ի՞նչ որ հոգիդ կ'փըն-
 տընէ, ի՞նչ որ դուն կ'հետապնդես:

*
**

Աստուծած չ'նախանձիր քու ունեցածնե-
 րուդ, բայց զիտէ որ քու բարիքներդ չարիք
 պիտի ըլլան եթէ զանոնք քուկդ նկատես:
 Անոնք ճշմարտապէս քուկդ պիտի ըլլան
 այն ատեն երբ քուկդ չի համարես զանոնք:
 Դուն տէրը պիտի ըլլաս անոնց, երբ գործես
 իբր Աստուծոյ հաւատարիմ տնտեսը անոնց
 ամէնուն վրայ: Աստուծած կ'պահանջէ որ
 գինք սիրես առաւել քան բոլոր ունեցած-

100

ներդ ու նոյն իսկ քան քու անձդ: Այլ քու
 սէրդ չի պիտի նուազի, մանաւանդ թէ պի-
 տի ածի անոնց վրայ, եթէ նախ սիրես
 զԱստուծած, եթէ առաջնութիւնը Անոր տաս
 սիրոյ մէջ: Քու ընկերդ չես կրնար սիրել
 քու անձիդ պէս, մինչեւ որ անկէ աւելի
 զԱստուծած սիրես: Եթէ չես սիրեր զԱնիկա
 քու հօրմէդ ու մօրմէդ աւելի, զիտցի՛ր թէ
 բնաւ չես սիրեր զանոնք: Թէ որ չես սիրեր
 զԱնիկա աւելի քան քու անձդ, հաւատա՛
 որ չես սիրեր նոյն իսկ քու անձդ: Անկեղծ
 սէր չ'կայ Աստուծոյ սէրէն անկախ: Չեմ
 հաւատար՝ քու սիրոյդ՝ նկատմամբ ընկերիդ,
 բարեկամիդ, քու սիրական վերաբերեալնե-
 րուդ, եթէ անոնցմէ նուազ կ'սիրես ամէնէն
 սիրելի, ամէնէն գեղեցիկ էակը — Աստուծած:
 Չեմ հաւատար նաեւ թէ կրնաս սիրել ար-
 դարութիւնը, բարութիւնը, ճշմարտութիւնը,
 նոյն իսկ սէրը, եթէ կ'ատես զԱնիկա: Ան
 որ արեւը կ'ատէ, չ'սիրեր լոյսը: Աստուծոյ
 սէրը կ'խորունկցնէ, կ'սրբացնէ մեր սէրը
 ոեւէ անձի ու իրի վրայ: Անկեղծ սէրը,
 ճշմարիտ սէրը առաջնութիւն կուտայ Անոր
 որ կ'կոչուի Սէր:

Կեանքին օրէնքն է այս: Հպատակէ՛ անոր
 եթէ չես ուզեր որ կորսուիս ու կորսնցնես

101

բարձրագոյն դիրքու «Աստուծոյ թափաւորութեան» մէջ, Աստուծոյ աշխարհին մէջ, մարդկային ընկերութեան մէջ, կեանքի վերնազոյն վիճակին մէջ: Հոգին պէտք չէ զոհել դրամին, այլ դրամը պէտք է զոհել հոգիին, մարդուն: Մի՛ վախնար այս սկզբունքէն, ո՞վ ժլատ մարդ. վարուէ՛ այս սկզբունքով, ու քեզի պիտի բաշխուին բոլոր բարիքները — «Նախ խնդրեցէք Աստուծոյ արքայութիւնը եւ ամէն ինչ պիտի տրուի ձեզի»: Սորդէ՛ այս մեծ դասը:

★

Տէրն մեր Յիսուս տնտեսին օրինակը մեր մասնաւոր ուշադրութեանը կ'յանձնէ. — «Ես ալ ձեզի կ'ըսեմ, անիրաւ մամոնայէն ձեզի բարեկամներ ըրէք» եւայլն: Տնտեսը իր տէրոջ ստացուածոց վրայ ունեցած ժամանակաւոր հեղինակութիւնը այնպիսի իմաստութեամբ գործածեց որ երբ այն առնուեցաւ ձեռքէն, ընդունելութիւն գտաւ ուրիշներու մօտ: Դուք ալ, կ'ուզէ ըսել մեր Տէրը, այնպէս գործածեցէք ձեզի յանձնուած պատեհութիւնները, մասնաւորապէս անիրաւ մամոնայի բաժնին մէջ, որ երբ պակսի այն, կամ առնուի ձեզմէ ընդունուիք լա-

ւագոյն բնակարաններու մէջ: Այս կենսական ու զործնական դասէն մեծ բաժին մը կ'ելլէ հարստուներուն: Սոյն առակը շատ քաջալերութիւն կ'պարունակէ անոնց համար: Այս կ'յիշեցնէ իրենց թէ հարստութիւնը, աղքատութիւնը աննշան պատեհութիւն մը չէ կեանքի մէջ, թէ՝ մանաւանդ հարստութեան աղղեցութիւնը չ'վերջանար աշխարհի հետ. ուստի թող այնպէս գործածեն զայն, որուն միջոցաւ կարենան մշտնջենաւորել իրենց ապագայ ճշմարիտ հարստութիւնը: Անոնք պատեհութիւնը Անոնք յափուեն ունին երջանիկ ըլլալու յափուենան, ինչպէս են ներկային մէջ, եթէ վեհ հոգի մը միացնեն հարստութեան հետ: Հարստութիւնը Աստուծոյ օրհնութիւնն է ումանց համար, իսկ անէծք՝ շատերուն համար:

Քրիստոսի պարզած տեսութեամբ աշխարհի հարստութիւնը վախճանը չէ կեանքին, այլ՝ միջոցը: Բարձրագոյն կեանքն չի կայանար հարստութեան մէջ, բայց իմաստուն եւ ուղիղ գործածութեամբ ան կրնայ ծառայել բարձրագոյն կեանքին: Լաւագոյն կեանք եւ երկրաւոր հարստութիւն իրարուներհակ եղրեր չեն ներկայացներ. երբէ՛ք:

Բայց նասորվեցուց թէ ստորին բարիքներ կրնան այնպէս տնտեսուիլ որ հոգեւոր հարստութիւնը յառաջ գայ, եւ իրական, ճշմարդիտ բարիքը աճի մարդուն մէջ։ Անոր տեսութեամբ չ'կայ մարդ մը — իմաստուն մարդ մը — որ չ'կրնայ դարմանել իր անցեալ չարիքները այն թանկագին միջոցներովը որք իրեն ընձեռուած են նախախնամութենէն։ Միայն իր անձին համար ապրիլ, անիրաւ մամոնայէն բարեկամներ չ'ընել, աշխարհի տեսութեամբ իսկ, իմաստուն նկարագիր մը չ'ցուցներ։

Զ'արհամարհենք հարստութիւնը։ Քրիստոս ասանկ հիւանդ վարդապետութիւններ չ'քարոզեց բնաւ։ Ո'վ որ կ'կարծէ թէ Աւետարանը, կրօնքը, Քրիստոնէութիւնը կը հակառակին աշխարհի բարձրութեանց, երկրաւոր բարիքներու, յաջողութեան, յառաջդիմութեան, մեծութեան, եւայլն, մեծապէս կ'սխալի։ Երկնից արքայութիւնը անգամ, ըսած է ինքն Քրիստոս, ուժեղները պիտի յափշտակեն։ Այն քրիստոնեաները, որոնք Քրիստոնէութեան ազդեցութեան տակ կը աղքատանան, կ'նուաստանան, կ'պզտիկնան, կ'տկարանան, կ'կասկածինք անոնց քրիստոնէութեան վրայ, գէթ անոնց կրօնա-

կան ըմբռնումին վրայ։ Քրիստոնէական քաղաքակրթութեան պատմութիւնը չի՞ հաստատեր այս իրողութիւնը։ Քրիստոսի աւանդած դասը առողջ դաս էր։ Նա անհաւատարիմ տնտեսի մը խելքը, կորովը, ճարտարութիւնը չ'նկատեց Պղատոնական հայեացքով, այլ կոչում ըրաւ անոնց՝ իր աշակերտներուն, «լուսոյ որդի»ներուն, ներշնչը ուելու անկէ։ Յանդիմանեց զանոնք որ «մարդոց որդի»ները իմաստուն են քան «լուսոյ որդի»ները։ Ահա Քրիստոսի յայտարարութիւնը — «Անիրաւ մամոնայէն ձեզի բարեկամներ ըրէք»։

Սխալ չի հասկնանք. Քրիստոս չ'դատապարտեց դրամը «անիրաւ մանոնա» կոչելով զայն։ Ո'չ դրամը անիրաւ է, ո'չ ոսկին՝ մեղաւոր։ «Անիրաւ»ը զայն անիրաւութեամբ գործածող մարդն է։ Մեղաւորը զայն մեղքով դիզող մարդն է։ Անիրաւ է մամոնան երբ անիրաւութեամբ կ'վաստկուի եւ անիրաւութեամբ կ'գործածուի։ Մամոնայապաշտ կ'ըսենք անոր որ մամոնան — զրամը — իր գլխաւոր, միակ բարիքը կ'նկատէ, որ կեանքին նպատակը կամ վախճանը կ'համարի զայն։ Այս կարգի հարուստ մը մէկ անունունի Աւետարանին մէջ դրոշմուած — «ան-

միտ հարուստ»ը։ Այս կարգի ընչաքաղց
մարդոց համար ըստուած է — «Ի՞նչ օգուտ է
ձեզի թէ որ բոլոր աշխարհ վաստկիք ու
ձեր անձերը կսրսնցնէք»։ Ասոնք են որ կ'ա-
ճապարեն հարստանալու, ու կ'աղքատանան
յաւիտենապէս։

**

Ներկայ առակին եղրակացութիւնը կը
գտնենք սա համարին մէջ — «Որ ի փոքուն
հաւատարիմ է, եւ ի բազմին հաւատարիմ
է», եւայլն։ Այս համարը կ'թելազրէ մեզի
սա գերազանց ճշմարտութիւնը թէ՝ մենք
հոս, այսաշխարհիս մէջ դրուած ենք սոսկա-
պէս փորձի մէջ, մեծ վարպետի մը ձեռքին
տակ, ուր կ'փորձուի մեր հաւատարմու-
թիւնը, ոչ այնքան ստուգելու համար թէ
մեր կատարած գործերը մեծ են կամ պըզ-
տիկ, այլ յաէտ թէ ցոյց կուտա՞նք ուղիղ,
մեծ հոգի մը, վատանելի նկարազիր մը, որ
կ'ակնկալուի տնտեսէ մը։ Ո՛հ, հաւատարիմ
եղէք ձեր ներկայ ծառայութեանց մէջ ու
Աստուած մեծամեծ գործեր պիտի վատահի
ձեզի։ Մի՛ արհամարհեր, ո՛վ երիտասարդ,
քու ներկայ պզտիկ, աննշան զործդ։ Քու
մշակուած մտքիդ եւ ընդունած դաստիարա-
կութեանդ անյարմար մի՛ զտներ ձեռքիդ

գործը։ Ժիր եղիր անոր մէջ, հաւատարմու-
թեամբ կատարէ զայն։ Բարձրութեան ճամ-
բան այդ կէտէն կ'սկսի։ Մեծ եղիր պզտիկ
գործիդ մէջ, փոքր պաշտօնիդ մէջ, ու քեզ-
մով պիտի մեծնան անոնք ալ։ Մեծ բանի
սպասող մարդը պիտի զրկուի մեծէն ալ,
պզտիկէն ալ։ Աստուած փափաք ունի բա-
րիք ընելու, մեծցնելու քեզ, եթէ ցոյց տաս
թէ արժանի ես իր վատահութեան ինչո՞ւ
հարստութիւն տայ, եթէ երբեք պէտք է
քեզի, ինչո՞ւ մեծցնէ, փառաւորէ քեզ գո-
րութեամբ, իմաստութեամբ։ Ի՞նչ օգուտ,
ի՞նչ նպատակներու պիտի ծառայեցնես զա-
նոնք, ի՞նչ բարիք պիտի քաղեն անոնցմէ
Աստուած ու մարդիկ, Ապացոյցը տո՛ւր քու
լումայովդ, քու ներկայ դիրքիդ մէջ հաւ-
տացո՛ւր Աստուածոյ, եթէ քեզի յանձնուած
փոքրիկ դրամարկոյի հաշիւը ազնուութեամբ,
ճշմարտութեամբ պահես, օր մը Աստուած
քու ձեռքդ պիտի զնէ իր ամբաւ զանձարա-
նին ոռկի բանալին։

**

Ի՞նչ որ այս առակը կ'ուզէ քանդակել
սրտիդ վրայ, սա՛ է թէ դուն համար ունիս
տալու, կայ համարառու ատեան մը որուն
առջեւ պիտի տեսնուի հաշիւդ։ Մի՛ լոեցը.

ներ սա ձայնը — «Բու տնտեսութեանդ հա-
շիւը տո՛ւր»։ Աստուծոյ ձայնն է այն որ
կուգայ քու կեանքիդ գաղտնիքներուն, ու
սրտիդ մուլթ ճամբաներուն մէջ։ Փողն է այն
ազդարարութեան։ Եթէ չ'անսաս անոր,
հաւատա՛, սիրելիս, որ կեանքի կուիւն մէջ
պիտի իյնաս, պիտի ջախջախուիս։ «Համար
չ'կայ, համարառու չ'կայ» ըսող քրիստոն-
եաներուն վախճանը նկատէ։ Ամէնն ալ
մարդկային կեանքի դաշտին մէջ պարտեալ-
ներ են։ Մահուան խորհուրդը տղայամիտ-
ներու խորհուրդը չէ։ Ամէնէն ստոյգ բանն է
մահը։ Եյնպէս ապրէ որ մահը կնիքը չ'ըլլայ
քու ունայն կեանքիդ, վախճանը չ'ըլլայ քու
վայելքներուդ, պատեհութիւններուդ, այլ
այն տանի քեզ աւելի ընդարձակ, աւելի
բարձր արտօնութեանց։ Ի՞նչ որ ունինք
հիմա իսկապէս մերը չէ։ Մահուան ատեն
չենք կրնար պահել զանոնք։ Սուրբ, աղնիւ
կեանքն է մնայուն հարստութիւնը։ Ո՞հ,
կեանքը, միայն կեանքն է մերը։ Զ'վատնենք
կեանքը, չ'մախենք սրտին հարստութիւնը,
հոգւոյն բարիքը, որպէս զի դուրս չ'մնանք
«յափտենական բնակարան»ներէն, որպէս
զի մուրացիկ կեանքը չ'ըլլայ վախճանը մեր
շոայլուած կեանքին։

ՄԵԾ ՊԱՀՔ

Դ Ա Տ Ա Ի Ո Ր Ի Ն

Ա Դ Օ Թ Ք

Ահա՝ առակ մը, որուն բանալին դրան
վրայ է. ուզողը կ'դարձնէ, կ'մտնէ ներս։
Քրիստոս առակը չ'սկսած՝ անոր ոգին ու
իմաստը մէկ նախաղասութեամբ բացա-
տրեց — «Ասաց առակ մի նոցա առ այն թէ
պարտ է յամենայն ժամ կալ նոցա յաղօթս
եւ մի՛ ձանձրանալ»։ Յարատեւութիւն ա-
ղօթքի մէջ — այս է թանձրացած, բիւրեղա-
ցած գաղափարը Դատաւորին Առակին։ Յա-
րատեւութիւնը գործի մէջ՝ աշխարհ պայ-
ման կ'դաւանի յաջողութեան։ Նոյնը կ'դա-
ւանի կրօնական աշխարհը, Սակայն եւ այն-
պէս, միթէ տարօրինակ չի՝ թուիր յարա-
տեւութիւնը աղօթքի մէջ։ Գործը վերջապէս
յոգնեցուցիչ է, բայց աղօթքը «քա՞ր քա-
շել է» որ ձանձրոյթ պատճառէ ու հարկ
ըլլայ մշակումը յարատեւութեան՝ անոր
մէջ։ «Քար քաշող» ձեռքը չի յոգնիր, սա-

կայն վեր բարձրացող ձեռքերն կ'թուլնան,
 կ'իյնան: Զե՞ս յիշեր, ատենօք աղօթող մար-
 դու մը — Մովսէսի — ձեռքերն յոզնեցան սա-
 րի մը ցցունքին վրայ, ու պէտք եղաւ որ
 երկու մարդիկ վեր բոնեն զանոնք, մինչդեռ
 վարը Ամաղեկացւոց դէմ գիշեր ցերեկ կոռուղ
 բանակը խոնջանք չ'զգաց, աղեղը չի ձգեց:
 Աղօթքի պայքարն աւելի սաստիկ է, աւելի
 թուլացուցիչ ու պարտասող: Անզամ մը,
 չե՞ս գիտեր, աղօթքի է՞ն մեծ Ախայեանը
 երեսի վրայ ինկաւ արտասանելու համար
 սա երկու բառ աղօթքը, «Հայր իմ... ոչ
 որպէս ես կամիմ, այլ որպէս դու», քրտինք
 հանելով ճակտէն նմանարեան կայլակներու:
 Ի՞նչ ներքին տազնապ, ի՞նչ ահարկու մա-
 քառումներ, բաղխումներ տեղի կ'ունենա-
 լին հոգւյն մէջ: Ի՞նչ սուրերու, թուրերու
 կ'զարնուէր այդ աղամանդ ճակատը, որ կը
 ճմլուէր կ'արիւնէր խօրունկէն: Ի՞նչ, կ'կար-
 ծես թէ Քրիստոսի համար նուա՞զ դժուար
 էր աղօթել — աղօթել չօրը՝ որ ականջը
 խցեր էր չ'լսելու իրեն, որ տիեզերքի մէջ
 թողած էր զի՞նք միս մինակ դէմ յանդիման
 մահու իշխանութեան, իր խրօսիտ Ոսոխին,
 որ կ'մոլտար երեսն ի վեր, «Ո՞ւր է քու
 Աստուածդ, ո՞ւր է քու Հայրք»:

Մեր օրերը, մասնաւորապէս, գժուար չէ^o
 աղօթել նոյն իսկ, թող թէ յարատեւել անոր
 մէջ: Թերահաւատութիւնը չէ^o մանաւանդ
 քան վհատութիւնը, որ կ'ճնշէ ժամանակիս
 մտքերուն վրայ եւ կ'ջլատէ, կ'կարատէ տա-
 րածուածձեռքերը: Քեզիչե՞նըսեր թէ «Աղօթ-
 քը ամէնէն տկար, ամէնէն անպաշտպանելի
 կողմն է կրօնքին, թէ աղօթքը չ'տար
 հիմ մը որուն վրայ հաւատքի հսկայ սիւնը
 կանգնել կարելի ըլլայ»: Ինչո՞ւ: «Պատճառը
 յայտնի է, կ'ըսեն, Աստուած տիեզերքին
 մեքենան յօրինելէն, լարելէն, ու զայն մի-
 անզամ ընդ միշտ շարժման մէջ գնելէն
 յետոյ՝ ինք քաշուեցաւ ամէն գործոն միջա-
 մտութենէ: Իրերը իրենց մէջ ունին այն
 օրէնքները որոնց միջոցով կ'ընթանան
 անխափան: Ապացոյց աէ՞տք է, կ'շարունա-
 կեն: Ահա՛ իրողութիւնը, որ մեր երեսին
 զարնող ժայռի պէս շօշափելի, ամուր, ընդ-
 դիմահար իրականութիւն է: Բոլոր աշխարհի
 մասնաւոր օրէնքներու ներքեւ ինկած չէ^o:
 Շեղում մը լսած, տեսած ունի՞ք անոնց
 մէջ: Տեսա՞ծ էք որ օր մը անձեւ տեղայ
 անամպ երկինքէն: Արեգակը օր մը մոոցա՞ւ
 իր ելքը: Ամառ մը աւելի ցուրտ եղա՞ւ քան
 բոլոր ձմեռը: Բնութիւնը իր ընթացքը ունի,

անմիութով, անսայթաք, յաւետենական ընթացքը։ Աղօթքը կրնայ կասեցնել զայն։ Ոգեւարի մը զլխուն վերեւ, դոր օրինակ, ի՞նչ գործնական արդիւնք ունի աղօթքը»։

Իբրեւ պատասխան ըսենք թէ աղօթքը այլ եւս կ'զադրեցնենք երբ համոզուինք թէ մահը բարձրագոյն վճռով անխուսափելի է։ Բանզի մենք կ'աղօթենք ցորչափ չենք գիտեր թէ մեր փափաքները անհամաձայն են Աստուծոյ կամքին հետ։ քանզի մենք կ'ուղենք նախընտրել Անոր կամքը քան մեր բաղձանքը. քանզի մեր աղօթքին բովանդակութիւնն է «Եղիցին կամք քո»։ քանզի, վերջապէս, զիտենք թէ լաւագոյն կամքն Անորն է, եւ առաջնութիւնը կուտանք Անոր։

Ասոր դէմ, յայտնի է, սա կ'առարկուի թէ «Ամէն պատահում, ամէն ապագայ դէպք, անբուժելի հիւանդին մահուան պէս, անվրէպ հետեւանքն է նոյն սկզբունքին, որով իրերը իրարու կցորդուած են, այնպէս որ միայն մէկ արդիւնք կրնայ յառաջ գալ նոյն պատճառէն։ Դուք կ'աղօթէք, քանզի տղէտ էք, ու չէք տեսներ թէ ամէն արդիւնք ծագում կ'առնէ իր բնական պատճառէն, որ արդէն գոյութիւն ունի, ու շղթայուած է իրերու կազմառութեան մէջ։ Քանզի արդիւնքը

չէք տեսներ պատճառին մէջ։ Չէք զիտեր թէ զիւլուածը յաւիտենապէս ստոյգ է, եւ թէ ինչ որ պիտի ըլլայ, վերջապէս կ'ըլլայ»։ Բանաւոր չէ՞ այս առարկութիւնը — «կ'աղօթէս, վասնզի չես զիտեր»։ Իրաւ չէ՞ եթէ զիտնայիր թէ բնական, անյեղլի օրէնքը վճռած է փոթորիկ մը, հեղեղ մը աւերիչ, տակաւին կ'աղօթէի՞ր դժբաղդ ճամբորդիդ համար։ Է՞հ, ա'լ վազ չե՞ս անցնիր աղօթքէն, կ'լսե՞ս ի՞նչ կ'ըսէ այդ զիտնական, զարգացած մարդը — «Ինծի նայէ՛, օրէ՛նք, օրէ՛նք, ան է որ կ'վարէ երկիրը։ Ի՞նչ որ անհարաւոր կ'գործէ, հնարաւոր է, ի՞նչ որ չի գործեր՝ անհնար է։ Իմ գլուխս կ'ծոեմ Արարշին մեծ իմաստութեան առջեւ, կ'ըսէ ան, բայց չեմ կրնար աղօթել Անոր որ իր միջամտութեամբ սարսափելի խանգարում մը յառաջ բերէ բնութեան կարգին ու սարքին մէջ։ Աստուծ փորձել է այս Աղօթելը հաւատալ չէ, ես աւելի կ'հաւատամ չ'աղօթելով քան աղօթելով», եւայլն, եւայլն։

Բայց կ'ստէք, տեարք իմ օրինապաշտք կամ բնապաշտք։ Դուք որ այսքան երկիւղածութիւն կ'զաւանիք բնութեան օրինաց հանդէպ, միթէ չէ՞ք բոնաբարեր զայն ամէն օր։ Այդ աղուոր թէօրիները ինչո՞ւ գործնա-

կան կեանքին մէջ ալ չէք դաւանիր: Ինչո՞ւ
կ'յստափանէք բնութեան օրէնքը, զոր օրինակ
հիւանդութեան մը: Ինչո՞ւ ճնշում կ'բանե-
ցընէք այն օրէնքներուն վրայ որոնք հի-
ւանդութիւնը կ'վարեն: Ինչո՞ւ, ի՞նչ իրա-
ւամբ ախտին յառաջացումին դէմ կ'հանէք
այն հզօր պատուարները զարս արուեստ,
գիտութիւն, եւ այլն, անուանել սովոր էք:
Ինչո՞ւ թոյլ չէք տար որ բնութիւնը իր
անկասելի ընթացքը կատարէ, եւ սպառ-
նացող վտանգին դէմ կ'ոգորիք: Դուք կ'ը-
նէք, ու միայն Աստուած է որ չի կրնար ը-
սել նոյնը: Զեր միտքը կրնայ օրէնք մը
գտնել ու ճակատեցնել ուրիշ օրէնքի մը դէմ
չէզոքացնելու համար դայն, ու Աստուծոյ
մեծ մի՞տքն է միայն որ չ'կրնար առաջ-
նորդել բնութեան քայլերը այն ճամբա-
ներովը որք իրեն ծանօթ են: Ո՞վ ըսաւթէ
միայն դուք կրնաք իրարմէ անջատ իրեր
միացնել, երկու ուրոյն օրէնքներ իրարու
հետներդաշնակել ու յառաջ բերել արդիւնք
մը որ կ'կոչուի գիւտ: Բնութեան օրէնքնե-
րուն հետ խաղալու եւ զանոնք մամնաւոր
վախճաններու ծառայեցնելու դօրութիւնը
միայն դո՞ւք ունիք. Աստուած չունի՞: Նա՞
միայն չի կրնար նոյն զօրութեամբ, նոյն

ակզբունքով վարել օրէնքները ի նպաստ իր
նպատակներուն իրադորձման:

«Աստուած չի կրնար պատասխանել մեր
աղօթքին, կ'ըսեն այլք, թէեւ նա կարող է
իր օրէնքները ըստ կամս զործածել»: Ին-
չո՞ւ: — «Վասն զի, կ'ըսեն, փոփոխութիւն
չ'գործեր Սն իր գծած ծրագրին մէջ, ոչ
իսկ կրնայ շեղիլ իր վերջնական նպատա-
կակէտէն»:

Սյլ նաոր կ'պարտաւորէ մեզ աղօթել, իր
դիտաւորութեան կամ յատակագծին մէջ
նշանակած չէ՞ նաեւ այն ապագայ ար-
դիւնքները որոնք յառաջ պիտի գան միայն
աղօթքի միջոցով: Աստուած այնպէս կար-
գազրած է իրերը որ անոնցմէ ումանք ար-
դիւնաւորուին մարդոց անմիջական գործակ-
ցութեամբը: Քրիստոնէութիւնը ծաւալած
է Աւետարանի քարոզութեամբ, որ մարդոց
միջամտութեամբ միայն կ'կատարուի: Յի-
սուս ըսաւ աշակերտներուն — «Գացէ՛ք, քա-
րոզեցէ՛ք բոլոր աշխարհի»: Առանց անոնց
քարոզութեան Քրիստոնէութիւնը պիտի
մնա՞ր: Աստուծոյ նպատակներուն մէջ մեծա-
գոյնը չէ՞ հոգիներուն փրկութիւնը, զոր
գործելու համար կարեւոր բաժին մը հանուած
է նոյն իսկ մարդուն: Այս ըմբռնուամով, յայտ-

Նի է թէ աղօթքը իրագործումն է սոսկ
Աստուծոյ նպատակին ու ոչ թէ Անոր ճնշող
միջամտութիւնը:

*

Ի՞նչ որ ամէնէն աւելի ոյժ կուտայ աղօթքի գէմ հանուած առարկութեանց է նոյն իսկ մեր անձնական փորձառութիւնն — տխուր փորձառութիւնը մեր յաճախ ապարդիւն մնացած աղօթքներուն Զանձրոյթ կ'պատճառէ մեզ աղօթքը, ու տակաւ կ'փոխուի ձեւի, սովորոյթի, եթէ երբէք շարունակուի, վասն զի ըստ երեւոյթին անլսելի կ'մնայ այս: Մարդ պատրաստ է ամէնէն դժուար, տաղտկացուցիչ գործը կատարել եթէ համեմատական վաստակ մը ապահովեն իրեն: Բայց աւելի դժուարին գործ մը չ'դառնար աղօթքը երբ անմիջական արդիւնք մը չ'տեսնուիր, եթէ գլուխը խոնարհի, շրթունքը աղօթէ, բայց միտքը լոէ, կամքը չի խոնարհիր:

Մեր փորձառութիւնները սակայն սխալ կ'մեկնենք: Կան նկատողութիւններ որոնք կշիռ ունին ու պէտք է անտես չընել: Կան բարձրագոյն շահեր, յաճախ մեր փափաքներէն, խնդրուածքներէն յոյժ գեր ի

116

վեր, որոնք կ'պահանջեն յապաղումը մեջ աղօթքի պատասխանին: Յաչս Աստուծոյ «Երեւցած բաները ժամանակաւոր են, ու չերեւցածները՝ յաւիտենական»: Հոգեւոր բարիքները գերազանց են յոյժ քան նիւթական իրերը: Ուստի եթէ Աստուծած համոզուած ըլլայ որ մեր խնդրած բաները վտանգաբեր են հոգիին ու անոր ապարային համար — բարիքներ՝ որ կրնան զրկել քեզ համեմատապէս բարձրագոյն բարիքներէն — ոչ միայն կ'զլանայ տալ, հապա եթէ ուսիս՝ չ'խնայեր, կ'զարնէ, ձեռքէղ կ'առնէ: Նա կ'վարուի քեզի հետ ինչպէս դուն քուզաւկեդ հետ կ'վարուիս, որուն շատ հեղանգութ, անողորմ կ'երեւիս: Նա որ ըսաւ: «Թէ որ քու աջ աչքդ քեզ կ'զայթակղեցնէ հանէ՛ զանիկա»: Նա հակառակ քութախանձագին պաղատանքներուդ, քեզի չ'տար աչք, կամ կ'առնէ աչքդ, թէեւ անկէ կարեւոր բան չ'կայ աշխարհի մէջ, եթէ աչքդ սլիտի գայթակղեցնէ քեզ: Դուն մեծ ես ու արժէքաւոր յաչս Անոր քան բոլոր աշխարհ իր լիութեամբ:

Տէրը նախատեսեր էր թէ հաւատքը պահել, մշակել դժուարագոյն բանն է: Ուստի ուզեց քաջալերել, մարզել մեզ այս մասին:

117

Ան կ'ուղէ որ մեծ հոգի մը եւ ուժեղ, պեղեցիկ նկարսագիր մը շինէ մեր մէջ, չէ թէ անմիտ ծնողքի մը պէս շփացնէ մեզ ու աղուրիկ պէսլքներ պատրաստէ: Ուստի ականջ չ'կախեր Ան քու անձնասիրական ու երբեմն տղայական խնդիրքներուդ, այլ կ'ուղէ որ նախ խնդրես «Երկնից արքայութիւն»ը, որուն նշանակութիւնը ինք կ'հասկնայ միայն:

★
★

Դուք որ այսքան ջատագով կ'հանդիսանաք բնութեան օրէնքներուն վրայ յենելու, ինչո՞ւ կ'մոռնաք թէ օրէնք կայ նաեւ պարզեներու բաշխումին մէջ: Աստուած իր ճամբան ունի մարդուն օգնելու համար: Տղայ մը փափաք կ'յայտնէ իր հօրը որ իրեն շնորհէ իր բոլոր գիտութիւնը, հմտութիւնը եւ ուսումը: Այլ հայրը կ'ըսէ, «Ո՛չ, տղաս, փափաք յորժ գովելի է, բայց այդ բաները չեն կրնար անմիջապէս որուիլ: Ես պիտի խնամեմ, հոգամ քեզ, պիտի օդնեմ որ շարունակես ուսման ընթացքը: Առանց ինծի չես կրնար ձեռք ձգել ի՞նչ որ կ'խնդրես, բայց չես կրնար նաեւ՝ առանց յարատեւ աշխատութեան»: Մենք կ'խըն-

դրենք երբեմն որ ծառ մը տնկուի օդին մէջ, աճի վերէն սկսելով, ու պատող բերէ առանց ծաղկելու, առանց ընձիւղելու:

★

Կան աղօթքներ եւս որոնց մենք, աղօթողներս, պատասխանելու ենք: «Հէ, ուռեմն ի՞նչու աղօթել»: Այո՛, պէտք է: Աշակերտները աղօթեցին անգամ մը մեծ բազմութեան մը համար որ անօթի պիտի նուաղէր անապատ տեղոյ մը մէջ: Յիսուս ըստ, «Դո՛ւք տուէք ատոնց»: Այս է Քրիստոսի պատասխանը շատ անգամ մեզի ուղղուած: Մենք կ'աղօթենք, զոր օրինակ, աղօթատներու, որբերու համար: Նա կ'ըսէ, «Դուք տուէք անոնց»: Սակայն, եթէ մենք պիտի տանք ինչո՞ւ աղօթենք, ի՞նչ հարկ: Բայց քու բոլոր ունեցածդ քանի մը նկանակ ու քանի մը ձուկեր են, մինչ պէտքն անհամեմատ աւելի է: Աստուածոյ օրհնութիւնն անհրաժեշտ է քու չնչին նուէրիդ վրայ: Անոր զօրութիւնը հարկ է քու անշան ոյժիդ հետ կեանքի պայքարին մէջ: Պէտք է խնդրես, այլ առաջին քայլը գուն առնես դէպի կատարումը քու խնդրուածքիդ: Այս է անկեղծ աղօթքը: ու խոստմնալից աղօթքը անկեղծ աղօթքն է:

Աւելի չ'զբաղինք սկեպտիկներու հետ
որոնք չեն գիտեր ի՞նչ օրհնութիւն պահ-
ուած է աղօթքի մէջ, որոնք չեն գիտեր
այն հանդիպումը որ դէմ առ դէմ կ'բերէ
խեղճ մարդը ու բոլոր գեղեցկութեան, բա-
րութեան աղբիւրը: Զեն տեսեր այն կապը
որով մարդիկ այնպէս կ'յարին կեդրոնի մը
ինչպէս մոլորակները՝ արեւին, այնպէս որ
տիեզերքին բոլոր ծանրութիւնները չեն
կրնար վանել, նետել զայն դրութենէն գուրս:
Մինչ առանց այդ կապին ի՞նչ է մարդ,
բայց միայն հովէն քշուող խոփի մը, կամ
մշտածուփ ալիքներուն վրայ տարուգերող
անխարիսխ նաւ մը: Քրիստոնէութիւնը,
սիրելի սկեպտիկներ, քարոզուած վարդա-
պետութիւն մը չէ սոսկ, այլ կեանք է: Ապ-
րեցէ՛ք այդ կեանքը, եթէ ոչ չէք կրնար
հանչնալ զայն: Բեմին վրայ կայնող վար
դապետը քարոյախոսութեան ուսուցիչ մը
չէ: Ան «Աւետարան»ը կ'քարոզէ: Կամ ը-
սենք, Ան չ'քարոզեր, բայց կ'աւետարան-
կենթ մը որ ո՛չ միայն արդար՝ այլ ար-
դարացուցիչ է, ո՛չ միայն բարձր՝ այլ բարձ-
րացնող է, ազնուացնող է: Եկեղեցոյ պաշ-
տօնեան կ'հրաւիրէ քեզ հաւատալ, յուսաւ
Անոր, ընդունիլ զԱնիկա, հիմնել կեանք

Անոր կեանքին վրայ որպէս զի ապրիս:
Ի՞նչ կ'ըսես ասոր, Դուն իրերը ցոյց կուտաս,
փորձառութիւնը յառաջ կ'բերես: Բայց ահա'
իրականը, ահա' փորձառականը — Դիմէ՛
Քրիստոսի, ու պիտի ստանաս լոյս եւ կեանք:

**

Իսկ դուն, ո'վ աղօթող քրիստոնեայ,
շարունակէ՛ աղօթքդ, մի՛ վհատիր: Քու
Փրկիչդ կ'ըսէ քեզի որ այս այրիին պէս անե-
րես ըլլաս եթէ ինք դատաւորին չափ անի-
րաւ, մեղա՛յ, անողոք երեւի քեզի: Եթէ Ան
ուշանայ իսկ, դատաւորին չ'նմանիր. բնա՛ւ
Դատաւորը միտք չ'ունէր խնդրուածը շնոր-
հելու: Բայց քու Դատաւորդ անձկութիւն
ունի տալու քեզի, ո՛հ, անհօւնապէս աւելի
քան որչափ դուն կրնաս ընդունիլ: Հէք
այրին խոստում մը առած չէր, բայց նա բիւր
խոստումներ ըրած է քեզի: Քու Դատաւորդ
արդար է, իմաստուն ու բարի: Ան հայր է
առաւելապէս քան Դատաւոր: Եթէ լացնէ
քեզ, ինք ալ կուկայ քեզի հետ: Եթէ լուծ
մը գնէ ուսիդ վրայ, ինք կ'լծուի քեզի հետ,
զի լուծը մինակ չ'առնուիր: Նա անիրաւ
դատաւորին պէս չէ, որ երեսը չ'նայեցաւ
անօդնական այրիին, ու հետը անգամ չ'խօ-

սեցաւ, այլ քեզի հետ քաղցրութեամբ կը խօսի, Իր խոստումները կ'կրկնէ, քեզ կը յուսադրէ ըսելով, «Համբերէ՛, սիրելիս, համբերէ՛, բայց մի՛ տարակուսիր: Հաւատաւ՝ թէ քու իրական շահդ այս կ'պահանջէ: Ես կը հոգամ քեզ ու քուկիններդ: Գիտեմ քու հոգեկան պէտքերդ: Ամէն առաւօտ ու իրիկուն իմ բարութեանս ցողերը կ'զրկեմ ինչան իմ հոգածութեանս քու վրայ: Դուն կ'ապրիս իմ սրտիս մէջ, Եթէ ոսկիի պէս հալիս կըակին մէջ տակաւին աչքս քու վրադ է: Զ'պիտի թողում որ կորսուիս: Երբ այնքան յստակ, մաքուր ըլլաս որ քու մէջդ, որպէս թէ հայելիին մէջ, իմ պատկերս տեսնեմ, իսկոյն պիտի հանեմ ու քեզ իմ գանձատունիս մէջ պիտի պահեմ»:

Աշխարհ չ'գիտեր աղօթքը, չ'գիտեր ծեր աղօթքը, հաւատացեալ եղբայրներ: Աշխարհի որդիքը երբ կ'աղօթեն, կ'խնդրեն ի'նչ որ մայր մը Թրիստոսէ խնդրեց իր երկու սիրական զաւակներուն համար — «Բաէ՛ որ այս իմ որդիքս նստին մին աջ՝ ու միւսը ձախ կողմդ Քու արքայութեանդ մէջ»: Ու կ'զարմանան որ կ'ընդունին սա պատասխանը — «Զէք գիտեր ի'նչ կ'խնդրէք»: Բայց դուք, երբ հարցուի ձեզի թէ ի'նչ

կ'ուզէք, ըսէ՛ք — «Ի'նչ որ Դուն կ'ուզես, Տէ՛ր»:

Քու ամէնէն անշարժ, հաստատուն կըուանդ, ամէնէն վատահելի հիմդ այս է — խոստումն Թրիստոսի — «Խնդրեցէք եւ տացի ձեզ»: Կառչէ՛ Անոր: Նա որ վերերէն եկաւ, որ երկինքին ու ըոլոր տիեզերքներուն օրէնքները գիտէր, որ բնութեան զեկը կ'վարէր, Նա որ իր անձին մէջ յայտնեց զԱստուած — բոլոր օրէնքներուն եւ գաղտնիքներուն ակն — Նա ինք ըսաւ, ու խօսքերու ամէնէն աղջու ձեւովը, առակներու եւ օրինակներու ամէնէն համոզիչ տեսակովը — «Պարտ է յամենայն ժամ կալ յազոթս եւ մի՛ ծանծրանալ»:

ԴԱԼՍԵԱՆ

ԱՅՍՈՐՆ ՈՒ ՎԱՂԼ

Քրիստոսի փառօք եւ զօրութեամբ գալուստը միւս անգամ՝ մին է Աւետարանի այն ճշմարտութիւններէն որք յայտնութիւն կ'կոչուին։ Ու յայտնութիւն մը չենք կրնար ո՛չ տարակոյսի ո՛չ խնդրոյ ներքեւ ձգել թեթեւութեամբ։ Քանզի Աւետարանը զերք չէ. յայտնութիւն է։ Ու յայտնութիւն մը կը դադրի յայտնութիւն ըլլալէ եթէ անոր ծագումը կամ հեղինակութիւնը դադրի աստուածային ըլլալէ։

Մի՛ աճապարեր. դուն չես կրնար քու սովորական մեթուններովդ քննութեան առարկայ ընել զայն։ Բոլոր այն սկզբունքներովը, զորս ի կիր կ'արկանէ իմաստասիրութիւնը, դուն չես կրնար ճշդել, վճռել անոր ստուգութիւնը կամ անստուգութիւնը։ Անոր հիմն ու հաստատութիւնը ինքն է

— Աւետարանը։ Քու ձեռքիդ պզտիկ կանգուններովը կարող չես չափել անոր անսահման տարածութիւնները, վերքորիանիանզա լիճը չէ Աւետարանին աղբիւրը որուն կարենաս հասնիլ մարդկային ընթացքով։ Կենաց գետն կ'բղիսի նեղոսի ակունքն շատ հեռի ու շատ բարձր Ակունքէ մը — Աստուծոյ գահուն ոտքէն։

Ի՞նչ, հիմ կ'փնտոես Աւետարանի այս յայտնութեան — Գալստեան ցեառն մերոյ եւ դատաստանի աւուր։ Անոր հիմը ինքէ, Աւետարանը։ Ու Աւետարանը Քրիստոս է — հինաւուրց Վէմը։ Ճշմարտութիւն կը փնտոես։ Անոր պէս ճշմարտութիւն չ'կայ, սակայն։ Ինք է «Ճշմարտութիւն»ը։ Ո՞ր ճշմարտութիւնով պիտի ճանչնաս ճշմարտութիւնը։ Լոյսը տեսնելու համար լոյս չենք ուզեր։ Ճրագի՞ն, մոմի՞ լոյսերուն վստահելով պիտի գոչենք — «Ահա՛ Արեւը»։ Արեւն է աղբիւրը բոլոր լոյսերուն։ Ու Ան է աղբիւրը բոլոր ճշմարտութեանց։ Նայեցէ՛ք, սպի մը կա՞յ Անոր վրայ. Խաւարի հետք մը կ'գտնուի՞ Անոր մէջ։ Հապա Անով կը տեսնենք ստուերը, իրերը կ'որոշենք, գեղեցիկն ու տգեղը կ'զանազանենք, ուղիղն ու մոլորը, սուսն ու իրաւը կ'փորձենք։

Սնոր լոյսին տակ վճիռ կ'արձակենք—«Ահա՝
բարին, ահա՝ վսեմն, ահա՝ ճշմարիտն»:

★

«Գալստեան» — ի՞նչ նիւթ է այս: Շատ
տարօրինակ է, օտա՞ր է բառը, քիչ մ'ալ
արտառոց, այնպէս չէ: Ո՛րչափ ալ խորթ
կ'ճնչէ ականջիղ: Բայց Աւետարանն ալ,
թերահաւատ ընթերցողս, հա՞րկ է կրկնել
միշտ թէ սովորական զիրք մը չէ, ու չ'պա-
րունակեր սովորական նիւթեր: Ս. Աւետա-
րանը չ'սահմանափակուիր միայն ներկայ
իրերով, միայն «այսօր»ով: Յաւիտենական
դիրքն է այն, ու յաւիտենականութիւնը
կ'ընդգրկէ: Մատեանն է այն մարդկային
ապագայ ճակատազրին ինչպէս նաեւ՝ ներ-
կային: «Ամէն բանի օդտակար» Հատորը
որ ներկային ու միանգամայն հանդերձեա-
լին խոստումները ունի:

Միայն Գալստեան վարդապետութիւնը
չէ սակայն որ տարօրինակ կ'թուի: Ամ-
բողջ դիրքը արտակարգ է: Միայն հրաշ-
լիքներ չ'պատմեր այն: Բոլոր տողերը անոր՝
հրաշլիքներ են, անհամ՝ իր բոլոր պա-
րունակութեամբ: Եեղում մը, խոտորում մ'է
այն մարդկային բոլոր աեառութեանց ուղ-

դութենէն: Եթէ այսպէս չ'ըլլար, այն ատեն
պիտի ըլլար տարօրինակ տարօրինակու-
թիւն մը, քանի որ մարդկային զիրք չէ այն:

Ահա՝ համար մը զոր, ի միջի պլոց, այսօր
եկեղեցին կ'ընթեռնու — «Ձեզ պիտի սպան-
նեն, ատելի պիտի ըլլաք. բայց ձեր զլխէն
մազ մը պիտի չ'կորսուի» (Ղուկ. Ի. Ա. 16—18):
Տարօրինակ չէ՞ այս — «Մեռնիլ, ու մազ մը
չ'կորսնցնել»: Դուն կրնա՞ս ըսել մէկուն
— «Քու բոլոր ունեցածներդ պիտի կորսըն-
ցնես, բայց բան մը պիտի չ'պակսի»: Աւե-
տարանը կրնայ ըսել: Կրնայ ըսել նաեւ
— «Բան մը պիտի չ'ունենաս, այլ ուրիշները
պիտի հարստացնես»: Պիտի մեռնիս, բայց
պիտի ապրիս — ո՞վ կրնայ ըսել Աւետարա-
նէն ի գատ: Քու խեղճ բառզիրքդ չ'կրնար
բաւական բառեր հայթայթել որ ապրիլը
սահմանէ, նշանակէ: Կեանքի համանշանակ
բառ չ'կայ հոն: Կեանքը Աւետարանին մէջ
է: Ու այն կ'յայտնուի անոնց որ ծոնը կը
դնեն իր ոտքին տակ սորվելու համար
«ճշմարտութեան տարօրինակութիւն»ները:

★

«Եւ յայնժամ տեսցեն զՈրդի Մարդոյ
ելեալ ամպովք, զօրութեամբ եւ փառօք

բաղմօք»։ Ահա՛ Սւետարանին յայտնութիւնը։ Սոսկալի չէ՞ այս յայտնութիւնը։ Այո՛, բայց ո՞վ կ'սոսկայ արդարութենէն — գալու դատաստանէն։ — Ան որ անիրաւութիւնը կը սիրէ եւ արդարութիւնը կ'ատէ։ Ո՞վ կը փախչի լոյսէն։ — Ան որ կ'կոչուի «խաւարի որդի» որուն ամօթալի գաղտնիքները լոյսը երեւան կ'բերէ։ Բոլոր Սւետարանը սոսկալի է անոր։ Այլ ո՛չ, սոսկալի չէ այն, միսիթարութիւն է, մանաւանդ ակնկալութիւնն ու յոյսն է անոնց որոնք հաւատացին Անոր բերնին խօսքին, Անոր խոստման։ Հաւատացին Անոր գալստեան իբր Դատաւորբոլոր աշխարհի։ Ո՛չ, չեն սոսկար անոնք որ ապրեցան ակնկառոյց կեանքով Անոր յայտնուելու օրուան։ Որոնք չ'ըսին իրենց սրտին մէջ — «Տէր իմ յամէ զգալ։ Ան կուգամ ըսաւ, ու չ'եկաւ։ Պարապ խօսք է։ գալիք չ'ունի Ան, եկող գացող չ'կայ։ Ո՛չ դատաստան կայ ո՛չ ատեան։ Եկէ՛ք, ուտենք, խմենք, ուրախ ըլլանք։ Եկէ՛ք, խաքենք, ստենք, կեղծենք. ո՞վ կ'տեսնէ մեղ։ Ամէն ըան ընենք, միայն թէ չ'յայտնուինք. մեղքը յայտնուին է։ Ապադայէն մի՛ վախնաք։ Հանդերձեալի, յայտնութեան մի հաւատաք։ կեանք իմ՝ կեանք յայսմ աւուր»։

կեանքե՛ր՝ «այս աւուր», կեանքե՛ր՝ ապուած ստորին ախորժակներու համար։ Ո՛հ, անասնական կեանքեր չե՞ն ատոնք, որոնց տիեզերքը իրենց մարմինն է, որոնց յաւիտենականութիւնը իրենց «այս աւուր»ն է, որոնց երկինքը իրենց քսակն է, որոնց Աստուածը իրենց որովայնն է։ Խոզերուն թողէ՛ք այդ կեանքը։ Յարդով չ'սնանիր հոգին։ Հովով չ'կերակրուիր մարդը։ Մի՛ պարաբէք մարմինը, մի՛ սպաննէք զայն որ վեր է մարմինէն։ Զեր ուրախութիւնը թշուառացումն է անոր որ «մարդ» կ'կոչուի։ Զեր կերուխուան, վայելքն ու հաճոյքը լափումն է բարձրագոյն բնութեան, կրծումը՝ լաւագոյն, ճշմարիտ կեանքին։ Զգայականէն վեր հոգեկանը կայ. մի՛ զոհէք զայն խոնարհագոյնին։ Մի՛ թունաւորէք միտքը ապականուած ընկերութեամբ կամ աղտոտգրականութեամբ։ Միտքը չ'բարձրանար, չ'սաւանիր, չ'բեղմնաւորիր երկրի ճախճախուտներուն մէջ։ Ընտրեցէ՛ք անոր համար վերին մթնոլորտները վճիտ ու մաքուր։



«Եկէ՛ք, ուտենք, արբենանք, զի Տէրն իր գալուստը ուշացուց»։ Բայց ո՛չ, ո՞վ

յիմար ծառայ, գիշերուան պահերն արագ կ'անցնին, ժամերը կ'թուին. Ու մինչ զուն թմրած, ընդարմացած ես կեանքին անուշ հեղտանքներովը. մինչ զուն վայելքի սեղանիդ շուրջ յզփացած, յափրացած՝ ամբարտաւանութեամբ կ'խօսիս քու ծառայակիցներուդ հետ, կ'անտեսես բարձրագոյն կոչումդ ու սրբազն պաշտօնը կեանքիդ. մինչ զուն, կ'ըսեմ, թաղուած, ընկղմած քու եսիդ մէջ, քեզի արուած պատուէրները կ'մոռնաս, զանց կ'առնես բոլոր պարտականութիւններդ. մինչ վերջապէս կ'նիբհետ ապագայ փայլուն ծրագիրներու, երազներու օրօրումսվ, ահա՛ գիշերուան մէկ անսպասելի պահուն կամ օրուան հանդարտ, խաղաղիկ մէկ ժամուն, բարձրէն եկող ձայն մը կ'սասանեցնէ քեզ. ահա՛ զուոը կ'բացուի ահեղ շառաչիւնով, ու ներս կ'մտնէ Ան որ «զալոց էր» — քու Տէրդ, ու «մէջ տեղէն կ'կարէ» քեզ:

Չ'մոռնանք մեր հաշիւներուն, մեր խորհուրդներուն մէջ Անոր գալուստը որ ամէն վայրկեան հնարաւոր է, եւ որ պիտի ըլլայ յանկարծ: Այս ըմբռնումով ծրագրուած կեանքը ամէնէն իմաստուն կեանքն է: Մէնք չենք կրնար վճուել մեր անձերուն համար:

Վճիոը բարձրէն կ'բղխի: Յիմարովթիւն է ըսել, ինչպէս ատենօք ըսաւ հարուստ մը, «Ո՛վ անձս, շատ բարիքներ ունիս շատ տարիներու համար, կե՛ր, խմէ՛ եւ ուրախ եղի՛ր»: Այլ ուրիշ անձ մը ըսաւ — «Անմի՛տ, այս գիշեր հոգիդ քեզմէ պիտի պահան. ջուի»: Եթէ բաւական դրամ ունիս քսակիդ մէջ, բաւական բարիք՝ տանդ մէջ, ու ապահով ապագայ մը. այլ ապագան քուկդ չէ: «Վաղուան համար մի՛ պարծիր», զի «վաղիւն ոչ զիտես»: Եթէ կարող ես զիզել շատ բարիքներ, բայց կարող չես զիզել տարիներ: Կեանքին տարիներն ու օրերը քու տեսչութեանդ ներքեւ գրուած չեն:

Մի՛ հպարտանար որ շատ ճարպիկ ես, կրնաս վրայէ վրայ շարել ոսկին, բայց չես կրնար մէկ օրը միւս օրուան վրայ բարդել: Կրնաս թերեւս զիրք մը շինել, բայց կարող չես կեանք մը շինել: Կրնաս ըսել, «Նատ հարստութիւն, շատ ստացուածք ունիմ», այլ չես կրնար ըսել նաեւ «Նատ օր, շատ ժամանակ ունիմ»: Դուն չես ժամանակին տէրը, անմի՛տ: Նատ բան ունիս, այլ գիշեր մը չ'ունիս քու տրամադրութեանդ տակ — «Այս գիշեր հոգիդ քեզմէ պիտի պահանջուի»: Այս օրուան ու վաղուան մի-

ջեւ զիշեր մը կայ — սեւ դետ մը որուն
մէջ կրնաս իյնալ ու ընկղմիլ դուն քու
բոլոր երազներուդ, պատրանքներուդ հետ:

Քու որոշումէդ վեր որոշում մը կայ, քու
վճիռէդ բարձր ու անկախ վճիռ մը կայ. կը
մոռնա՞ս: Դուն քու ճաբադ ունիս, Աստուած
ալ իր ճամբան ունի: Քու ծրագիրներդ կը
մնան, եթէ համածայն են անոնք Աստուծոյ
գծած ծրագրին. եթէ ոչ Աստուած քու դի-
մացդ կ'ելլէ, մինչ դուն իրագործելու կ'եր-
թաս կեանքիդ յատակաձեւերը, ու կ'բռնէ,
կ'բգկտէ զանոնք ամէնը: Կ'աղաչեմ մի՛
մոռնար քու ծրագիրներուդ մէջ Մէկը —
ԱՍՏՈՒԱԾ: Մի՛ կարծեր թէ Ան կ'քնանայ,
կամ կ'մոռնայ իր գալուստը: «Երկինք
երկիր անցցեն եւ բանք իմ ոչ անցանի-
ցեն»: Նա պատգամաւոր մը չ'դրկեր իր գա-
լուստը իմացնելու: Նա կուգայ յանկարծ,
գիշերուան գողի մը պէս: Երանի՛ ծառային
որուն Տէրը եկած ատեն զինք արթուն ու
պատրաստ կ'գտնէ:

*
**

Ուրեմն ի՞նչպէս պէտք է ապրիլ այս աշ-
խարհիս մէջ: Աստուածաշունչի բանաստեղծ-
ներէն մին երգած է դարեր առաջ — «Անանկ

152

սորվեցուր ինծի իմ օրերս համրել որ սրտի
իմաստութիւն ունենամ»: Կեանքի փիլիսո-
փայութիւնն է այս, ապրելու գիտութիւնը,
«սրտին իմաստութիւն»ը — օրերը համրել:
Եյլ աւելի զերազանց բանաստեղծութիւնն է կենդանի,
որ ոգին ու ներշնչութիւնն է բոլոր ճշմարիտ
բանաստեղծութեանց, նա որ ուրիշ ոչինչ
կրնար կոչուիլ, բայց միայն Որդի Աստու-
ծոյ, սապէս ըսաւ — «Արթուն կացէք, յա-
մենայն ժամ աղօթս արարէք»: Քանզի նա
կուգայ երբ դուն շինելով կ'զբաղիս — շինե-
լով դրամ, շինելով գիրք, շինելով դղեակ-
ներ: Ան կուգայ երբ դուն կարգադրելիք
դործեր ունիս, երբ հաշիւդ փակած չես,
նամակդ վերջացուցած կամ ստորագրած
չես, գիրքդ աւարտած չես, շրջանդ լրա-
ցուցած չես, երբ գեռ հրաժեշտ տուած չես
մէկուն, երբ անպատրաստ ես, երբ լապ-
տերիդ համար կաթիլ մը իւղ գնած չես:
Ո՛հ, նա կուգայ յանկարծ, առանց քեզի
հարցնելու: Նա կուգայ, ու բնաւ ետ չ'դառ-
նար պարապ: Նա կ'կայնի գիմացդ, ու ահ-
ուելի բառ մ'ունի բերանը — իիմա — «Հիմա
քու հոգիդ քեզմէ կ'պահանջուի»: Ու դուն
չես կրնար ըսել, «Ո՛չ»: Զես կրնար, չես

153

կրնար մերժել: Մահու հրեշտակը ականջ
չունի, չ'լսեր պաղատանք, չ'լսեր ոչ մի
ձայն, անողոք է:

Այս աշխարհէն ու անոր բոլոր հրապոյր-
ներէն մեկնումի օր մը կայ. մի՛ մոռնար:
Քեզի հետ չեն երթար քու ստացուածքդ:
Մշակէ՛, ազնուացո՛ւր, սրբացո՛ւր միտքդ,
սիրտդ, զգացումներդ ու փափաքներդ —
բոլոր այն տարրերը որ հոգեւոր մարդը կը
շինեն, ու ճշմարիտ, քրիստոնէական նկա-
րագիրը կ'յօրինեն: Ահա՛ անոնք կ'երթան
քեզի հետ: Դի՛ր յոյադ Աստուծոյ վրայ —
Աստուծոյ՝ որ յայտնուած է յանձին Յիսուս
Քրիստոսի, որ խաչին վրայ Փրկիչը ու
Քաւիչը եղաւ մեր անձերուն: Թալէ՛ այն
ճամբուն մէջ զոր Աստուծոյ անսխալելի
մատը ցոյց կուտայ: Անոր Գիրքը, Շունչը
Անոր — Աստուծաշունչ մատեանը — Կեան-
քեդ խորհրդական ու քայլերուդ ճրագ ըրէ՛:
Ապրէ՛ իբր յաւիտենականութեան մարդ:
Վերջապէս, «Արթուր կացէ՛ք, զի ոչ զիտէ՛ք
յորում ժամու Տէրն ձեր գայ»:

ԽԱՂԱՋԱՐԴ

ՊԱՐՉՈՒՍԾ ԳԱՂՏՆԻՔԸ

Ծաղկազարդն եկաւ, ծառերը ծաղկե-
ցան, ծաղկազարդեցան, դաշտերն ու բլուր-
ները կանաչացան: «Ահա՛ ձմեռն անց, անձ-
րեւք անցին եւ գնացեալ մեկնեցան, ծա-
ղիկք երեւեցան, ձայն տատրակի լսելի
եղեւ յերկրի մերում»: Ո՞վ Սարօնի ծաղի-
կը, հովիտներու Շուշանը, ե՛լ, ո՞վ տիեզեր-
քին Փեսան, ո՞վ սպիտակ ու կարմիր Սի-
րական, բոլոր մարդոց Յանկալին, բիւրե-
րու մէջ ընտրեալ: Դուրս ե՛կ արեւի վրանէդ,
ո՞վ բարձրերուն հզօր Մարդը, որոյ ելքը
երկնից անծագ ծագերէն ու երկրի անծայր
ծայրերէն է, որոյ ոտից տակ գալարուն
ամպերը կ'փոռուին, որոյ անցած ճամբուն
վրայ այսն իր ճաճանչափառ շափիւղաները
կ'թափէ, արշալոյսն իր ծիրանագեղ հան-
դերձները կ'տարածէ: Փայլակն ու հովերը
կ'լծուին Անոր կառքին որուն հանած փոշին
լոյսն է, շոխնդն՝ ամպրոպն ու որոտումն

Են: Ու կ'անցնի շող շառաւիդներու ծիածա-
նածաւալ կամարներուն ներքեւէն, կ'անցնի
Լոյսը լոյսերու վրայէն սահելով, կ'անցնի
Փառքը փառքերու վրայ կոխելով:

ԿԱՐՄԻՔՆԵՐԸ ՓԱՌԱՍԵՐՆԵՐՈՒՆ

Ա/լ տեսէ՞ք, ահա՛ Ան: Աննշան տնակի
մր խոնարհ սեմերէն դուրս կ'զնէ ոտքը:
Հրաժեշտ կուտայ Բեթանիոյ գեղջուկնե-
րուն: Աշակերտներու ցանկին մէջ անուն
չ'ունեցող, ամէնուն անծանօթ բայց իրեն
ծանօթ գաղտուկ բարեկամի մը աւանակին
վրայ կ'նստի, ու ճամբայ կ'իյնայ դէպի Ս.
Քաղաքը: Փառասէր աշակերտաց եռանդը
կ'բորբոքի, ո՛վ գիտէ, ի'նչ ոսկեղէն երադ-
ներու օրօրումով: Առաջին անգամ է որ կը
տեսնեն Վարդապետը այսքան իշխանական
վայելչութեամբ: Քայլ առ քայլ մօտենալ
կ'կարծեն իրենց ապագայ յոյսերուն հեռա-
նկարին: Նա ո՞ր տօնին առթիւ անասունի
վրայ հեծած, մինչ այլք հետի կ'քալէին,
ամէնուն աչքին ուշագրաւ գնացքով երուսա-
ղէմ մտած էր: Կը փսփսան իրարու ականջն
ի վար—«Կ'հասկնա՞ս»: Ու միւսը մատը բեր-
նին դնելով — «Այո՛, այո՛, ձայն մ'ըներ.
ամուր պոռացէք Ովսա՛ննա...»: —«Զե՞ս գի-

տեր, Յովհաննէս, կ'ըսէ կամացուկ մը, անոր
մօտենալով Պետրոս, որ ուրախութենէն
խելքը գլխէն թոցուցած է, չե՞ս յիշեր երբ
անգամ մը վար կ'իջնէինք այն լեռնէն ուր
Անոր մէկ գաղտնիքը, փառաւոր այլակեր-
պումը, տեսանք, մեղի չ'արգիլե՞ց որ մէկուն
չ'ըսենք»: — «Այո՛, սիրելի բարեկամս, Սի-
մոն, միայն մէ՞կ անգամ. քանի՛ քանի՛
հեղ խստիւ պատուէր տուաւ որ մէկու մը
չ'իմացնենք մեր տեսածները»: — «Խուսա-
փուկ լոյս մ'էր, եղբայր . . . բայց նայէ՛,
կ'ըսէ Սիմոն, ականջին ծոելով, տե՛ս ձայն
կ'հանէ՞ ի'նչ որ ալ կանչենք, ի'նչ որ ալ
ընենք իրեն ի պատիւ Օ՛հ, աղաղակենք . . .
շիտակ Դաւիթի տունը, Գահուն վրայ — ով-
սա՛ննա. օրհնեալ է ան որ Տէրոջը անուամբ
կուգայ. ովսա՛ննա ի բարձունս»:

Քանի կ'մօտենան քաղաքին բազմու-
թիւնը կ'աւելնայ, ոգեւորութիւնը կ'սաստ-
կանայ: Աշակերտք արբշիո իրենց խանդա-
վառութեամբ՝ չեն գիտեր թէ ի'նչ ընեն որ
փառաց գագատնակէտը հանեն իրենց Տէրը,
զի գիտեն, եւ մինակ իրենք գիտեն (!) թէ
ինչո՛ւ կ'երթայ երուսաղէմ: Ինչ որ ունին
սակայն, խեղճերը — վրանուն ձորձերը,
կիսամաշ կապաները — կ'հանեն, կ'փոեն

Անոր ճամբուն վրայի Մառերը կ'շուլուին,
ձիթենիներն ու արմաւենիները կ'կեղեւեն,
կ'փեթոտեն, վար կ'լեցնեն: Պատիւներ ըն-
ծայել կ'ուզեն Անոր որ քիչ յետոյ ի՞նչ
պատիւներ չ'պիտի ընծայէր իրենց, ի՞նչ
փառքեր, ինչե՛ր, ինչե՛ր: Աղմուկը կ'աւել-
նայ, կ'ընդարձակի: Իրենց կ'խառնով ժո-
ղովրդեան բազմութիւնը, ամբոխին ժխորը,
որուն մէջ, ամէնուն գլուխներէն վեր, ամէ-
նուն աչքին տեսանելի, հեզ կենդանիի մը
վրայ նստած՝ անշշուկ կ'ընթանայ մինչեւ
Սիօնի դռները: Կ'երթայ Ան, «Խաղաղու-
թեան իշխան»ը:

ԱՆՓԱՌԱՍԽՐ ՄԱՐԴԼ

Կ'ցաւի՞ս թէ՛ կ'ծիծաղիս քու աշակերտ-
ներուդ այս կարճ, ծանծաղ ու աշխարհիկ
խորհուրդներուն վրայ, ո՞վ անփառասէր
չոզի, Աստուծոյ Օծեալը: Խորհուրդներ՝ ո-
րոնցմէ այնքան բարձր են թու խորհուրդներդ
որքան երկինքը՝ երկրէն: Զե՞ս ըսեր մտքիդ
մէջ — «Իմ ճամբաս ձեր ճամբան չէ»: Ու
ո՞րքան արժէք կուտաս արդեօք, ո՞րքան
կարեւորութիւն՝ ժողովրդեան եռանդուն
արտայայտութեանց, այն բարձրագոչ «ով-
սաննա»ներուն, որոնց Դո՛ւն դիտես թէ

ի՞նչ աղաղակներ պիտի յաջորդեն մէկ
երկու օր վերջ:

Ա՛խ, Յիսուս, ո՞ւր էր մեզի ալ տայիր
այդ հոգիէն որ Հյափշտակուէինք մարդոց
գովեստներէն, վաղանցուկ հիացումներէն,
որ հոգի Հ'տայինք այն փառքերուն համար
զորս մարդիկ կ'ընծայէն: Հասկնայինք թէ
ո՞րքան փոփոխական, ո՞րքան անհաստատ,
ո՞րքան յեղեղուկ ու ո՞րքան ունայն են
անոնք: Ըսէինք Քեզի պէս — «Ես մարդոց-
մէ փառք չեմ վնտուեր»: Ո՞հ, ո՞ւր էր թէ
իմաստութիւնը ունենայինք՝ մարդոց փառքը
Աստուծոյ փառքէն աւելի չ'սիրելու:

ՓՈՐՉՈՒԹԵԱՆ ԲՈՎԻՆ ՄԷՋ

Քրիստոս, ո՞վ Խաղաղութեան իշխանը,
Քեզի Հ'մօտեցա՞ւ Փորձիչը, «այս աշխարհիս
Բշխանը», Սատանան, հինաւուրց օձը, ինչ-
պէս անապատին մէջ ծոմի ու աղօթքի օրը.
Հշողացո՞ւց նորէն նոյն հին սարսափելի
գէնքը, տարակոյսի, թերահաւատութեան
յօշոտիչ սուրը — «Թէ որ»ը — «Թէ որ Աս-
տուծոյ Որդին ես...»: Ու հիմա այս պա-
տիւներու եւ գովութեանց շոայլումներուն
մէջ չեկա՞ւ նորէն, ո՞հ, արիւնալի սիրտ,
ըսելու անձանաչելի ձայնով մը, որպէս թէ

հրեշտակի բերնէն, որպէս թէ Աստուածաշունչ Գրքէն, որպէս թէ Քու սրտէդ բղխած — «Ահա՝ այսպէս, թէ որ Իսրայէլի Թագաւորն ես, ալսպէս կ'վայելէ, կ'տեսնէ՞ս, ի՞նչ հիացում կ'գրաւես: Օ՛հ, ի՞նչ հրապուրիչ, ի՞նչ նախանձելի բան է այս աշխարհի վայելքը: Ի՞նչ բանի համար կ'երթաս Յուղայի հին քաղաքը . . . ա՛հ, փոխէ՛ միտքդ: Քու Հայրդ Հ'փառաւորուիր այդ արիւնակարմիր ծրագրիդ իրագործումովը: Թո՛ղ սա սեւ, տխուր խորհուրդներդ: Քչէ՛ հեծած կենդանիդ հո՛ն — շիտակ գաւիթը Դաւիթի արքայական Տան: Տե՛ս, ո՛րքան պատրաստ է ժողովուրդը զրկաբաց ընդունելու Քեզ: Յարմարագոյն ժամը կը հնչէ: Օ՛ն, յառաջացի՛ր, չէ՞ որ Դուն Մեսիան ես, Քեզի հետ չե՞ն աներեւոյթ բանակները երկնային զօրաց: Քեզի համար զրուած չէ՞ միթէ թէ «հրեշտակներ իրենց ձեռքերուն վրայ պիտի վերցնեն»:

Օրհնեա՛լ Քրիստոս, ո՛վ որ Քեզի չ'հաւատար կոյր է, աշխարհիս մէջ բոլոր կոյրերէն աւելի կոյր: Մարդ մը, Եէյքսիր անուն, ըսած է, «Տգիտութեան պէս կուրութիւն չկայ»: Այլ Քեզի նկատմամբ անգիտութեան պէս խորունկ կուրութիւն չկայ:

Ո՞վ աչք ունի ու չ'տեսներ թէ այս փորձութեան մահկանացու մարդ չէր կրնար դիմանալ: Այս փորուած փոսին մէջ ամէն մարդ կ'ինար. միայն Դուն ցատկեցիր, անցար անոր վրայէն: Միայն Դուն կոխեցիր այդ կրակին վրայ ու դուրս եկար այդ հնոցէն, բովէն դուրս ելլող ոսկիի պէս: Օ՛հ, այս աշխարհի մէջ ձգող գօրսւթիւնը, ծանրութեան կեդրոնն անձնասիրութիւնն էր: Մանօթ էր մէկ առանցք մը — անձը — որուն շուրջ կ'թաւալէր բոլոր մարդկութիւնը: Դուն փոխեցիր կեդրոնը բարոյական դրութեան: Դուրս հանեցիր «անձ»ը որ միտում ու փորձութիւն ունէր հակելու դէպի ծանրութեան կոդրոնը: Դատարկեցիր, պարպեցիր կեանքը եսէն: Անընկճելի Ըմբիշը մօտեցաւ մարտնչիլ Քեզի հետ, բայց տեսաւ որ Դուն իւղով օծուած ես, Օ՛ԾեԱլ ես, բռնելիք տեղ մը չունիս, եւ յուսահատ մոնչիմով հեռացաւ կատաղի Առիծը: Ուրիշները շարժող, մղող սկզբոնքներէն տարբեր էին այն սկզբունքները որոնցմէ Դուն առաջնորդուեցար: Այլք կը պատին բարիք փնտուելու, Դուն շրջեցար բարիք ընելու: Այլք կ'ուզեն ընդունիլ, առնել, Դուն կ'ուզէիր բաշխել: Ուրիշներ սոր-

վեցուցին, «Լաւ է առնուլ քան տալ»: Դուն քարոզեցիր, «Լաւ է տալ քան առնուլ»: 0'հ, ո'րքան իրաւունք ունէիր ըսելու, «Այս աշխարհի իշխանը բան մը չ'ունի իմ վրաս»: Բու եւ բոլոր մարդոց Ոսոխը գպաւ սրտիդ ամէնանուրը թելերուն, ու տեսաւ թէ չեն թրթուար անոնք. փառասիրական թելերը անոր մէջ ձայն չեն հաներ: Տեսաւ թէ անձնասիրութիւնը արձագանդ չ'տար: Փընտոեց թել մը վրան աղեղը քսելու համար, ու չ'զտաւ: Տեսաւ թէ աշխարհիկ եղանակներ անոր քնարին վրայ չեն զարնուիր, չեն հնչուիր: 0'հ, տեսաւ թէ ողջ տեղ մը չ'ունիս, Քեզի համար ապրիլը Աստուած է:

ԲՈՆՈՂ ՈՒ ԲՈՆՈՒՈՂ ԿԵԱՆՔԸ

Քրիստոսի հետեւող ժողովուրդ, ո'վ բարութեան, ճշմարտութեան, փրկութեան, կեանքի Սիօնի գացող ճամբորդներ, Փորձիչը կ'ապրի գեռ, կ'հալածէ, կ'հետապնդէ ինչպէս հալածեց զնա — ձեր հաւատքին Առաջնորդը: Ո'հ, ձեր մէջ մի՛ ապրիք դուք, թողէք որ նա ապրի. ձեր «ապրիլը ըլլայ Քրիստոս»: Անոր միտքը ձեր միտքն ըլլալ, Անոր ոգին՝ ձեր ոգին, Անոր սկըզ-

բունքը՝ ձեր սկզբունքն: Ան կամենայ ձեր կամքին մէջ, Ան զգայ ձեր սրտին մէջ: Ձեր կեանքին մէջ Անոր կեանքն ապրի: Եւ, օ'հ, այս կեանքն չ'փորձուիր, չ'բռնուիր, չ'հրապուրուիր, չ'յաղթահարուիր, չ'մեռնիր: Այսօրինակ կեանքն բարձր է, վսեմ է, գեղեցիկ է, բարի է, անմահ է, կեանքնիսկէ: Ցորչափ աշխարհի մէջ էք, Անոր մէջ եղէք — Քրիստոսի աշխարհին մէջ: Մինչեւ ճամբանիդ հատնի քալեցէք կոռւելով մեղքին դէմ որ ձեր մահն է — հոգիին մահը: Յարատեւեցէ՛ք աղօթքի մէջ: Միայն Մեծ Պահո՞ց մէջ պիտի աղօթէք: Աղօթքը, բարեպաշտութիւնը սէզօն չունին: Կեանքի չուկէտին ապահով հասնելու համար մէկ միջոց կայ — փարիլ Քրիստոսի, կառչիլ Խաչին, բռնել զայն ու, մեծ նկարչի մը հրաշակերտին՝ խաչը բռնած մարդուն պէս, գոչել «Կ'ԲՈՆԵՄ ՈՒ Կ'ԲՈՆՈՒԻՄ»: Յառաջցէ՛ք «բռնած ու բռնուած» կեանքով, մինչեւ որ մտնէք ներս նոր Երուսաղէմէն, ուր չ'կայ փորձութիւն, չ'կան ցաւ ու վիշտ: ուր չ'կայ խաչ, բայց միայն Խաչեալը: Յիրաւի, Տէր Յիսուս, Բու կեանքի ընթացքիդ մէջ անսովոր երեւոյթ մէր այս: Դուն չէիր ախորժեր ցոյցերէն: Դուն Կ'յան-

դիմանէիր զանոնք որ Քու մէջ ծածկուած Աստուծոյ գործքերը կ'հռչակէին, որ Քու գովեստդ կ'ընէին։ Բայց այս անգամ Դուն ինքդ կազմակերպեցիր այս հանդիսաւոր թափօրը։ Զ'արգիլեցիր ժողովուրդին զգացումի արտակարգ, անզուսպ պոռթկումը, մինչեւ իսկ կշտամբեցիր արգելք յարուցանողները — «Թէ որ ատոնք լոեն, քարերը պիտի աղաղակեն»։

Ի՞նչ է ՊԱՏՃԱՌԸ

Ի՞նչ է պատճառը։ Ու ձայն մը եկաւ — «Կ'ուզէի որ կեղծաւորները, ճշմարտութեան թշնամիները, լոյսը ատողները, հոգիով ու էութեամբ չարերը աւելի եւս գրգռուին, դուրս հանեն իրենց սրտին սեւը, վար առնեն դիմակնին։ Զե՞ս գիտեր որ Ես եմ քարը գայթակղութեան։ Զե՞ս գիտեր որ Իմ խաչս կոչուած է Խաչին գայթակղութիւնը։ Կ'ուզէի նաեւ, կրկնեց նոյն ձայնը, պատեհութիւն մը եւս, վերջին պատեհութիւն մ'ալ ընծայել անոնց, որ չ'ճանչցան Զիս, չ'հաւատացին ինծի. յամառեցան, մնացին իրենց կամակոր, ինքնահաճ կիրքերուն մէջ, իսկ անոնք որ անկեղծութեամբ լոյսը ու ճշմարտութիւնը կ'փնտուեն, սիրտ ունին

բարին ընդունելու, ի խնդիր են փրկութեան՝ միջոց տալ անոնց, ըսել այս կերպով, ըսել յայտնապէս թէ «Ահա՛ Ես, Ահա Մեսիան, Յոյսը հոգիներուն, իշխանը Խաղաղութեան, թագաւորը Կեանքին ու Յաւիտենականութեան։ Ո՛վ Երուսաղէմ, Երուսաղէմ, գոնէ այսօրուանդ մէջ զիանայիր քու խաղաղութիւնը. բայց հիմա ծածկուեցաւ Ան քու աչքերէդ»։

ԱՅՑԵԼՈՒԹԵԱՆ ՕՐԸ

Դուն չե՞ս լսեր այս այրող, մրկող, ուժգին ձայնը, ո՛վ կորսուած, թշուառ հոգի։ Պիտի չ'օգտուի՞ս այս պատեհութիւններէն, այս այցելութիւններէն։ Զե՞ս լսեր ձայնը Անոր. չե՞ս ճանչնար. մարդո՞ւ ձայն է այն. չի՞ նմանիր Աստուծոյ Որդույն ձայնին, ձայնին քու անձնուէր Փրկչիդ — «Ահա՛ Ես դուռը կայներ կ'բաղխեմ»։ «Ես ննջեմ, այլ սիրտն իմ արթուն կայ»։ «Ահա՛ իմ սիրելուն ձայնն է, դուռը կ'զարնէ, ու կ'ըսէ — Ո՛վ իմ աղաւնիս, իմ կատարեալս, բա՛ց ինծի. քանզի իմ գլուխս ցողով ծածկուեցաւ, ու վարսերս՝ զիշերուան շաղերով»։ Ո՛հ, խե՛ղճ սիրտ, պիտի փակե՞ս դուռներդ Անոր երեսին — Անոր որ սրտիդ բովանդակ

բաղձանքներն ունի: Օր կուգայ երբ դուն ալ
կ'կայնիս, կ'զարնես Անոր դուռը, որ «Ողոր-
մութեան Դուռ» կ'կոչուի, այլ կ'լսես ձայն
մը ներսէն — «Ես քեզ չեմ ճանչնար»: Երա-
նի՛ թէ գիտնայիր քու այցելութեանդ օրը:

ՓԱՌՔԻՆ ՃԱՄԲԱՆ՝ ԽԱԶԻՆ ՃԱՄԲԱՆ

Այլ Դուն գիտես, Քրիստոս, Տէր իմ, միայն
Դուն, թէ ո՛ւր կ'երթաս: Դուն գիտես թէ
փառքին ճամբան խաչին ճամբան է, կեան-
քին ճամբան ինքնանուիրութեան ճամբան
է: «Եթէ ոչ անկանի հատն ցորենոյ ինքն
միայն կայ»: Ու ան որ չ'մեռնիր իր փա-
ռասիրութեան, չ'մեռնիր իր կոյր բաղձանք-
ներուն, չ'մեռնիր իր նախանձին, իր ատե-
լութեան, իր ծարաւին՝ հաճոյքի ու մետա-
դի, իր պաշտումին՝ նիւթին ու աշխարհիկ
ցանկութեան, ո՛հ, ո՛վ որ չ'մեռնիր իր ան-
ձին, «իրեն»ին, ինք մինակ կ'մնայ, չ'աճիր,
չ'մեծնար, չ'ծաղկիր, չ'պտղաքերիր: Այս
ըմբռնումով, ո՛վ որ չ'մեռնիր՝ յաւիտեան կը
մեռնի:

ԻՆՉՈՒ, Ի՞ՆՉՊԼՍ

Ո՛վ հեղամունջ Գառնուկ, ինչո՞ւ, ի՞նչ-
պէս, ըսէ՛, ցնծութեամբ կ'քալես այդ առա-

պար, փշոտ, մթին ու ծամածուռ ճամբռն
մէջ — ճամբայ մը ուրկէ ոչ ոք անցած
է: Ինչո՞ւ, եւ ի՞նչպէս. մինչ Դուն գիտես
թէ այն կ'տանի, կ'հանէ Քեզ, ոչ թէ հօրդ՝
Դասիթի թափուր Գահուն վրայ այլ սեղա-
նի մը վրայ ուր ողջակէզի խոյերը կ'ել-
լեն, ուր քով քովի դրուած են հուրը
ու դանակը: Ահա՛ երեւան կուգայ շքեղ
քաղաքը, չերովդէսի կառուցած օդակար-
կառ աշտարակները: Ինչո՞ւ ի տես ա-
նոնց կ'յօւզուիս, կ'արտասուես, եւ ի՞նչպէս
չես տեսներ Գողգոթան, մթամած գագաթը
անոր: Ո՛հ, ինչո՞ւ չես լար այն ողբերգա-
կան տեսարանին վրայ, որուն ենթական
ինքդ պիտի ըլլաս չորս կարճ օրեր յետոյ:
Բայց հեռաւոր կորուսար կ'ողբաս այն քա-
ղաքին որ սուրը սրեր, ու աղեղը լարեր է
քու սիրակէզ, սիրազեղ սրտիդ ընդդէմ:
Ի՞նչ ձայն է որ կ'լսես բոլոր այն ցնծագին
աղաղակներուն մէջէն, որուն ի պատաս-
խան կ'ըսես վեր նայելով — «Ահա կուգամ.
Ինձի համար գրուած է Գրքին Տոմսին մէջ
Քու կամքգ կատարել, ո՛վ Աստուած»: Ու
միայն Դուն գիտես թէ ի՞նչ է այն կամքը,
Անոր կամքը:

Ո՛հ, Տէր Յիսուս, ինչո՞ւ, ի՞նչպէս: Դուն

չե՞ս գիտեր ինչե՛ր պահուած են թեղի համար հոն ուր առանց կանգ առնելու, առանց տնտնալու, անմրմունջ, անխռով, անվրդով կ'յառաջանաս: Կ'գողամ, կ'ապշիմ, կ'զմայլիմ այս ընթացքիդ վրայ: Ասոր պէս զնացք մը, անցք մը կատարուած չէ աշխարհի մէջ: Համբուրելս կուզայ թու քայլերդ: Այսքան փառաւոր չէ արեւուն զնացքը կապոյտ շաւիդներուն մէջ երկինքին: Աստուծոյ զնացքն է այս մեր հողերուն վրայ: Այս տեսարանին հանդէպ կ'ուզեմ երգել, բոլոր ձայնովս պոռալ քան խօսիլ կամ խորհրդածել: Կ'ուզեմ լոել, եւ կամ արտասուել:

Ո՞Վ

Ո՞վ կ'արազացնէ թու քայլերդ, Փրկիչս: Նժոյգ չէ այն որուն վրայ նստեր ես: Ո՞չ. Դուն կառք չ'ունիս, ոչ ալ հովերը լծուեր են անոր: Ո՞վ, ուրեմն, ո՞վ կ'հրէ, կ'քշէ ետեւէդ: Ո՞վ կ'քաշէ, կ'տանի թեզ դէպի կելլոն չեղեղատը, դէպի Գեթսեմանի Պարտէզը նսեմաստուեր, դէպի արհաւիրքը, սարսափի, մահու կարմիր զառիվերը «Գանկի Տեղւոյն»: Ու ետեւը դարձաւ եւ ըստ մեղմիկ, «Ոչինչ, որդեակ իմ, բայց միայն

Ա Ե Բ Բ

«Սէրը կ'հալածէ Զիս, սիրելիս, սէրը

կ'մղէ Զիս, սէրը կ'քաշէ Զիս, սէրը կ'ստիպէ: Սէրը կ'քաղցրացնէ դառն բաժակը, փարելի կ'ընէ խաչը, ցանկալի կ'ընէ մահը»:

Որո՞ւ սէր, սակայն, կ'հարցնեմ նորէն, ո՞ր սիրելիներուն սէրը: — «Սէրը կորսուած գառնուկներուն, ու նոյն իսկ սէրը անոնց որ Զիս պիտի նախատեն, Զիս պիտի խոցեն, Զիս պիտի մահացնեն: Անոնց սիրոյն համար . . .»:

Ու Սէրը սաստիկ շաչիւնով մը մտրակեց Անոր հողին, ու երեսը դարձուց նորէն դէպի հոն, երուսաղէմ: Եւ ես ետեւէն կանչեցի —

Ուրեմն, երկրիս վրայ ո՞ւր կայ ասանկ սէր, որուն մարդկային սիրտը կ'անձկայ, քան այն սէրը մաքուր, անապակ, անփոփոխ, անհատնում, որ կ'եփի, կ'եռայ թու հնոց սրտիդ մէջ, Յիսուս իմ: Ո՞ւր կայ աշխարհիս մէջ եզական արարած մը որ կրնայ գոհացնել իմ սիրուելու բովանդակ տենչանքս, իմ սիրոյս ամբողջ լիութիւնը, անյագ ընդունակութիւնը: Ո՞վ կրնայ ծովերը խմող, ովկիանոսները լափող ու միշտ ծարաւի, միշտ ցամաք, ծովածաւալ սիրտս լնուլ, ողողել սիրով: Օ՛հ, սիրտս՝ որ միշտ թշուառ է, միշտ մինակ ու միշտ կարօտա-

լի, միշտ պարապ ու դատարկ, սիրոս՝ որ
միշտ խնդրարկու է, միշտ որոնող, միշտ
հետապնդող, անխոնջ, յամառ, անընկճելի
սիրոտ: Ո՞հ, ո՞ւր է, ո՞ր առարկան, ո՞ր
անձը, որուն կրնամ յանձնել զայն իր բոլոր
տանջանքներովը, իր բոլոր «ա'խ»երովը:

Ողորմէ՛ ինծի, օրհնեալ Քրիստոս, որ
հաւատամ Քեզի, վստահիմ Քեզի, ու իմ
սիրոտ խլեմ, հանեմ զայն պղծող, արիւնող,
մեռցնող ճանկերուն մէջէն ու անոր կաթիւ
սէրը քամեմ Քու անբաւ սրտիդ անբաւ
սիրոյն մէջ, ու այս — ընդխառնումը երկու
սէրերու, յարումը երկու սրտերու — կ'նշա-
ւակէ Արքայութիւն, կ'նշանակէ Անմահու-
թիւն, կ'նշանակէ Կեանք — ապրող երգ մը
յաւիտենական ցնծութեան:

ԶԱՏԻԿ

Կ Ե Ա Ն Ք Ե Ւ Մ Ա Հ

Քսան դար առաջ Յիսուս անուն մէկը
երեցաւ Պաղեստինի հողին վրայ, որ ո՞չ
աղմուկ հանեց, ո՞չ շշուկ: Հրապարակներու
մէջ իր ձայնը չ'լսուեցաւ: Առկայծեալ պատ-
րոյզը չ'մարեց, ջախջախուած եղէզը անդամ
չ'փշրեց: Բայց ինչէ՞ն էր որ ամէնուն ու-
շազրութիւնը իր վրայ դարձուց: Մէկուն
բան չ'ըսաւ, բայց ամէնն ալ իրեն բան մը
ըսին, ոմանք՝ ի նպաստ, ոմանք՝ ընդդէմ:
Կերպարանք կամ վայելչութիւն չ'ունէր,
այլ ամէն աչք իրեն յառեցաւ: Ո՞չ զրչի
մարդ կոչուեցաւ, ո՞չ մտքի մարդ, ո՞չ
դահլիճի մարդ, ո՞չ դրամի, ո՞չ զէնքի մարդ
Բայց ոչ մէկուն աչքէն վրիպեցաւ: Ամէն
ոք ըսաւ, «Ո՞վ է Սա»: Անոր երեւումը արե-
ւին ծագման պէս էր. առանց ծանուցումի,
առանց հրատարակութեան ամէն մարդ
տեսաւ զինք: Ինք իրեն համար վկայեց
ինչպէս լոյսը, ինչպէս վարդը իրենց համար
կ'վկայեն: Ինք չ'հալածեց մէկը, բայց լսա-

ւարը հայհոյեց ու փախաւ իրմէ, Մէկը չ' դատապարտեց, բայց չարերն իր քովէն անցան ու ակռանին կրճատելով մռնչեցին, «Կամ Դո՛ւն մնոնելու ես, կամ մե՛նք»։ Բարի հոգիներն իրեն հանդիպեցան ու «Ահա՛ գտանք» ըսին, կապուելով իրեն։ Ան որ «ճշմարտութենէն» էր իրեն մտիկ ըրաւ։ Իր ներկայութեան ոչինչ ծածկուեցաւ։ Գաղտնիքը ինքինք յայտնեց, կեղծիքը իր խոստովաննքը ըրաւ, տգեղը իր երեսի շպարը թօթափեց, սեւը իր գոյնը տուաւ իրեն յարող մը չ'զղջաց. յուսախաբ եղող մը չի տեսնուեցաւ մինչեւ ցմահ։ Կեղծաւոր սուրբերէն լքուած, երեսէ ինկած մաքսաւոր մեղաւորները գտան մէկ Հոգի մը, «բարի վարդապետ» կոչուած, որ համակրեցաւ, կարեւորութիւն տուաւ իրենց, պատուեց զիրենք, ու, հրա՛շք —աւելի մեծ քան իր գործած հրաշքները — սիրե՛ց, սիրե՛ց զիրենք։ Եւ այս սէրը քաջալերանք չ'եղաւ մեղանչումի, այլ ներքին ճշմարիտ բարւոքումի։

* *

Ոմանք չ'հաւատացին իր հրաշքներուն, այլ ինտո՞ր ուրանային մեծագոյն հրաշքը

—կորսուած, մեռած հոգիներուն իրական ազնուացումը, վերակենդանութիւնը — յարութիւնը։ Շատ մեծ էր Ան, ու շատ պզտիկ, ամէնուն հաւասար՝ ու ամէնէն գերազանց, ամէնուն նման՝ ամէնուն աննման, ամէնուն մօտ՝ ամէնէն հեռի, շատ խոր՝ ուր խորունկները կ'թաղուին, այլ շատ երեսք՝ այնպէս որ տղայ մը կրնար մտնել, լուացուիլ մէջը, շատ հզօր ու շատ անզօր, հզօր տկար մը, ամէնակալ աղքատ մը, Աստուած-Մարդ մը։ Պարզ էր, ու նոյն ատեն անհասկնալի, շօշափելի՝ այլ անըմբանելի գաղտնիք մը, յաւիտենական գաղտնիք մը, որ բոլոր միտքերը կ'ընկոմէ, եւ որ նոյն ատեն պզտիկ մտքի մը մէջ կ'սղմուի։

Հրեաներն ուզեցին վերջ տալ այս անօրինակ կեանքին, այս ապրող երեւոյթին, բայց իրենք ալ չէին հասկնար թէ ինչո՞ւ չէին կրնար ձեռք զարնել, բռնել, պատժել զԱնիկա — այդ անզէն, անպաշտպան Դալի-Լիացին — որ մէշտ իրենց մէջ էր, մինչեւ որ Ինք թոյլ տուաւ։ Մեոցնե՛լ — զարմանալի որոշում չէ։ Կարելի՞ է մարել աչքը Անոր որ ուրիշներու աչք ու լոյս կուտայ։ Կարելի՞ է կոտորել ձեռքերը, ոտքերը Անոր որ կոտրած, քաշուած ձեռքերը, լուծուած ան-

գամները կ'կենդանացնէ: Կարելի՞ բան է
մեղնել մէկը որ մեռածները կ'ապրեցնէ,
Այո՛, կարելի եղաւ, ինքը կարելի ըրաւ:
Այդ անձեռնմխելի, անհուն էակը— անհուն
իր այն հանգամանքովը որ ինքզինք մարդ-
կային սեղմումներու ենթարկած էր — կա-
րող եղած էր «անկարող» ըլլալու: Ու այս
չէ թէ բնազանցութեամբ, չէ թէ աստուա-
ծաբանական հայեցողութեամբ, չէ թէ երե-
ւակայութեամբ, այլ եղած էր, եղած էր
«Որդին, որ չ'զիտեր»: Եղած էր մէկը որ
փորձութիւն կ'կրէ, կ'տագնապի, խո-
րունկէն ցաւ կ'զգայ, կ'հառաչէ, կուլայ. որ՝
ներքին բուռն տուայտանքէն արեան կայ-
լակներ կ'հոսեցնէ ճակտէն. որ՝ գաւաթի մը
դառնութեան համար կրկին կրկին կ'աղօ-
թէ. որ՝ թուքերու ներքեւ կ'ամչնայ, հար-
ուածներու տակ կ'պոռայ, կ'աղաղակէ,
երկնից դժութիւնը կ'հայցէ աղիողորմ լա-
ցով, ու վերջապէս, չ'զիմանար ցաւին, կը
յաղթահարուի ու կ'մեռնի: Ու ահա՝ այս
անմահ էակը մեռաւ: Հրեաներն զեղարդով
կողը ծակեցին, ուրկէ արիւն ու չուր վա-
զեց: Մահը ստոյգ էր: Զանիկա իր բարե-
կամները թաղեցին, ինչ որ պիտի չ'ընէին
եթէ արդէն մեռած չ'ըլլար:

Կ'ըսեն ու կ'հաստատեն — որո՞նք,
ի՞նչպէս, քիչ մը վերջ — թէ նա երեք օր
վերջ յարութիւն առած է: «Կարելի՞ է»: —
իրողութիւնը կ'ըսէ: «Սխա՞լ է»: — Լաւ, կը
հարցնեմ, կարելի՞ է որ նա մնար գերեզմա-
նին մէջ: Կեանք մը որ անմահութիւն էր,
լաւ եւս անմահութիւնն էր, կարելի՞ է որ
մեռած ըլլար վերջնականապէս: Ո՞րը հրաշք
է արդեօք, Յիսուսը մեռեա՞լ թէ՛ Յիսուսը
յարուցեալ: Եթէ դիւրին չէ ըսել թէ «Յի-
սուս յարեաւ», դիւրին չէ ըսել նաեւ թէ
«Յիսուս մեռաւ», եթէ կ'ճանչնաս զՅիսուս:
Եթէ չէ յարուցեալ, մարդկութիւնը նոյնքան
շփոթութեան կ'մատնուի, նոյնքան անհա-
ւատութեան կ'մղուի մեռած նկատելով
զԱնիկա, որ ուրիշ բան չէր կրնար ըլլալ
բայց միայն իշխանը կենաց, որ անպատ-
ճառ գեր ի վեր էր մահէն: Յարութիւնը ու-
րանալու համար պէտք է ուրանալ Յիսու-
սը որուն պատմութիւնը պատմութիւնն է
լոյսին, ճշմարտութեան, կեանքին: Եթէ կը
մեռնի Ան, ամէն ինչ սուր է. ո'չ ճշմարտու-
թիւն կայ, ոչ կեանք: Եթէ չ'կրնար յառ-
նուլ, ուրեմն չ'կրնար նաեւ գոյ ըլլալ նա
—Անոր պէս իակ մը: Ուրեմն ո՞վ խօսեցաւ,
ո՞ր մտքին մէջ գոյութեան եկաւ այդ ան-

գոյ «գոյ»ն, նկարագիրը, հողին, կեանքը
Անոր որ անծանօթ Աստուածը յայտնեց,
որ ամբաւութիւնը, անհունութիւնը, յաւի-
տենականութիւնը անձնաւորեց:

Եթէ Աստուած մեոցուց բոլոր մարդերը
անցեալ աշխարհներուն, ու պիտի մեոցնէ
ապագայ տիեզերքին մարդիկը բոլոր —
մարդիկ՝ որ խոտի պէս չ'չնչեցին միայն,
այլ խորհուրդ ունէին, արդարութիւնը,
ճշմարտութիւնը, բարին կ'ըմբռնէին, կ'զար-
գանային, կ'ազնուանային, իրարու հետ
ունէին այնպիսի կապեր զորս յաւիտենա-
կան դարերն չեն կրնար խզել, որ կ'տեն-
ջային, կ'յուսային, կ'յուզուէին, կ'սիրէին,
ցաւ եւ ուրախութիւն կ'զգային, իտէալնե-
ներու կ'ձգտէին, ու, ի վեր քան զամենայն,
ունէին ազատակամութիւն, բացարձակ ան-
կախութիւն իր համոզումին, դասումին,
ընտրութեան, որոշումին մէջ — մեոցուց
նաեւ Մարդ-Աստուածը:

Հոս աւելցնենք փակագծի մէջ թէ
Աստուած իր ինքնակամ հեղինակութիւ-
նը, անձուկ մտօք, բաժնած է իր եւ
մարդուն միջեւ: Այդքա՞ն մեծ ստեղ-
ծած է մարդը, ո՞հ, մարդը որուն ամէնէն

աննշանը կրնայ ընտրել ուղիղը կամ սիա-
լը: Տղայ մը կրնայ ընդունիլ կամ մերժել
զՍստուած, ամէնէն անկար տկարը կրնայ
բռնել ու փշել իր ապագայ ճակատա-
գիրը, կրնայ անդունդը գլորել իր մեծ, ան-
գին հոգին, կրնայ արեւին մէջ փոխադրուիլ
ու աչքը գոցելով չ'տեսնել լոյսը: Ո՞հ, զար-
մանալի է մարդուն հեղինակութեան լայ-
նութիւնը: Աստուած կամեցած է, սեղմ ի-
մաստով մը, սահման մը գծել իր ամենա-
կարողութեան. այնպէս որ չ'կրնար քաշել,
հանել սիրտ մը, բայց միայն ըսել, «Որ-
դեա՞կ իմ, քու սիրտդ ինձի տուր»: Քրիս-
տոս երուսաղէմի վրայ լացաւ: Ի՞նչ կ'նշա-
նակէ լացը. եթէ ոչ՝ թէ կարելին ըրաւ ա-
նոր փրկութեան համար, աւելին չէր կրնար:
Սակայն այս իրողութեան մէջ է նոյն իսկ
Անոր մեծութիւնը եւ ամենակարողութիւնը:
Սէրը ազատ է, ու մարդը բարի կ'ըլլայ երբ
սէրը կ'փոխուի, երբ սէրը կ'ըլլայ բարի:
Նկարագիրը ո՛չ թէ բիրտ ուժով՝ այլ համո-
զումով կ'ազնուանայ Աստուծոյ ազգեցու-
թեան ներքեւ, ու ծնորհքի միջոցով: Մեզ
երկինք քաշողը հաստակուր շղթայ մը չէ,
այլ նուրբ թել մը ոսկեղէն, որ կ'կոչուի
Սէր:

Այս երկար պարբերութենէն, այս անվերջ տողընդմէջէն վերջ կրկնենք — եթէ Աստուած այս բոլոր մարդիկը մեռցուց ու պիտի մեռցնէ տակաւին, ուրեմն սա մէկ Մա՞րդն ալ, որ անշուշտ իր Մարդն էր, իր հոգին էր, որ ապահովաբար ինք էր (զի ուրիշ մէկը չ'կրնար ըլլալ եթէ իրմէ զատ ուրիշ եւ իրեն հաւասար Աստուած մը չի կրնար ըլլալ), ահա՛ այս Մա՞րդն ալ, այս Աստուած-Մա՞րդն ալ, կ'ըսեմ, մեռցո՞ւց. մեռա՞ւ, յաւիտենապէս մեռա՞ւ Ան: Եւ երբ «մարդը մեռաւ» կ'ըսենք, ըսե՞լ կ'ուզենք մեռաւ ի՞նչ որ անոր մէջ էր: Թէ որ ճշմարտութիւն է այս, ի՞նչ սոսկալի, ի՞նչ անգութ, ի՞նչ դառն ճշմարտութիւն է: Հաւ է որ ստութիւնը սիրենք քան ասանկ դժոխային ճշմարտութիւն մը: Ստութիւնը ճշմարիտ է, ուրեմն, քան ճշմարտութիւնը: Եթէ Յիսուս մը իսկ կ'մեռնի, ուրեմն կորսուի բարութիւնը, արդարութիւնը, սրբութիւնը, ազնուութիւնը: Օ՛հ, կ'սոսկամ, զի իշխանութիւնը խաւարինն է, ուրեմն: Եթէ Քրիստոս իր աստուածային բոլոր ձիրքերովը, բոլոր մեծութեամբը, բոլոր անսահմանութեամբը, բոլոր հոգեկան կարողութեամբը, բոլոր բարձրութեամբը կ'մեռնի, կ'թաղուի, կ'չքա-

նայ, ուրեմն ամէնէն խելացին աշխարհի մէջ չարագործ մարդն է, կամ ամէնէն իմաստունը ան է որ վերջ կուտայ իր կեանքին ու կ'ազատի այս անիրաւ, անըգգամ սկզբունքներէն որք մարդկային ճակատազրին հետ կապուած են: Այս չարութիւնը հաջտեցուցէ՞ք այն Բարութեան հետ, սակայն, որ կապոյտ երկինք մը տարածեր է մեր վլխուն վերեւ ու բարութեան առատարաշխ աղբիւր մը — լուսեղէն գունդ մը — վառեր է անոր կեղրոնին մէջ, ու մեր ոտից տակ դաշտի շուշանը ծաղկեցուցեր՝ ու ջուրի վտակը հոսեցուցեր է:

*
**

Իրողութիւնը թող խօսի, սակայն:
Առանց մանրամասնութեան մտնելու, սասովկական, ակներեւ իրողութիւնը բաւական է ամէն վարանոտ մտքի գոհացում տալու: Առաքեալները վկաներն էին Քրիստոսի յարութեան, ու յարութեան վրայ հիմնուելով կ'հոչակէին թէ Քրիստոս Մեսիան է — Որդին Աստուծոյ: Բովանդակութիւնը անոնց բոլոր տրամաբանութեան սա էր — Յիսուսը՝ Քրիստոսն էր, վասնզի նա յարեաւ ի մեռե-

Ո՞վ որ առարկէր իրենց քարողած վարդապետութեան —փրկութեան ի Քրիստոս— մէջտեղ կ'նետէին նոյն իրողութիւնը: Եթէ հարցուէր, «Ո՞վ է Յիսուս», կ'պատասխանուէր, «յարուցեալ Քրիստոս»ը: Իրենց բոլոր քարոզութիւնը կ'յանգէր սա եզրակացութեան —եթէ Քրիստոս չ'յարեաւ, հովին տուէք քրիստոնէական հաւատոքը, Քրիստոնէութիւնը: Պօղոս յայտնապէս կ'ըսէր, «Եթէ Քրիստոս չիցէ յարուցեալ, ընդունայն են հաւատք ձեր»: Արդ, եթէ անհաւատ, կատղած չըրեայք կարող ըլլային հերքել սա յարութիւնը, յաւիտենապէս կ'ազատէին Քրիստոնէութեան գլխացաւէն: Մ'էկ հարուածով ջուրը կ'նետէին նազովրեցիին անունն ալ, գործքն ալ, կրօնքն ալ: Ալ այս մ'էկ բանը չէին կրնար ընել, թէեւ ամէն բան ըրին: Ու Քրիստոնէութիւնը թեւ առաւ այս իրողութենէն ու թռաւ մինչեւ աշխարհի ծայրերը: Այս կրօնքը ծաւալ զտաւ սա համոզումովն թէ՝ նա յարեաւ: Յարութիւնը քարոզուեցաւ խաչելութենէն գրեթէ անմիջապէս վերջը: Խորհեցէք, ի՞նչպէս այսքան արագ տարածուեցաւ, մինչ ամէն ոք մեծ փափաք կ'զգար հակառակիլ անոր, մերժել, հերքել զայն: Ի՞նչպէս, ի՞նչո՞ւ չի

համարձակեցան: Ի՞նչո՞ւ չ'նշաւակուեցաւ երեւակայական դէպք մը: Եւ ի՞նչպէս այսքան եղաշրջում յառաջ բերաւ մտքերու եւ կեանքերու վրայ, կրօնքի ու բարոյականութեան տեսակէտով: «Աշակերտաց խաբէութիւնը կամ պատրանքը» ըսող անհաւատ մը չ'մնաց: Տեսիլի, երեւոյթի, երեւակայութեան, խաբկանքի նորահնար հայեցողութիւններն ծալրելի կերպով անբաւական են կասկած հրաւիրելու Արեւելքու Արեւմուտք, Հիւսիս եւ Հարաւ արմատ երկնցնող, աշխարհի յոյսերը ընդգրկող դէպքի մը վրայ: Եթէ կրնաս բանաւոր կերպով մերժել յարութիւնը, կրնաս մերժել նաեւ խաչելութիւնը, մահը՝ Քրիստոսի: Երկու դէպքերն ալ գրեթէ նոյն պատմական ապացոյցներով կ'ստուգուին, կ'հաստատուին: Եւ տակաւին եղած չէ սկեպտիկ մը որ համարձակի կասկած յայտնել վերջին իրողութեան մասին: Անոնք որ չեն հաւատար Քրիստոսի յարութեան, պէտք է որ չ'հաւատան Անոր մահուան: Եւ պէտք է որ չ'հաւատան նաեւ ո'եւէ պատմական իրողութեան: Ո՞վ որ գերեզմանին մէջ ըլլալ կ'կարծէ Քրիստոսը, հոն կ'փնտոէ զԱնիկա, կ'լսէ, եթէ ականջ ունի լսելու, միեւնոյն կշտամբանքը հրեշ-

տակին — «Զի՞ խնդրէք զկենդանին ընդ
մեռեալս. չէ ասո, քանզի յարեաւ»:

Արդ, «Եթէ Քրիստոս յարուցեալ է ի մեռ-
ոելոց, եւ մենք՝ յառնելոց եմք»: Հոգիներու
անմահութիւնը կ'շեշտուի սոյն իրողու-
թեամբ: Անոր յարութիւնը կ'ենթաղրէ մեր
իսկ ապագայ յարութիւնը: Ի՞նչ, հանդերձ-
եալի յոյսին հիմը տկա՞ր կ'դտնէք: Հաւատ-
քի ծանրութիւնը խարխուլ հիմ չ'կրնար
վերցնել: Վատահիլ, յանձնուիլ, ապաւինիլ,
կառչիլ, կախել յոյսը, ճակատագիրը, ներ-
կան, ապագան, կեանքը, իր բոլոր գործքե-
րով, ո՞վ կրնայ տանիլ: Ո՞ւր կ'նետենք հա-
ւատքը — միակ բանը մեր մէջ, զոր չենք
կրնար յանձնել մէկուն: Այլ մենք — որ
հաւատքով մարդ ենք, հաւատքով շինուած
ենք, ու առանց անոր չ'ունինք կայուն վի-
ճակ — մենք չենք հաւատար ձեզի եւ ոչ
մարդու մը, բայց միայն Սստուծոյ, որ յա-
րոյց զՔրիստոս — «Անդրանիկը ննջեցելոց»,
եւ կ'յարուցանէ մեր մեռելները:

Անհաւատալի՞ է: Աւելի անհաւատալի չէ՞
սա իրողութիւնը թէ ժամանակ մը եղած
չէինք, ու հիմա ենք, քան սա՝ թէ ենք, ու
պիտի շարունակենք ըլլալ: Ո՞րը հաւանա-
կան է — եթէ իրողութիւններէն անդին իա-

ւանականութեան սահմանները անցնիլ հարկ
է ապահով դիրքեր գտնելու յարութեան եւ
անմահութեան յոյսին համար. ո՞րը կարե-
լի է, կ'ըսեմ, գոյութի՞նը անդոյութենէ թէ՝
տեւականութիւնը՝ գոյութեան: Անբանաւո՞ր
է հաւատքը դէպ ի Աստուած, որ մարդը
ստեղծեց «յոչէից» եւ կրնայ տեւական գոր-
ծել զայն: Աւելի խորունկ զաղտնիք չէ՝ «ոչ
գոյ»էն ծնունդ առած «գոյ»ն: Այլ ո՞ր մարդը
ուրացած է այս անբացատրելի եղելու-
թիւնը:

Եւ ո՞վ կարող եղաւ վճիռ արձակել թէ
միտքը կը մեռնի: Մահուան երեւոյթները,
զգայնութեան բոլոր տպաւորութիւններն
գոհացուցիչ բան մը չ'ունին ըսելիք անոր
մասին նուազած աչքն, անշարժ շրթունքն,
սառած ձեռքերն ձայն չ'ունին, կ'լոեն: Լոռու-
թիւնը պատզամ չէ: Սիրտը դադրած է. այլ
մի՞տքը, սէ՞րը, ո՞ւր են: Լոռութիւնը կ'պա-
տասխանէ, «Տեղեկութիւն չ'ունիմ»: Կեան-
քին մէջ չ'տեսանք խորհուրդը, չ'լսեցինք
կամքը: Անոնք դիմագծերը չեն, ոչ ալ ձայ-
նը՝ բայց միայն զանոնք յալտնող միջոց-
ներն, ինչպէս որ հեռագրական թելերն ե-
լեքտրականութիւնը չեն: Եթէ ֆիզիքական
երեւոյթներու չգոյութիւնը կ'նշանակէ հո-

գիին չգոյութիւնը, կ'հետեւի, ուրեմն, թէ
տեսանելի աշխարհը չ'եղած—որով Աստուած
ինքինք կ'յայտնէ—յաւիտենական հոգի մը
չ'կար: Եւ օր մը եթէ տարրերը լուծուին
ու աշխարհ անցնի, անոր հետ պիտի անցնի
Ան, պիտի մեռնի Աստուած:

Մարմինը, իր բոլոր յօրինուածքով, միտ-
քը չէ, զաղափարը կամ զզացումը չէ, ինչ-
պէս մեքենայ մը զինք գործածող մարդը
չէ: Մեքենան կ'խանգարի, զայն շարժող
միտքը կ'մնայ: Մարմինը կ'հիւանդանայ,
բայց իմաստութիւնը, խոհականութիւնը,
առաքինութիւնը չեն տկարանար: Միք-
րոպները չեն համիր համոզումներուն,
զզացմանց աշխարհին. հոն մահը, նեխումը
չեն մտներ: Հիւլէները չեն կազմած յոյսը,
սէրը, հող չէին անոնք որ ի հող դառնան:
Եթէ ոչ, ահեղ խանգարում մը պէտք է երե-
ւակայել բնութեան կարգուսարգերուն մէջ:
Պէտք է բիրտ նիւթին զոհել բոլոր բարձ-
րութիւնը մտքին որով կ'վարէր, կ'տիրէր
անոր. պէտք է չարիքներուն տալ առաջ-
նութիւնը՝ առաքինութեան, ճշմարտութեան
ու բարութեան վրայ, ու բոլոր սրբազն
բաները աշխարհի՝ պիղծ կոկորդը նետել
ապականութեան. պէտք է ուրեմն, մար-

դուն սրբութիւնները, փափուկ խիղճը, զգա-
յուն, լացող, անձնուէր, մաքուր, երկնա-
նման սիրտը, անոր սէրը, բարոյական դիւ-
ցազնութիւնները, երկնասլած թոփչնե-
րը հանձարին, ամէնէն արժէքաւոր զան-
ձերը մարդուն, բուն մարդը, որդերուն ու
ճճիներուն կերակուր տալ: Վայ այսպէս
հաւատացողին:

Ամէն վայրկեան հարիւրներով հոգիներ
կ'անցնին լուսութեան աշխարհը: Բայց չենք
տեսներ հետք մը սպառումի, հատնումի
իրենց խոռվայոյզ կիրքերուն, մաքառում-
ներուն, զզացումներուն, յոյսերուն եւ բոլոր
բարոյական ոյժերուն: Մանուկը կամ պա-
տանին, երիտասարդն ու ծերն կ'իյնան,
կ'անշնչանան, այլ նոյն ակնկալութիւնը
կեանքին, նոյն սէրը հօր՝ իրենց հարա-
գատներուն, կ'յայտնեն, ցորչափ կրնան
յայտնել: Կան կեանքեր որք շինուած են ո՛չ
զզայականութեան՝ ո՛չ անձնասիրութեան
վրայ, այլ իրենց շահերէն վեր՝ հաւատքի
մը աղամանդեայ հիմին վրայ, որոնց կուրծ-
քը կ'պարզուի բուրգի պէս ստութեան ու
չարութեան դէմ. Կեանքեր՝ որք արեւներ
են, ու այլոց վրայ կ'ցաթին, որք ժպիտն
են լացողին, աչքը՝ կովրին, հոգին՝ հա-

մայնքներու. կեանքեր՝ որոնցմէ երգեր կը
թռչին, ու յափշտակութիւններ ծնունդ եւ
հոգի կ'առնեն: Օ՛հ, անհունութիւններ են
ասոնք: Ըսէ՛ք, ո՞ւր կ'երթան, կ'ոչնչանա՞ն
պարապութեան մէջ, ծովու փրփուրներուն
պէս:

Եթէ Աստուած կ'վարէ տիեզերքին վիթ-
խարի կառքը, որ կ'սրանայ ահեղ անջրպե-
տին մէջ կեանքին, ինչպէս կ'ըսէ Մարթի-
նօ, կրնայ ճամբուն մէջ անոր հարուստ
պարունակութիւնը — բոլոր մարդկային
ճամբորդները — ահագին գահավէժէ մը
վար՝ անդունդը թափել:

*

**

Երեւակայեցէ՛ք ընտանիք մը որուն մէկ
բառով կրնայ ըսուիլ «դրախտի ընտանիք»:
Գիշեր է: Ամոլ մը, իրարու փաթթուած
երկու մատաղ, ոստախիտ թուփերու պէս,
կ'ննջեն անխռով: Քիչ մը անդին քնոյ մէջ
ինկած են յուսալից, զառփուռն, մտացի
պատանի մը ու փոքրիկ աղջիկ մը, առոյգ
ու փափուկ, զարդի պէս: Իրենց մօտ, օրո-
րոցին մէջ, հրեշտակի անոյշ մրափով նո-
րածիլ, քնքոյշ ծաղիկ մը կ'հանդչի: Յան-
կարծ մութին մէջ ճաթուսուն, կարմիր լե-

զու լոյս մը իր ոլորոսն թեւերը կ'տարածէ
սենեակին պատերուն վրայ: Հրդեհն է որ
դեւի պէս ներս կ'խուժէ: Վայնասուն մը
մէկ անկողնէն, աղաղակ մը միւսէն, սուր
ճիչ մ'ալ պտըտիկ անկողնէն, ու ա՛լ բոցին
շառաչիւնն է որ կ'լսուի: Աստուան դէմհոն
մոխրակոյտ մը կար — գերեզմանը հէք
ընտանիքին: Այրեցա՞ն: Այլ վա՛յ անոր որ
պիտի հաւատայ թէ այրեցան նաեւ անոնց
մաքուր սէրը, բոլոր յոյսերը, մտքի ու սրտի
բոլոր հարստութիւնը իրենց կարասիներուն
հետ, ու անհետացան բոցին, մուկսին մէջ:
Ո՛չ բոցերը չեն կրնար մտքին բարձր հո-
րիզոններուն հասնիլ, ինչպէս չեն կրնար
հասնիլ, այրել Ծիրկաթինը կապուտագեղ
կամարին վրայ: Արցունքի կաթիլին մէջ,
զոր կ'թափենք գորշ աճիւններուն վրայ
անյայտացած ընտանիքին, կ'ճառագայթէ
զմրուխտի կարմիր շողին պէս, յոյսը անմա-
հութեան, լոյսը յարութեան: Եթէ տան
այրումը կ'նշանակէ այրումը անոր մէջ ապ-
րող հոգիներուն, ուրեմն սոսկալի է նկա-
րագիրը Սնոր զոր Աստուած կ'կոչենք: Բո-
ցերու ճարճատիւններուն հետ թռչող աղեր-
սարկու աղաղակներուն ի պատասխան վե-
րէն պոռաց Ան—«Գացէ՛ք, կորէ՛ք յաւի-

տեան»։ Բայց գոեհիկ մարդ մը անդամ ասանկ բան չ'պիտի ըսեր։ Ու մարդուն մէջ ինք զրաւ գութը, կարեկցութիւնը, սէրը իր ովկէան սրտէն։

Ուրեմն ըսէ՞ք, կ'աղաչեմ, Աստուած իր Ս. Որդւո՞յն վրայ ալ ծիծաղեցաւ, երբ նա աւազակին ըսաւ, «Սյօր ինձի հետ դրախտին մէջ պիտի ըլլաս»։ Երբ գոչեց, «Աստուած իմ, ընդէ՞ր թողեր զիս»։ կամ երբ ըսաւ, «Հա՛յր, իմ հոգիս քու ձեռքդ կ'աւանդեմ»։ Ամենողորս Աստուածը ծաղրե՞ց Անոր յոյսը ու վստահութիւնը, արհամարհե՞ց Անոր ներշնչումները, չ'խնայե՞ց այդ աստուածային կեանքին, ջնջե՞ց, ոչնչացո՞ւց լուրոր անհունութիւնները Անոր մէջ։ Իր Քրիստոսի՞ն ալ չ'խնայեց, մինչ չարերն անդամ իրենց վերաբերեալներուն հանդէպ խիղճ կ'զգան, մինչ բարի մարդիկ այնքան սիրեցին զնա որ Անոր սիրոյն համար մնուան։ Եյլ ինքն Աստուած խորտակե՞ց իր պատկերը, իր նկարագիրը յանձին Անոր։ Ուրեմն «Հոգիներուն Հայր»ը չէ՞ Ան։ Ուրեմն ի՞նչ կոչենք զԱնիկա—«Աւերի՞չ» թէ՞ «Որարիչ»։

Եթէ անմահութեան յոյսը պատրանք է,

ուրեմն սխալողներն ու խարուողներն չարերը չեն, անսիրտ ու անխորհուրդ, անարդար ու եսասէր մարդիկը չեն, այլ անոնք են որ կ'կոչուին մեծ, բարի, սուրբ, ճշմարիտ, վեհ, ազնիւ, եւայլն. անոնք են որ իրենց անձնական երջանկութենէն ու հանգիստէն վեր ապրած, սպառած են այլոց համար, ու վերջապէս ողջակիզուած են իրենց սմաններուն՝ զոհի սեղանին վրայ։ Ուրեմն, Քրիստոս չարաչար խարուողներուն գլուխը եղած է, որ ո՞չ թէ բարիք ըրաւ այլ բարիքը եղաւ մարդոց, ո՞չ թէ կերակրեց այլ կերակրուը եղաւ աշխարհի, ո՞չ թէ սիրեց այլ սէրը դարձաւ մարդկութեան։ Ո՞հ, ուրեմն ամէնէն մեծ սէրը, նոյն իսկ Գողգոթայի վրայ յայտնուած սքանչելի սէրը, աստուածային կատակերգութիւն մէք, դառն հեղնութիւն մը, կամ յիմարական սխալում մը։ Ուրեմն կատարելութիւնը թերութիւն է, ազնուութիւնը, անբծութիւնը արատ ու սպի են։ Ուրեմն Աստուած չ'զգար սէրը, մինչ մենք կ'զգանք, չ'ընդունիր տպաւորութիւնները արցունքի կամ ժպիտի, գեղեցիկի կամ տգեղի, չարի կամ բարիի, զոր մենք կ'ընդունինք։ Զ'զգա՞ծուիր գէթ Քրիստոսի կատարելութիւններէն։

սուռն հեղնութեա՞մբ կ'նկատէ Անոր հոգին: Որմէ՞ն ակնածինք, ուրեմն: Որո՞ւ հաւատանք: Մեզի՞ ալ չ'վստահինք: Ո՞ւր երթանք, ուրեմն, քանի որ բարի չ'կայ, լաւ չ'կայ. քանի որ ստեղծուած կեանքերուն, նկարագիրներուն, բարիքներուն ամէնէն բարձրին, ամէնէն վսեմին ներշնչումներն ալ խաբեպատիր առասպելներ են:

Օ՛հ, կ'պոռամ, ո՞ւր կ'տանիք մեզ, ո՞ւր կ'տանիք մարդիկը, ու դո՛ւք ո՞ւր կ'երթաք, ո՛վ յուսահատ սկեպտիկներ: Այս ընթացքին վախճանը Լաբիւրինդոսն է: Մէկ անսխալ առաջնորդ կայ կեանքին— յոյսն յարութեան: Ամէն ճամբայ մոլար է: Անմահութեան շաւիղն է ստոյգ շաւիղը կեանքին բարձրութեան: Մի՛ շեղիր անկէ: Սիրոը երբ ազնուութեան եւ սիրոյ ճամբուն մէջ է, երբ հոգին երկինքի ուղին բռնած է, այն ատեն աչքը սեւեռած է հեռին՝ դէպ ի յաւիտենական ապագային ոսկի լոյսը: Ո՛վ որ այս հաւատքը կ'պահէ, իր միտքը կ'պահէ անկումներէ վեր, կեանքը կ'պահէ բարձրութեան մէջ: Քանզի այդ հաւատքէն զատ ոչինչ կ'տանի մեզ նոյն բարձունքները: Ու Աստուած իր ծածուկ իրականութիւնները, իր ապագային դադանիքները

կ'ցուցնէ միայն վճիտ սրտին, սուրբ եւ անապակ մտքին: Անոր լուսազգեաց հրեշտակը կ'պատասխանէ ամէնուն որ զԲրիստոս կ'փնտուեն վարերը, խոր շիրմին մէջ — «Զի՞ խնդրէք զկենդանին ընդ մեռեալս. Զէ Ա.Ս. ՔԱՆՉԻ ՅԱՄԵԱՌԻ»:

Վ Ե Ր Ա Ց Ո Ւ Մ

Քրիստոսի վերջնական մեկնումը իր աշակերտներէն եւ երկինք վերացումը՝ յուղիչ պարագաներու ներքեւ տեղի ունեցած է։ Անոր հուսկ յետին խօսքերը մանաւանդ, որք գերազանցապէս յատկանշական կնիք ունին, բոլոր դարերու քրիստոնէից քաղցրագոյն ներշնչումները կ'կազմեն։

Տէրն մեր, յետ յարութեան, քառասուն օր զանազան առիթներով ներկայացաւ իր նախկին բարեկամներուն։ Ուշագրաւ պարագալ մը, իր տեսակցութեանց միջոցին, սա է թէ նա բնաւ ճիզ չէր ըներ համոզելու թէ ինքն է իրենց Վարդապետը, որ մեռնելներէն յարութիւն առած է։ Սոյն իրողութիւնը հաստատելու համար արտաքոյ կարգի, անսովոր միջոցներու չ'դիմեր, Աշակերտները Անոր անսովոր կեանքէն կ'հետեւցնէին թէ Ան Քրիստոսն էր։ Անոնք Քրիստոսը կ'զգային, կարծես թէ սրտին կը դաշէին ու կ'հասկնային թէ այն Յիսուսի

սիրտն է։ Հոգիին կ'հպէին, ու կ'իմանային թէ այն Յիսուսի հոգին է. ուրիշ հոգիի չի նմանիր։ Սրտով կ'տեսնէին եւ սրտով կը հաւատային Անոր։ Երբ կ'խօսէր նա, սրտերնին կ'եփէր, կ'եռար։ Թովմաս առաքեալին թերահաւատութեան հանդէպ իսկ տարօրինակ միջոցի մը չ'դիմեց, բայց միայն ցոյց տուաւ իր կողին խոցը։ Այլ թովմասի այս մեթուով համոզումը չ'գովեց։ «Երանի անոր, ըսաւ, որ զիս չ'տեսներ ու կ'հաւատայ»։ Որով ըսել ուզեց — Երանի՛ անոր մանաւանդ որուն սիրտը կ'տեսնէ, սիրտը կը զգայ, ու սիրտը կ'հաւատայ ինձի։ Ահա Քրիստոսի պահանջած, գոված, սիրած հաւատքը որ կ'ազնուացնէ, կ'մեծցնէ մարդը, ու կ'փրկէ հոգին։ Հաւատքի աղբիւրը միտքը չէ միայն այլ եւ մանաւանդ՝ սիրտը, ինչպէս որ անհաւատութեան աղբիւրն ու սկզբնապատճառը սիրտն է, եւ հազիւ երբէք միտքը։ «Ասաց անզգամն ի սրտի իւրում թէ ոչ գոյ Աստուած»։



Նա որ հաւատք կ'քարոզէր իր մահէն առաջ, միեւնոյնը կ'քարոզէ հիմա, յետ մահու։ Նոյն անձը չէր, ուրեմն, որ մեռաւ եւ

ահա կենդանի է: Իր այժմու խօսքերն վեր-
ջաբանը չե՞ն կազմեր այն քարողութեան
զոր սկսաւ ու քարոզեց իր կեանքի ըն-
թացքին մէջ: Կարելի՞ է անտեսել նոյնու-
թիւնը իր ոճին, իմաստին, նիւթին ու ող-
տոյն: Ի՞նչ կ'քարոզէ՞ր նա, ի՞նչ էր բովան-
դակութիւնը, վախճանը իր վարդապետու-
թեանց եթէ ոչ՝ «Աստուծոյ արքայութիւնը»:
Եւ ահա նոյնը կ'կրկնէ, նոյնը կ'հռչակէ իբր
քառասուն օր — «յաւուրս քառասուն երեւ-
եալ նոցա ասէր վասն արքայութեանն
Աստուծոյ» (Գործք Ա. Յ.):

Ինչ որ քարոզեց նա ի սկզբան, նոյնը
քարոզեց յետոյ մինչեւ այն պահուն լորում
պիտի առնուէր վեր: Միշտ նոյն քարոզը,
նոյն ընտանի ոճը զոր աշակերտները լած
էին յառաջադրոյն: Ամէնէն նշանաւոր քարո-
զիչները կ'զարգանան, կ'յառաջանան, եւ
տարուէ տարի կ'փոխեն իրենց քարոզու-
թեան ուղղութիւնը, ոճը, բացատրութիւն-
ները, եւ այլն: Մեծանուն քարոզիչ մը կ'ը-
սէր, «Գրեթէ երկու տարի առաջ խօսած
քարոզներուս վրայ այսօր կ'խնդամ, ու կա-
րելի է տարի մը վերջ պիտի ծիծաղիմ
այս աւուր խօսածիս խեղճութեանը վրայ»:
Քրիստոս չէր զարգանար. նա կատարեալ

էր: Նա ի'նչ կ'քարոզէր ի սկզբան, նոյնը
քարոզեց սկերջ — «Վասն արքայութեանն
Աստուծոյ»:

Տարբեր անձ մը կրնա՞ր ըլլալ Յիսուսէ
զատ: Միեւնոյն քարոզիչը չէ՞ր շիրմին եր-
կու եղբերուն վրայ: Գալիլիայի ծովափին
վրայ, մահուան ցուրտ գետին եզրը, ու համ-
բարձման լերան վրայ: Այլ ոք, կեղծ յա-
րուցեալ մը, պիտի շեշտէ՞ր այնքան Աստու-
ծոյ արքայութիւնը:

Նաեւ դիտելի է թէ նոյն յանձնարարու-
թիւնը, զոր մահէն առաջ ըրած էր, յետոյ
մահէն վերջ, համբարձման պահուն կը
կրկնէր: Կ'պատուիրէր անոնց Երուսաղէմէն
չ'հեռանալ, սպասել չօրը խոստմունքին,
«զոր ինձմէ լսեցիք», կ'ըսէր: Ո՞վ կրնար
ըսել այս խօսքերը բացի Անկէ որ արդէն
ըսած էր զանոնք: Ղուկաս բժիշկը, ու Գոր-
ծք Առաքելոց հեղինակը, կրնա՞ր իր երե-
ւակայած համբարձող Անձին բերանը դնել
այս խօսքերը: Դիտէ՞ր ըսել, կրնա՞ր ըսել,
ու եթէ կարենար, պիտի ուզէ՞ր ըսել:
«Աստուծոյ թագաւորութիւն»ը՝ Իսրայէլի
թագաւորութիւնը հասկցող տգէտ մարդ մը
պիտի քարոզէ՞ր Աստուծոյ արքայութիւնը:
Պիտի համարձակէ՞ր ըսելու, «Սպասեցէք

Երուսաղէմ, մինչեւ վերէն զօրութիւն առնէք». հապա եթէ՛ չ'կատարուէր խոստումը:

* *

Ո՞չ Քրիստոսի յարութեան եւ ո՞չ համբարձման պարագան հաստատելու համար սովորական մեթոսներով տրամաբանական ուժեղ հիմեր ներկայացնելու ճիգ թափուած չէ: Պատմութիւնը կայ սոսկ, այնքան պարզօրէն եւ համառոտիւ արձանագրուած որ հսկայ լեռան պէս իր կարկառուն ճակատը երկնից կայծակներուն դէմ կ'ցցէ իբր ամէնէն հաստատուն եւ շօշափելի իրականութիւնը բնութեան մէջ: Կ'ըսեն թէ ուամիկներն ու ապիկարներն են միայն որ կ'հաւատան: Իրա՞ւ է, դիւրի՞ն բան է հաւատքը — հաւատք մը որ կ'տրամադրէ անձնուիրութիւն, որ անպատճառ կ'փորձուի հնոցի մէջ ու առանց այրելու դուրս կուգայ աւելի փայլուն եւ աւելի զտուած: Տկա՞ր արարածներ են հաւատքի մարդերը: Տկա՞ր էր Աբրահամ՝ Մորիս լեռան նսեմ մացառուտներուն մէջ: Տկա՞ր էր Յովսէփ, որուն հաւատքը հեշտութեան խոստմնալից գրկէն բանտի խորքերուն մէջ նետեց: Ապիկա՞ր արարածներ էին Մովսէս, Դանիէլ եւ այլ բազում հաւատքի զաւակները:

Առանց երբէք չիմ մը ունենալու կ'հաւատան ու կ'գործե՞ն բոլոր հաւատացեալները: Ի՞նչ, այնքան դիւրահաւան մարդի՞կ էին աշակերտները որ միամտօրէն ելան, գացին երուսաղէմ, եւ հոն սպասեցին մեծ խոստման մը կատարումին: Պիտի հնագանդէի՞ն անոնք եթէ արտաքոյ կարգի պարագայի մը ներքեւ չ'պատուիրուէր իրենց երթալ ու սպասել վերնատան մը մէջ: Եթէ չ'տեսնէին Քրիստոսի փառահեղ համբարձումը, երեւումը հրեշտակներուն, ու չ'լսէին վերջին պատուէրը Անոր իսկ բերնէն, պիտի հնագանդէի՞ն, պիտի հաւատայի՞ն, պիտի վստահէի՞ն այսօրինակ անլուր, անօրինակ խոստումի մը: Զե՞ս հաւատար վկայութեան այս հաւատացողներուն որոնց հաւատքը ձրի չէր: Զե՞ս կրնար հաւատալ Քրիստոսի համբարձման իրողութեան: Կարելի չէ՞ հաւատալ թէ արտակարգ էակ մը արտակարգ ճամբով աշխարհ մտաւ, արտակարգ կեանքով ապրեցաւ, եւ արտակարգ ճամբով մը աշխարհն դուրս ելաւ: Տարակուսելու համար Քրիստոսի համբարձմամբ մեկնումին պէտք է տարակուսիլ Անոր կեանքին վրայ որ ինքնին վերացում մ'էր, ճշմարիտ համբարձում մը: Ան վերէն էր, վերէն եկաւ,

ու վեր ելաւ նորէն։ Անոր ծանրութեան
կեդրոնը վերն էր, ոչ՝ վարը։ Վերը իր մէջ
էր, կեդրոնը ինք էր, եւ իր վերացումն
ալ՝ բնական։ Վայրէջք չ'ունէր Ան։ Անոր
բոլոր կեանքը վերելք էր։

*

Ու ամէն ճշմարիտ կեանք պարտի ըլլաւ
վերացում մը։ Ամէն քրիստոնեայ որ չամ-
բարձման խնկելի, յիշատակելի օրը կ'տօնէ,
հարկ է որ ապրի համբարձման կեանքով։
Կան կեանքեր որ չ'ունին աճում, չ'ունին
բողբոջում, չ'ունին ուռնացում։ Թիչ անդամ
կ'հանդիպինք մարմնով գաճաճներու, այլ
ո'րքան շատ են զաճաճ հոգիները։ Ո'րչափ
հազուագիւտ են այն նկարագիրները որք
գորութենէ ի գորութիւն եւ փառքէ ի փառք
կ'անցնին։ Ճշմարտապէս ապրիլը վերացում
է։ Հոգեւոր կեանքի ընթացքին վերջին
քայլափոխը աներեւութեացումն է լուսաւոր
ամպերու մէջ։ Վերջին աստիճանը վերելքի
սանդուխին, վերջին քայլափոխը բարձրա-
ցող հոգիին՝ երկինքն է, Աստուծոյ յաւիտե-
նական աշխարհը։ Այնպէս ապրիլ հարկ է
որ մահը անցք մը ըլլայ լաւագոյն, բարձ-
րագոյն կեանքի մը։

178

Մեր կեանքը կոչում ունի ամբառնալու
կատարեալ կեանքի մը։ Եթէ այն — կեան-
քը — հաւատքի թեւով կ'շարժի դէպի ի
Քրիստոսի համբարձող կեանքը, կ'բաղձայ
նմանիլ Անոր, այն կեանքը պիտի ամբառ-
նայ։ Ի՞նչ որ կ'բաժնուի մեզմէ մահուան
բաժնող ազդեցութեան տակ, մարմինն ու
ուկորն է։ Թու անձդ, փրկուած «Ես»դ, պիտի
ամբառնայ։ Ի՞նչ որ արեւէն կուգայ՝ կ'շար-
ժի, կ'վերթեւէ հոն՝ դէպի արեւին սկաւա-
ռակը։ Հուրն ու կայծերը կ'թռչին վեր
դէպի զիրենք ծնող Արեւը։ Եւ ո'վ որ կ'ապ-
րի, կ'շարժի եւ է ի Քրիստոս, ի Լոյսն ճշմա-
րիտ, չ'պիտի մեռնի, ինչպէս անասունները
կ'մեռնին, այլ պիտի մեկնի այնպիսի մեկ-
նումով զոր ոչինչ կարելի է կոչել, բայց
միայն ՎերԱՑՈՒՄ, ՀԱՄԲԱՐՑՈՒՄ։

179

ԻՆՉ Է ՄԱՐԴԿԱՑԻՆ ԱՅԼԱԿԵՐՊՈՒՄԸ (1)

Վարդավառի վարդավառ, վառ ի վառ
տոնին անդրքրիստոնէական հին, հին, հա-
րազատ ու յարազարդ յուշքերով խնկավառ
օրուան պատշաճութեամբ Հայաստանեայց
Ս. Եկեղեցին կ'հոչակէ, կ'յիշատակէ դէպ-
քը Փրկչին այն երկնատեսիլ, երկնափառ
կերպարանափոխումին որ ծանօթ է Այլա-
կերպութիւն կամ Պայծառակերպութիւն ան-
ուամբ:

Հարկ չ'կայ կրկնել այս մեծ իրողու-
թեան պատմութիւնը որ իր համառօտու-
թեան մէջ կ'ընդգրկէ անսահմանութիւննե-
րը կեանքի բարձրագոյնին՝ հոգեւոր կեան-
քի մէջ:

(1) Այս մէկ յօդուածը բացառաբար կ'արտատպենք
Գիսակի «Մոռածութիւնք Թօնական Օրերու Հայ. Ս.
Եկեղեցւոյ» գրքն — Հատոր Ա. էջը 118-120— պար-
զապէս լրացնելու համար ներկայ հատորին մ'ը
հրատարակուած նՈ՛ շարքը, որկէ սակայն նզ պակ-
սէր Վարդավառի առթիւ եւս գրուած յօդուած մը:
1900ին, Վարդավառի Թօնին առթիւ, առջին անգամ
երեւած է այս յօդուածը «Բիւզանդիոնի մէջ:

Յիսուս, Տէրն մեր, ըստ Իր սովորաւթեան,
ընկերակցութեամբ Իր երեք սիրելագոյն
բարեկամաց, լեռ մը կ'քաշուի, հաւանաբար
Հերմոն Լեռը, ու հոն յանկարծ անոնց առ-
ջեւ կ'այլափոխուի: Վեր կ'առնէ քօղ մը Իր
մարդկեղէն դէմքէն, եւ փառքի, լոյսի պայ-
ծառափայլ ցոլացումներով պահ մը կ'նոե-
մացնէ արեւին ճառագայթները, կամ կ'լու-
սաւորէ նոյն իսկ լոյսը, անդամ մը եւս շեշ-
տելով յաւիտենական ճշմարտութիւնը — «Ես
եմ լոյսը»: Յանձին Անոր՝ Աստուածը կ'ե-
րեւի, եւ տեսանելի Աստուծոյն մէջ ան-
տեսանելին ի հանդէս կուգայ: Մարմինի մէջ
պահուած, ծածկուած Քրիստոսը գաղտնիքի
մը պէս կ'յայտնուի: Այս աստուածագեղ
արտափայլումներու յայտնութեանց մէջ
լուսաւոր ամպի մը ետեւէն ձայն մը կը
լսուի — «Դաէ Որդիիմ սիրելի, Դմա՝ լուա-
րութք»:

*

**

Մինչ այսպէս կ'ուղեմշաբունակել պատ-
մութիւնս, ինձ այնպէս կ'թուի թէ վերէն
եկող նոյն ձայնին ընդդէմ ուրիշ ձայներ կը
բարձրանան վարէն ի գուր լոեցելու համար
զայն: Բարեկիրթ, մեղմ, հմայիչ ձայն մը
կ'հնչէ ականջիս — «Բայց ես զարդացած,

մշակուած մարդ եմ, վերջապէս։ Դատող,
տրամաբանող, քննող միտք ունիմ, ու շատ
հեռի եմ թերահաւատ ըլլալէ։ Ապացոյց,
կ'աղաչեմ, դրական բան մ'ըսէք հաւատալի
ընծայելու համար այդ բոլոր պատմութեանց
մէջ անօրինակ, արտակարգ դէպքը»։

Ո՞հ, այս դրական մարդիկը։ Բայց դուք
դիտէք, ի՞նչ տեղի կ'ունենայ, ի՞նչ կ'անց-
նի կ'դառնայ լերան մը վրայ, ուր ոտք
դրած չէք, զոր երբէք տեսած չէք։ Ո՞ր
դրական փաստով կ'ուզէք հասնիլ — կ'ու-
զէք հաւատալ հոն փչող հովերսւն, մթնո-
լորտին, ամպերուն ու ձիւնի կոյտերուն ան-
վերջ, անհուն պատմութեանց։ Տարբեր աշ-
խարհ մ'է այն՝ երկրի ստորին տափաստան-
ներէն։ Մէզի ու մառախուղի, անձրեւի ու
փոթորիկի ատեն յաճախ պէտք է հաւա-
տալ թէ հոն՝ վերերը արեւ ու ամառ կայ։
Ո՞չ. ճախճախուտներու մէջ լողացող կրկը-
ռուն զորտ մը չէ կարող հաւատալ արծիւի
կեանքին։ Պէտք է թեւ ունենալ եւ սա-
ւառնիլ անոր բոյնին բարձրութեան սահ-
մանը՝ լսելու համար հովին մոնչիւնը կամ
զեփիւոին սոյլը, տեսնելու համար արշա-
լոյսին վերելքը բոց սանդուխին աստի-
ճաններէն, ու վերջալոյսին անցքը՝ լոյս
կամարին տակէն։

Գիտե՞ս զուն ո՞ր լեռն էր այն ուր Յի-
սուս ելաւ։ Պաղեստինի լեռներէն ո'չ մին
էր այն, ո'չ չերմոնը, ո'չ թափորը։ Յիսուսի
ելած լեռը շատ աւելի բարձր էր քան բոլոր
լեռները բովանդակ աշխարհին։ Գիտե՞ս
Ալպեանի զագաթներէն աւելի բարձր ու
իվերէսոդի բարձունքէն աւելի վեր լեռ մը։
Քու աշխարհագրական քարտէսներուդ վրայ
չ'կայ նշանակուած բարձրագոյն կէտ մը։
Տիեզերքին ամենաբարձր լեռն էր այն ուր
Յիսուսի պայծառակերպութիւնը տեղի ու-
նեցաւ։ Ու այս լեռը շատ տարիներ յետոյ
Ս. Յովհաննէս, մին այդ իրողութեան վրայ
հիացող վկաներէն, կոչեց «ՍՈՒԻՐԻ ԼԵՌ»։

★

Ո՞վ նիւթի, մարմինի ու աշխարհի մար-
դիկ, ո՞վ անսուրը հոգիներ, թօթափեցէ՛ք
աղտերն ու ժանգերը երկրին ու բոլոր ան-
ցաւոր իրերուն, եւ վե՛ր ելէք «Սրբութեան
Լեռ»ը, բարութեան, անկեղծութեան, մաք-
րութեան, անբծութեան, անմեղութեան
բարձունքը, վերերը՝ լուսաւոր, սուրբ, անա-
րատ, վեհ ու ճշմարիտ կեանքին։ Ու հա-
ւատացէ՛ք, ո՞վ սկեսպափիկներ, որ Աստուծոյ
պիտի պատահիք, որ անտեսանելին պիտի
տեսնէք, յաւիտենական հորիզոններուն պի-

աի դպչեք, հրեշտակներու նուազը պիտի
լսէք, ու վար պիտի իջնէք երկինքի ցողե-
ռովը թրջուած, արշալոյսի առաջին ցոլքե-
րովը պճնուած, նորոգուած, օրհնուած, այ-
լակերպուած ու պայծառակերպուած երես-
ներով:

2Է՞ք հաւատար հոգիի բարձրութեան,
կեանքի լեռներուն իրական բարձունքին
ու անոր ազգեցութեան, անոր հրաշալի
արդիւնքին: Այլ ո՞վ չ'հաւատար արուեստին
բոլոր բարձրութեանց: Երաժշտութեան
հմայքը հոգին կ'թոցնէ դէպի անծանօթ վե-
րերուն անբաւութիւնները: Աննշան բլուր մը
անգամ զեղեցիկ ու բարձր խորհուրդներ կը
ներշնչէ անոր վրայ կեցողին: Լերան մը
կատարին վրայ հազիւ թէ մարդ կ'մնայ
բիրտ: Ի տես արեւին գոեհիկ անձ մը իսկ
կարծես կ'թողու իր խաւարի կեանքը ու
վայրկեան մը արեւը կ'զգենու:

0՞ն, մաքուր ու բարի կեանքի բար-
ձրութեանց սահմանները հանեցէ՞ք չարն ու
մեղաւորը: Հո՞ն հանեցէք անհաւատը: Տուէ՞ք
անոր ալ Յիսուսի անբիծ սիրտը, անարատ
հոգին, սուրբ, սպիտակ կեանքը, ու տեսէք
թէ նա պիտի այլակերպուի, պիտի լսէ ամ-
պէն եկած ձայնը, պիտի ընդունի յայտնու-

թիւններ, աեսիլներ, ու պիտի ըլլայ ճշմա-
րիտ հաւատացեալ:

★

Կեանքի այս լեռը, ուր Յիսուս ելաւ,
շատ բարձր է: Դիտութիւնը մեզ չ'կրնար
հանել հոն թեւերով ու թոփչներով չենք
կրնար թոչիլ այդ բարձրաբերձ կատարնե-
րը: Ի բաց թողով պէտք է ամէն ծանրու-
թիւն: Յոյժ թեւթեւ կհանք մը հարկ է,
նման Յիսուսի կեանքին, որուն վրայ «այս
աշխարհիս իշխանը» բան մը չէր կրնար
գտնել: Ոչ մէկ ունայն ու տեսանելի ա-
ռարկայի ցանկութիւն ունէր, որով կարող
ըլլար Փորձիչը քաշել զինք, բռնել, փա-
կել իր ամրոց վանդակին մէջ: Ո՞հ, ո՞չ:
Նա այնքան զուրս կ'ապրէր նիւթի ու մար-
մինի կեանքէն որ ծանրութեան օրէնքէն
զերծ՝ չէր իյնար վար, բայց նման արծիւին,
որ դէպի արեւը կ'խոյանայ, կ'ձգուէր դէպի
վեր՝ լոյսին, կեանքին, Բարեւին, Աստուծոյ:

Հրաշք չ'ըլլար, այս՛, հրաշքը սուտ է ցած,
ապականած տեղերուն մէջ, աղտոտ, պիղծ
կեանքի մը ստորին խորշերուն մէջ: Աստու-
ծոյ ձայնը չ'կայ, հրեշտակային տեսիլը,
պայծառակերպութիւնը, եւն, երեւակայա-
կան են, նախալաշարում են, դիւրահաւա-

նութիւն են: Այս', այլ ո՞ւր: — Յանկաւթեամբ,
կիրքերով անձնասիրութեամբ, կեղծիքով,
չարութեամբ ու մեղքով բժացած, խան-
գարուած ու կորցած մտքին մէջ ու փճա-
ցած, մեռած սրտին մէջ: Այս', սուտ է, արեւ
չ'կայ, լոյս չ'կայ գետնի խոռոշներուն մէջ,
գարուն չ'կայ վիրապներուն մէջ, ձայն չի
կայ, երաժշտութիւն չ'կայ խլուրդներու,
ճճիներու բնակարանին մէջ:

«Ո՞վ պիտի ելլէ Տէրոջը լեռը,
Կամ ո՞վ պիտի կենայ Անոր սուրբ տեղը:
Զեռքերով սուրբը ու սրտով մաքուրը,
Որ ստութեան անձնատուր չ'եղաւ,
Եւ նենգութեամբ երդում չ'ըրաւ»:

* *

Հո՞ն, այդ լերան վրայ այլակերպեցաւ
Յիսուս: Ու այդ լեռը կոչուած է նաեւ
«Աղօթքի Լեռ»: Վասնզի նա այդ պահուն
կ'աղօթքը: Ո՞հ, ի՞նչպէս կ'աղօթքը: Գի-
տէ՞ք ի՞նչ էր աղօթելն Անոր համարու նա
աղօթքով կ'առանձնանար Հօրը հետո Աղօ-
թել կ'նշանակէր առանձնանալ Աստուծոյ
հետո: Եւ ո՞վ երբեք առանձին եղած է նման
Անոր: Ծովուն փրփուրներուն վրայ ծփա-
ցող նաւորդ մը, որ բիրտ կոհակներու
խուլ մոնչիւնը միայն կ'լսէ, կամ հեռաւոր

անապատներու ամայութեան մէջ կորսուող
հոգի մը այնքան միայնակ չէր որքան
ինք, որ կ'մեկուսանար, կ'քաշուէր մենու-
թեան մէջ զԱստուած զտնելու եւ Անոր հետ
մինակ ըլլալու համար: Իրեն ու Անոր մի-
ջեւ ոչինչ կ'գտնուէր: Ինք կար ու Հայրը
կար: Իր մտածումներուն, խորհուրդներուն
ընկերակցութենէն անզամ բաժնուած՝ միս
մինակ էր Անոր հետ, այնքան մօտ Անոր որ
կրնայ ըսուիլ «մէջ»ը: Անոր մէջ էր: Այսպէս
կ'աղօթքը նա: Աղօթելն Անոր՝ ընդգրկել էր
զԱստուած, կառչիլ, միանալ էր Անոր ան-
ձին հետ, իյնալ էր Անոր լուսաւիր գրկին
մէջ, ընկղմիլ էր Անոր էութեանը ծոցին մէջ:

Ո՞հ, այս է ճշմարիտ աղօթքը: Այս կը
նշանակէ աղօթել: Կ'աղօթէ՞ք այսպէս: Ե-
լա՞ծ էք աղօթքի այս բարձր լեռը: Ուրեմն
ո՞վ է սուտը—դո՞ւք թէ՛ այն հրաշալի դէպ-
քերը՝ որք տեղի ունեցեր են ու կ'ունենան
վերերը՝ սրբութեան, աղօթքի ու աստուա-
ծամերձութեան բարձունքներուն վրար:
Լոյսէն հեռի խաւար կայ, արեգակէն հեռի
ձմեռ կայ, ցուրտ կայ, մահ կայ: Երանի՛
անոնց որք սրտով ու մտքով միշտ վերերը
կ'ապրին, կ'ծծեն վճիտ օդը որ երկնից
լեռներէն կ'փչէ. կ'խմեն այն զետերէն որք

Աստուծոյ քաղաքէն կ'բղխին։ Անոնք Տէրը
կ'տեսնեն, Անոր ձայնը կ'լսեն։ Անոնք զօ-
րութենէ ի զօրութիւն կ'երթան, փառքէ ի
փառք, կեանքէ ի կեանք, լոյսէ ի լոյս, մին-
չեւ որ Սիօնի մէջ Աստուծոյ առջեւ երեւին։

Յամառ ձայն մը կ'կրկնէ ինձ սակայն —
«Գէթ չեմ կրնար հաւատալ այդ կարծե-
ցեալ աստուածային ձայնին — Դա է Որդի
իմ սիրելի, եւայլն։ Յիսուսի հեղինակու-
թիւնը հաստատելու համար հնարուած ըլ-
լալ կ'թուի այդ»։

Թէ սո՛ւտ է այս ձայնը, կամ սխա՛լ՝ այս
լայտարարութիւնը, դժուար չէ ստուգել։
Դուն հիւանդ ու անկար մարդ ես, անըու-
ժելի ախտով մը կ'տառապիս տարիներէ
հետէ։ Մարդկային դարմանումներ, արուես-
տի կատարելութիւն քու վիճակդ չ'բարւ-
քեցին, եթէ չ'վատթարացուցին։ Ու ձայն
մը, ծանօթ կամ անծանօթ, վստահելի կամ
ոչ, քեզ մատնանիշ կ'ընէ նորանուն Անձ մը
ըսելով, «Ահա ամենամեծ Բժիշկը։ Անոր
մտիկ ըրէ, ու պիտի ապրիս»։ Այս խօսքին
ճշմարտութիւնը ստուգելու համար կ'եր-
թաս, կ'գտնես ցոյց տրուած Անձը, ու Ան,
ձեռաց հպումով մը, կ'բժշկէ քիզ։ Եթէ հի-

ւանդ ես՝ կ'առողջանաս, կ'նորոգուիս. եթէ
կոյր ես՝ կ'տեսնես. եթէ կաղ ես՝ կ'քալես.
եթէ մեռած իսկ ես՝ կ'կենդանանաս։ Ո՛հ,
ըսէ, սո՛ւտ է այդ ձայնը, կախարդութի՞ւն
է, պատրա՞նք է։

Երեք Աւետարանիչները կ'պնդեն թէ
գերմարդկային ձայն ա՞յլ այն։ Հայրն էր որ
ըսաւ, «Ատիկա է իմ սիրելի Որդիս, Ատո՛ր
մտիկ ըրէք»։ Զէ՞ք հաւատար թէ ատիկա
Աստուծոյ Որդին է։ Մարդ մը աստուածա-
ցնելու համար ճարտարամիտ հնա՞րք մ'է,
կ'ըսէք։ Ուրեմն, գացէ՞ք, տեսէ՞ք այդ էակը։
Տեսէք թէ յանձին «Որդոյ Մարդոյ» Որ-
դին Աստուծոյ չէ՞ Նա։ Գացէ՞ք, հիւանդ հոգի-
ներ, կոյր միտքեր, ապականուած, անզգա-
յացած, մեռած սրտեր, գացէ՞ք «Որդի»ին,
որ դպչի ձեզի, որ ակնարկ մը ձգէ ձեր
թշուառ կեանքին վրայ։ Ո՛հ, դիմեցէ՞ք Անոր
ու տեսէք թէ Անիկա չէ՞ մեծ Բժիշկը,
ճշմարիտ Բժիշկը։

«Լուարո՛ւք դմա» — ի՛նչ ազդու, ի՛նչ
հզօր, ի՛նչ հրաշալի, ի՛նչ ճշմարիտ ու
նոյն ատեն ի՛նչ տրամարանական ձայն
ա՞յ այն — «Ասոր մտիկ ըրէք»։ Եթէ անոր
«որդի»ութեան ապացոյցը կ'ուզէք, եթէ
համոզուիլ կ'ուզէք թէ յիրաւի Անոր Որդին

է, չօրը ծացէն ելած, Անկէ զրկուած, ուրեմն
մտի'կ ըրէք իրեն: Իրեն, ո'հ, Իրեն, ուղղա-
կի Իրեն՝ն մտիկ ըրէք. Ի'ր իսկ ձայնը լսե-
ցէք, ու պիտի հաւատաք: Միշտ ուղիղ չէ
ըսել, «Պէտք է նայիմ ի'նչ կ'ըսեն խորհող
միտքերը. ի'նչ ըսած է վուգեռ, ի'նչ կ'ըսէ
Սթրառւ, ի'նչ կ'ըսեն այլք»: Ո'չ, ո'չ, ամէ-
նէն արժանահաւատ, ամէնէն վստահելի
աղբիւրն ինքն է: Իրեն՝ն մտիկ ըրէ, տե՛ս
ի'նչ կ'ըսէ ինք: Ոչ ոք կրնայ զՔրիստոս
յայտնել, ծանօթացնել քեզի բայց նոյն ինքն
Քրիստոս Վարդը վկայ չ'ուզեր, ոչ ալ սպի-
տակափառ շուշանը: Գնա՛ քու անձովդ
բուրէ «Սարօնի Ծաղկի»ը, «Հովտին Շու-
շան»ը: Գնա՛, տես արեգակը չէ՞ այն որուն
վրայ, Շէյքսբիրի ոճով, նոր լոյս մը չես
կրնար յաւելուլ: Գոհարը չէ՞ այն, որուն
վրայ փայլ մը չես կրնար աւելցնել: Եթէ
մարդիկ լսէին Քրիստոսի, պիտի հաւատա-
յին Իրեն, պիտի սիրեին զինք: Անոր համար
կ'տարակուախն սկեպտիկները, անոր հա-
մար չեն կրնար հաւատալ, զի չեն ուզեր
շիտակ Անոր դիմել, Անոր բերնէն լսել:
Տեսնուած չէ անհաւատ մը, որ ի վկայու-
թիւն կոչած ըլլայ զՔրիստոս, որ կարող
ըլլայ զՔրիստոս իրեն դէմ հանել: Զկայ

մէկը որ ճանչնայ զՅիսուս, տեսնէ զԱնի-
կա, լսէ Անոր ձայնը ու մնայ տարակու
սանաց մէջ, մնայ մեղքի մէջ:

*
**

Ո'վ երկրի ծայրերը, Անո՛ր մտիկ ըրէք:
Ո'հ, փորձով իմացէք թէ նա չ'խօսի՛ր
բուն իսկ սրտին: Տեսէ՛ք, չ'պա՞տասխաներ
հոգւոյն ամէն բաղձանքներուն, կեանքին
բոլոր պահանջումներուն: Անո՛ր մտիկ ըրէք:
Տեսէ՛ք, կա՞յ այլ ձայն որուն մէջ այնքան
երաժշտութիւն, այնքան հմայք, այնքան
կորով, այնքան սէր ու համակրանք ըլլայ:
Տեսէ՛ք, այս լեզուն չոգւոյն լեզուն չէ՛, այս
ձայնն երկինքի ձայնը չէ՛: Լսեցէ՛ք, բժըշ-
կութիւն չ'կա՞յ, յոյս չ'կա՞յ, լոյս չ'կա՞յ,
կեանք չ'կա՞յ Անոր ձայնին մէջ: Ո'հ, լսե-
ցէ՛ք:

Մտիկ մի՛ ընէք աշխարհի ձայնին, կրից
ու մարմինի ձայնին: Դեւին ձայնն է այն
որ աւերումի կ'առաջնորդէ ձեզ. մահ կայ
անոր մէջ: Բայց մտի'կ ըրէք «սիրելի Որդ-
ւոյն», ու բնաւ պիտի չ'մոլորիք, պիտի
չ'սիալիք, պիտի չ'կորսուիք: «Ատո՛ր մտիկ
ըրէք, ու պիտի ապրիք»:

ԽԱԶԻՆ ԽՈՐՀՈՒՐԴԸ

Լայն աշխարհի մէջ հեշտ կեանք — այս
է նշանաբանը ժամանակիս տիրող ոգւոյն։
Ապրիլը՝ վայլել է. հակառակ պարագային
չ'արժեր կեանքը ապրիլ։ Ի՞նչ է ճշմար-
տութիւնը, ո՞րն է բարին։ Ամէնէն ընդու-
նելի, համոզիչ պատասխանը այսօրուան
եպիկուրեանները կուտան — «հաճոյալի
կեանքին խոստումը»։ Ի՞նչ որ մեր բնա-
կան կեանքի բաղձանքներուն գոհացումին
կ'ծառայէ՛ ահա ա'յն է ուղիղը, բանաւորը,
զիտականը ու փիլիսոփայականը։ Շիտակ
ճամբան՝ լայն ճամբան է։ Ամէն փշալից,
անձուկ շաւիդ՝ տիսմարներուն յատուկ ճամ-
բան է։ Արցունք բերող հրեշտակը սատա-
նային հրեշտակն է որ դժոխքէն կուզայ։
Խինդ ու հաճոյք բաշխող հրեշտակն է
երկնառաք պատգամաւորը։ Ամպին ու մա-
ռախուղին մէջ ո'չ արեւ կայ, ո'չ Աստուած։
Երկնայինը, պաշտելին, աստուածայինը այն
է միայն որ կ'լուսաւորէ սրտին ճամբան,

պսակ է՛գնէ ցանկութիւններուն վրայ։ Ով որ
կարելի կ'ընէ ցայտուն, օդասլաց երազնե-
րու իրազործումը՝ ա'ն է աստուած։ Այս նիւ-
թակաշտ փիլիսոփայութեան, այս աշխար-
հիկ վարդապետութեան ու այս հեշտա-
մոլ, մարմնապաշտ դաւանանքին հանդէպ
խաչին գաղափարը դատապարտելի, հրկի-
զելի հերձուած մ'է, ու անոր քարոզու-
թիւնը մանաւանդ հիմա «յիմարութիւն» ու
«գայթակղութիւն» է թէ՛ չելէններուն եւ
թէ՛ հրեաներուն — աշխարհի երկու ծայրա-
յեղութեանց ներկայացուցիչներուն։

Այն օրէն ի. վեր երբ՝ իբր մարմնացում
իր նոր, տարօրինակ, հակընդդէմ, աներե-
ւակայելի փիլիսոփայութեան՝ խաչը կանդ-
նեցաւ,

ՃԱԿԱՌԱԿՈՒԹԵԱՆ ՓՈԹՈՐԻԿԸ
փրթաւ անոր դէմ, Վշտակրող ու անար-
գուած Քրիստոսի մը անմտաբերելի խոր-
հուրդին դէմ հեգնական սառն ընդդիմու-
թիւնը առաջին անգամ անոր հարազատ
աշակերտներէն ծագեցաւ։ Խա՛չ — սոսկալի
յուսախաբութիւն, ուրեմն, իրենց բոլոր
ակնկալութեանց եւ համարումին մէջ։ Քա՛ւ
լիթի։ Խաչը մէկ նշանակութիւն ունի — յի-
մարութիւն։ Երջանիկ ու փառաւորեալ Յի-

սուս մը միայն կրնայ Քրիստոս ըլլալ՝
Որդին Մարդոյ պէտք է մատնուի, չար-
չարուի ու մեռնի Որդին Մարդոյ, ու չար-
չարանք, եւ մահ — մէկ նախադասութեան
մէջ ամէնէն անըմբոնելի հակասութենը
կ'կազմեն կեանքին: «Երկնից թագաւորու-
թիւն» յորջորջուած տիեզերական, անհուն
եւ աստուածային գաղափարականի մը ի-
րագործումը, մարդկային դատումով, մէկ
կերպով կարելի էր — չ'մասնակցիլ երբէք
տկարութեանց զորս «մարդկային» կոչել
սովոր է աշխարհ:

Միայն Հրեայ ազգը չէր որ իր ըմբռո-
նումներով չէր կրնար երեւակայել Երկնից
իշխան մը յարտաքուստ չքաւորի հասարակ
պարեգօտին մէջ, եւ ի ներքուստ ցաւա-
տանջ հոգիով մը: Մարդկային խրոխտ
միտքը կ'ուզէր ու կրնար ստեղծել Քրիս-
տոս մը՝ իր պալքարներէն ու տկարութիւն-
ներէն վեր՝ երջանկութեան ու փառքի գա-
հուն վրայ բազմած, որ եթէ երբէք զիջանէր
մտնել ցաւերու մեր աշխարհին սահմաննե-
րէն, բնաւ պիտի չ'վարակուէր անոնցմով:
Մեր ազատախոհներուն մտքերը այսօրի-
նակ կատարելութեան եւ մեծութեան տի-
պարի մը կրնան հաւատալ: Օրուան փիլի-

սովիան հին դարերու Փարիսեցիներուն հետ
նոյնը կ'աղաղակէ — «թէ որ Աստուծոյ Որ-
դին ես, իջիր այդ խաչէն»: «Մարմնաւոր
միտքը» չ'հաւատար խաչին վրայի Աստու-
ծոյ Որդւոյն:

Բոլոր փիլիսոփայութեանց մէջ, որք բուռն
պատերազմ կ'մղեն խաչին դէմ, բոլոր այն
տեսութեանց, վարդապետութեանց հան-
գէպ, որ անհաշու թշնամի կ'հանդիսանան
արցունքին դէմ, զոր խաչը կ'մարմնացնէ,
կ'գեղեցկացնէ, կ'փառաւորէ ճառագայթին
պէս որ կ'ինայ ցողին վրայ, բոլոր այն մո-
լեգին շառաչներուն, պառչտուքերուն հա-
կառակ, որոնցմով յաւիտենապէս կ'բողո-
քեն «ցաւ»ին դէմ, բոլոր անոնց դէմ՝ որ
անկատարութիւն, պզտիկութիւն, անկա-
րողութիւն, տգիտութիւն կ'տեսնեն ուր
որ ամպ ու ստուեր կայ, որ չեն կրնար ըմ-
բռնել կատարեալ կեանք, առանց կատար-
եալ երջանկութեան, իր սեղմ իմաստովը, ոչ
ալ կրնան ըմբռնել բարեկը որ արտասուքով
օծուած է, զրախտի սիրաը՝ փուշով խօցուած
— ահա այս տիեզերական անդիմադրելի
ձգտումներուն ու հակումներուն ի պատաս-
խան մի միայն Մէկը, Աստուծոյ այն Մէ-
կը, Գալիլիայի «Որդի Մարդոյ»ն խաչը վեր
բռնեց ու ըսաւ, «Ահա

ԱՍՏՈՒԾՈՅ ԳԱՂԱՓԱՐԱԿԱՆՆՅ
ահա՝ բոլոր մարդոց երազներուն, մտատի-
պարներուն իրականացումը. Ա'ն է կատար-
եալ մարդը որ այս նշանով կուգայ. Ան
որ ասոր վրայ կ'բարձրանայ իրեն պիտի
քաշէ մարդկութիւնը: Ան որ ասոր վրայ կը
տարածէ իր թեւերը Ա'ն է որ պիտի ընդ-
գրկէ յուսաբեկ մարդը, Ան իշխանութիւն
ունի շահելու սրտերու սէրը, ու տանելու
զայն երկինք: Ան միայն Ան, որ խաչով կը
ներկայանայ երկրի վրայ, ահա Ա'ն է Աս-
տուծոյ պատկերը, մարդկութեան Մեսիան,
հոգիներուն Փրկիչը:

Այս յայտարարութիւնը, այս զարմանա-
լի, անլուր յայտարարութիւնը,

ԽԱԶԻՆ ՅԱՅՅԱՐԱՐՈՒԹԻՒՆՆՅ
որ նոր ուղղութիւն կուտայ մարդկային
սկզբունքներուն, ու նոր, խորունկ նշանա-
կութիւն՝ կեանքին, որ կ'շեղի անցեալ ու
ներկայ փիլիսոփայութեանց կոխած ըանուկ
արահետէն, իր իսկատիպ ու սկզբնատիպ
հեղինակութեամբն, ու բոլոր այն հանգաման-
քով որով մեծը ու աստուածայինը կ'զծուի,
կ'պարունակէ իր մէջ գերակշռող զօրութիւն
մը զոր յարմարագոյն անուամբ պէտք է
կոչել յայտնութիւն: Շանթահարող ճշմար-

տութիւն մը չէ՝ այս՝ բոլոր թերահաւատ-
ներուն երեսին նետուած: Եթէ մարդիկ
կրնային յղանալ ու ծնունդ տալ Քրիստոսի
մը, այլ միայն Աստուծոյ միտքը կընար
ներկայացնել խաչեալ Քրիստոսը: Մեր
խեղճ, աղօտ երեւակայութեան, մեր կան-
խագոյն յղացումներուն ու ըմբռնումներուն
պատասխանող Քրիստոսը խաչ չ'ունի: Մեր
մտքի հետազօտութեանց ամէնէն լայնա-
ծաւալ գաւառներուն մէջ խաչի մը նշան
չ'կայ զծուած: Մեր ակնկալած Մեսիան
հրեղէն կառքերով շրջապատուած երկնքի
թիկնապահներուն բոցասուր բանակներովը
պիտի գար, մարդոց զմայլանքի ու սար-
սափի զգացումները իրեն գրաւող սասա-
նումներով պիտի անցնէր աշխարհէն, ու
վեծափառ, ահեղադղորդ՝ պիտի ելլէր ասկէ
վեր: Խաչը՝ յաւիտենական ներհակութիւնը,
վեր ի վայր շրջումն է ամէն ժամանակի
գաղափարաց աշխարհին: Խաչով ներկա-
յացուած Մեսիան է երկնքի Մեսիան,
Աստուծոյ Առաքեալը, ու նաեւ ներկայա-
ցուցիչը այն ամէն բաներուն որք աստուա-
ծային են մարդուն կեանքին մէջ:

Հաշտուելու համար նեղութեան ու վշտի
գաղափարին հետ, սորվելու համար ցաւին

խորունկ փելիսոփայութիւնը, փուշերուն
մէջ տեսնելու համար խոցոտուած երջան-
կութիւնը, ամօթահար փառքը, գամուած
սէրը եւ մահուան ստուերին ներքեւ կեան-
քի փթթումը՝

ՆԱՅԵՑԻՔ ԽԱԶԻՆ

Ով որ կ'հետեւի նազարէթի «Մարդարէ»ին
ոտնաքայլերուն, ով որ մտիկ ըրած է Անոր
տիսուր, մելամաղձիկ հեծեծանքի ձայնին,
ով որ դիտած է գիշերային միայնակ հսկու-
մին Անոր, դիտած է մանաւանդ խաչը,
նոյն իսկ խաչը, որուն երկիւղներուն եւ
սպիներուն ոյժէն չէ յաղթահարուած շնորհ-
քը այլ յաւիտենական փառք ընդունած է,
նա պիտի հասկնայ թէ կեանքին յատակէն
հանելու համար ի'նչ որ սուրբ է, ի'նչ որ
ազնիւ ու աստուածային է, պէտք է որ ան-
պատճառ բաժին մը ունենայ խաչէն, մաս
մը իր ուսին վրայ կըէ անոր ծանրութենէն,
պէտք է որ ծանօթ ըլլայ անոր—խաչին գի-
տութեան։ Ո՞վ որ աչքի սուրբ ու ճշմարիտ
սեւեռումով կ'նայի այդ վշտի յաղթանակին,
իսկոյն պիտի գոչէ քրիստոնեայ փելիսոփա-
յի մը հետ — «Յիբաւի ո'չ կրօնք կայ ո'չ
պաշտում՝ հեշտանքին ու վայելումին մէջ»։
Յիսորժակները գոհացնելու հետամտող միտ-

քը՝ որքան ալ վերերը խոյանայ՝ ամէնէն
ստորին ու վայրաքարշ վիճակին մէջ կը
գտնուի։ Մարդուն անկարողութիւնը իր
խոլ ցնորքները իրագործելու մասին, անոր
կրկնուող յուսախաբութիւնները իր բաղ-
ձանքներուն յագեցման բոլոր ճիշերուն
մէջ, անոր անյաջողութիւնները իր հետա-
պնդած նպատակակէտին ճամբուն մէջ կը
մշակէն ազնուացուցիչ անհանգստութիւնը,
յառաջացնող, վարող, ներշնչող բարութիւ-
նը, անմահ ընդունակութիւնները մեր բնու-
թեան։

ՍԻԱԼ ԱՌԱՋՆՈՐԴՈՒԱԾ ՍԻՐՏԸ

մարդուն՝ զայրացած, սրտմտած չարիքին
գէմ, չոր ու խանձող ցաւը զգալով միայն
անոր մէջ, կ'պանդատի, կ'ալսաամբի խա-
չին խորհուրդին գէմ, որ հանդիսատի ան-
դորր, հաստատուն գետինը ցնցելով մեր
ոտքին տակ, կ'նետէ մեզ ծովոն գիշերա-
յին ահարեկ խոռվքներուն մէջ, ուր սա-
կայն, իր խաչին արձակած նսեմ ստուեր-
ներուն ետեւ, ներկայութիւնը կայ ամենա-
կալ Աստուծոյ։

Այս ցաւոց հովտին մէջ, ինչպէս կ'ըսուի
սովորաքար, աշխարհ կ'կարօտէր

ԵՐԿՆԱՅԻՆ ՈԳԻՒ ՄԸ

որ տառապանքէն հանուած, կորսնցնող, մեոցնող փիլիսոփայութեան դիմաց՝ դարձնէր լուսաւոր կողմը ցաւին: Այդ ոգին սաւառնեցաւ խաչին վրայ, ու խաչը յաւիտենապէս պիտի ցցուի շանթահարիչ ուժով մը ընդդէմ ամէն դարու մարդոց որոնք չեն հաւատար բարիի կամ բարոյականի մը, որ չ'ապահովցներամէն երազի կատարումը, ոչ ալ ճշմարտութեան մը կամ յայտնութեան մը կ'վստահին, որ կ'խոստանայ կեանքին՝ անխառն, անդառն բաժակ մը: Ան ցվերջ կանգուն պիտի մնալ իրը նշան ցաւին ու թախիծին՝ աստուածայնօրէն կրուած: Այն բոլոր յուսաբեկ, անձնուէր, եւ ընկճուած հոգիներուն պիտի ներշնչէ գերբնական ոյժ եւ պիտի ըսէ լոին, «Մի՛ թուլնաք կեանքի խաչին ծանրութեան տակ»: Ան իր հիւանդ զաւին վրայ ծուած ու գիշերայն հսկող մօրը, որուն սրտին սէրը հոն սնարին վերեւ վառուտղ լոյսին պէս չ'մարիր, ցոյց պիտի տայ լուսաւորը վերի՛ ըսելով, «Ահա քեզի նման այն ալ կ'փայլի անսահման մթութեան վրայ»: Փա՛ռք այն խաչին որուն վրայ թաւի Մարդը բարձրացաւ, Աստուծոյ Դառը կտրուեցաւ, ու տուայտանքի վայիւ-

նը երդի փոխեց, ամէն անձկալից սրտերէ պոռթկացող հեծեծանքը երկնային նուազի փոխարկեց, սրբացուց ցաւը, քաղցրացուց արցունքը, եւ աշխարհի հորիզոնը մթագնող ամպերուն մէջ երփներանգ աղեղին պէս երեւցաւ:

Մի՛ արհամարհէք այն սրբազան, վեհ, փրկարար խորհուրդը զոր խաչը ի վեր կը հանէ, ու անոր հետ ի վեր կ'ելլէ մարդկային կեանքը իր առեղծուածային, քառսային դիրքէն, իր շլմորուն, շփոթ վիճակէն: Առանց այս խորհուրդին, առանց այս լուսաբնութեան աշխարհ մէկ փիլիսոփայութիւն ունի —յուսահատութեան փիլիսոփայութիւնը. մէկ վարդապետութիւնը. մէկ խորհուրդ ունի —մահուան խորհուրդը:

Խաչին հոչակած խորհուրդը

ՀԵՐՔՈՒՄՆ

է աշխարհի վարդապետութեան որ կ'դաւանի թէ ի՛նչ որ երջանկութիւնը կ'ընձեռէ, ի՛նչ որ շահ եւ յաջողութիւն կ'երաշխաւորէ, ի՛նչ որ կամքը կ'հաճեցնէ, ի՛նչ որ «ես»ը փառաւորելու կ'ծառայէ, անարգ մետաղն ըլլայ այն կամ բիրտ ոյժը, սուտը ըլլայ այն կամ սատանան, գերազանցօրէն պաշ-

տեղի ու երկրպագելի է։ Այս նիւթապաշտ փիլիսոփայութեան, այս մոլար, գահավիժող դաւանանքին հակառակ՝ խաչը իր ներկայացուցած չնաշխարհիկ Օրինակովը կը հոչակէ թէ ի՞նչ որ գեր ի վեր է քան մեր անձնական երջանկութիւնը՝ կ'յայտնուի մեզի կորստեամբն երջանկութեան, եւ ի՞նչ որ մանաւանդ վեր է քան ամէն բան — կրօնքի կեանքը, սրբութեան զաղափարը, յարումը եւ միացումը Աստուծոյ հետ — տեղի չ'գտներ մեր մէջ մինչեւ որ չ'ձգուինք նեղութեան բովին մէջ։ Խաչին կրօնքը մէկ աղօթք ունի — «Կ'գոհանամ քեզմէ, Տէր, որ իմ ուրախութիւնս արցունքի ցողերով թրջուած է»։ Խաչին հաւատքը մէկ երգ ունի — «Կէս զիշերուան խաւարին ծոցը այգուն բողբոջը պահուած է»։ Խաչին շեշտած ոսկեղնիկ, առողջ սկզբունքն այս է — «Ան որ իր անձը կ'կորսնցնէ՝ զանիկա պիտի գտնէ»։ Խաչին սփուած լոյսին ներքեւ մարդ չ'խորշիր ցաւին ձգած ստուերներէն, որոնց ետեւ տառապանքի գաղտնիքը կը լուծուի, Խաչին զաւակը ջուրին ճամբան արմատ ձգող ծառին պէս կ'ուռճանայ, կը պտղաբերի արտասուքի առուներուն մէջ։ Նա իր շնորհներուն, ձիրքերուն ամէնչն

ճարուստ փորձառութիւնները կ'քաղէ անձաղիկ թուփերու վրայէն։ Տրտմութեան հոգերը չեն ընկղմեր քրիստոնեային նաւը, բայց կ'ուռեցնեն անոր առագաստները, ույսուած կ'վարեն զայն դէպ ի խաղաղիկ ափունքը ապահով երկրին։ Անոր երկնային յոյսերը կ'ծաղկին փուշերու մէջ, անոր ցաւերը ակաղձուն, ոսկեգոյն աշնանահունձ մը կ'հասունցնեն։ Ճշմարիտ քրիստոնեաներու կեանքերը անմահութեան սերմերուն պէս են որ երբ Աստուծոյ հովերէն քշուին ու տարուին՝ կ'երթան, կ'իյնան անծանօթ դաշտերու մէջ, եւ ո՛ւր որ իյնան հոն կը բուսնին, կ'պտղաբերին, անապատին մէջ անգամ, եթէ իրենց բաժին տրուի, զրախտ մը կ'ծաղկեցնեն։

ԿԱԾԱՐԵԼՈՒԹԵԱՆ ՃՈՄԲԱՆ
Խաչին ճամբան է։ Ո՞վ կրնայ ուրանալ այս յաւիտենական ճշմարտութիւնը։ «Հոգիին ճամբան դէպի կեանք, դէպի երկինք, ըսուած է թէ ամէնչն մեծ հրաշքն է տիեզերքին մէջ», ու այս հրաշքը կ'կատարուի միայն այն ճամբով որով ընթացաւ «ցաւոց տէր եւ վշտաց տեղեակ» Մարդը։ Նեղութիւններն համբերութիւն կ'գործեն — կեանքին մեծագոյն դասը։ համբերութիւնը

կ'առաջնորդէ փորձառութեան. եւ փորձառութիւնը հոգին կ'տանի դուռը յոյսին որմէ կ'թեւակոխէ ան դէպ ի կատարելութեան անծայրածիր սահմանները:

ԽԱԶԻՆ ԱՇԱԿԵՐՏՈՒԹԻՒՆԸ

մեծ ագոյն կրթութիւնը ու լաւագոյն պատրաստութիւնն է ընդարձակագոյն կեանքի մը համար: Փախէ՛ք այն մարդէն որուն կամքը խաչուած չէ, որուն կիրքերը գամուած չեն, որուն զգացումները վէրք տեսած չեն, որուն փափաքները ընդհարում գիտցած չեն: Թոյլ ու հիւանդ մարդն է ան — անպէտ հոգին, եթէ ծնունդը չէ սատանային: Ո՞վ պիտի ուղէր ապրիլ երկնքի մը ներքեւ որ օր մը չ'ունի լուսաւոր կամ ամպով քողուած: Բարիքները յաճախ ամպերէն չեն տեղար: Ճշմարիտ չէ՝ Քառուբը երգը — «Խոժոռ նայուածքին ներքեւ Անորժպիտը պիտի տեսնէք»: Ի՞նչ զիտես, ո՞վ տառապող հոգի, թէ ի՞նչ շնորհ պահուած է ցաւին մէջ, եւ ի՞նչ տագնապ ծածկուած է խնդութեան ոսկեղէն ծածկոցին տակ Ո՞վ կրնայ վստահացնել թէ ճշմարիտ բարիքը ո՞ր հրեշտակը կ'բերէ — ա'ն որ սպիտակ նժոյգ մը հեծած կուգայ, թէ ա'ն որ դեղնագոյն ձիու վրայ նստած կ'մօտենալ

մեղի, թերեւս յաճախ պէտք էր դառնապէս լալ, երբ խնդալէն կ'մարինք, ու երբեմն, հակադարձաբար, պէտք էր խնդալ, երբ յորդանու արցունք կ'վազցնենք: Մի՛ գժոհիր, մի՛ տրտնջեր քու խաչեղ ընդդէմ: Սյդ բեռէն ազատիլը — եթէ բեռ նկատած ես զայն — կեանքիդ մեծագոյն բարիքը ու փրկութիւնը մի՛ համարիր. ո՛րքան կը խաբուիս: Եթէ զիտնաս թէ փրկութիւնը նեղութեան արգանդէն ցաւօք կ'ծնի, եւ եթէ զիտնաս թէ ապաշխարութիւնը, որ հոգիին վերականգնումն է, արտասուքի աշխարհէն կ'ծագի, պիտի համակերպիս կրելու խաչդ գէթ սիրով, եթէ ոչ պարձանքով ու հպարտութեամբ:

ՄԻ ԱՎԶՆ ԱՐ ԽԱԶԵՆ

Ցաւը ամօթը չէ մարդուն յորմէհետէ անով ծածկուեցաւ լուսաւոր, անարատ երեսը Աստուած-Մարդուն: Աստուած այն ատեն աստուածացաւ երբ ի տես եկաւ փշեայ պսակով, թուքերու ներքեւ, ու ցաւերու մէջ:

ՅՈՅՅ ՏՈՒԵՔ ԽԱԶԵՐ

բոլոր անոր թշնամի սուտ քրիստոնեաներուն որոնք «կեանքին վախճանը, կեանքին մեծութիւնը հաճոյքն է» գրած են իրենց

հիմնած դպրոցներուն անկիւնաքարեքուն
վրայ: Հսէ՛ք անոնց թէ նա որ ասոր վրայ ե-
րեւցաւ պատկերներու ամէնէն աստուածա-
րինը ցոյց տուաւ: Ամէն փոփոխականու-
թենէ զերծ՝ Աստուեոյ բարձրութեան գա-
ղափարը՝ ամէնէն կարկառուն, ցայտուն,
փառապանծ կերպով այս խաչին վրայ ի
յայտ բերաւ նա: Հոն միայն եւ ոչ այլ ուրեք
մարդկային աչքերը կրցած են տեսնել Ամե-
նակատարեալ Էակը: Անոր՝ ամէն ցաւի ու
տկարութեան հասողութենէն ու հպումէն
անդին սաւառնող թեւերը, Անոր՝ ամէն
վնասէ ազատ ու անընդունակ կեանքը, որ
զինք արցունքի գետին սահմաններէն ան-
դին կ'փոխազրէ — ասոնք չեն որ իր մեծու-
թեան ամէնէն հզօր տպաւորութիւնը կը
ձգեն մեր վրայ: Նա այս կերպով կրնար
ցոյց տալ բարոյական ու հոգեւոր աստուա-
ծութենէն տարբեր՝ ֆիզիքական աստուա-
ծութիւն մը: Այլ Քրիստոս ի տես բերաւ իր
խաչին վրայ վիրաւորուած սիրով, ծակուած,
պատուած սրտով

ԿԱՏԱՐԵԱԼ Ս.ԱՏՈՒՄԾԸ

Անոր տկարութիւնը ու անձնատուութիւնը
խաչին վրայ իր ճշմարիտ յաղթանակն ու
փառքն եղաւ: Մինչ նա գլուխը ծոեց խա-

չափայտին վրայ, ամէնէն աստուածանման
զօրութեան ազգեցութիւնը ձգեց անջնջե-
լիօրէն բովանդակ մարդկութեան վրայ: Զա-
րիքը ու ամօթը աւելի ամչցած չէին երբէք
քան երբ նա թուքերու տարափին ներքեւ
պարզեց իր հնազանդ ճակատը, անրիծ ե-
րեսը: Մեղքը այնքան մեղապարտ եղած
չէր, յանցանքը այնքան պժգանքով ու
նողկանքով դիտուած չէր, անօրէնութիւնը
այնքան սարսափով գողահար քաշուած չ'ու-
նէր, նոյն իսկ Ամենասուրբին աչքերէն,
քան երբ իր հակառակորդներուն համար
աղօթք մը թոցուց վեր — «Հայր, թո՛ղ գո-
ցա»: Այն ատեն նա յաղթանակը եղաւ
երկնքի, երբ զոհը եղաւ խաչին:

Ո՞հ, տարածեցէք այս ճշմարտութիւնը
օրուան աշխարհին մէջ, ո՞վ քրիստոնեա-
ներ, թէ ո՞վ որ կ'ըմբռնէ, կ'մշակէ այս
ոգին — խաչին ոգին — անիկա է ժառանգը
Քրիստոսի նկարագրին, Քրիստոսի մեծու-
թեան, Քրիստոսի հաւատգին յաղթութեան:



«Ազգային գրադարան



NL0166022

281-6

4-59